

孝淫果報錄



淨空敬題



一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

# 孝淫果報錄上卷目錄

孝淫果報錄原序(一)	趙棟垣
孝淫果報錄序(二)	謝守原
孝淫果報錄序(三)	熊斌
孝淫果報錄序(四)	陳綉敏
孝淫果報錄序(五)	潘明心
孝淫果報錄第十一次重修翻版序(六)	梁少伋
孝順父母十六要	文昌帝君元旦勸孝文
桂宮楊仙用修勸孝文	呂祖師勸孝文
王剛中書八反歌	王剛中書勸孝歌
清夜思親歌	先賢白話勸孝歌
	知恩報恩歌
	勸孤兒歌
	勸孝詩五十四首

孝親十要

白居易警孝詩

老人饑餓自嘆

老人嘆十苦

梁少伋大忠至孝歌

謝守原二十四孝總說

## 二十四孝圖說目錄

舜帝親順解憂

漢文親藥必嘗

曾參善養親志

閔損單衣順母

仲由爲親負米

老萊戲綵娛親

郊子鹿乳奉親

董永賣身葬父

江革負母逃亂

黃香扇枕溫衾

姜詩運泉奉母

丁蘭刻木事親

郭巨爲母埋兒

楊香打虎救父

蔡順執樵供親

陸績懷橘遺母

王裒聞雷泣墓

孟宗哭竹生筍

王祥臥冰求鯉

吳猛恣蚊飽血

黔婁嘗糞憂親

唐氏乳姑不怠

壽昌棄官尋母

庭堅滌親溺器

## 孝親福報圖說目錄

周文王之孝德	趙志孝童愛父	伯俞親衰泣杖	趙咨遇盜憐孝
李婦紡織養姑	薛包至性格親	李密上表陳情	楊黼奇人點化
朱泰念母却虎	室鏗入夢見親	叡明接神石函	孝緒追鹿得參
木蘭代父從軍	蒙正酌恩報德	鼎臣減壽益親	顯之行孝顯達
鬼怕錢氏孝婦	孝悌從吾爲仙	粟成孝童念父	陸柔孝童救父
承美善報親恩	道丕誠感父骨	楊三孝丐登仙	楊乙孝丐感天
孝女感仙醫母	孝女感神醫父	劉氏孝婦齊家	春芳母子節孝
允誠夫妻孝義	天賜錢李孝婦	虎怕黑兒孝子	虎敬宇薪孝子
黃畿孝子感虎	惺菴孝子飼鼠	馮煒代父坐獄	善化孝子跪父
洪浩遊子順親	公慶孝子辭田	慕霞行孝發達	沅英錄忠孝文
龐儒孝友免災	周司敬老獲佑	轉貧天爲富壽	孝子得愈奇疾
潘京善體親心	黃孝子善友愛	李莊孝友弟妹	因篤辭官歸養

鴻緒勗妻事親

蘭石減壽醫親

天駟孝子殺賊

李婦力舉七喪

王原夢覺尋父

## 不孝禍臨圖說目錄

周振逆子變驢

孝者存逆者亡

逆子食魚化骨

兄弟棄親不養

羅鞏久停父棺

厚妻子薄父母

不孝父母翁姑

雷轟區某逆子

知府棄母赴任

逆子傷母現報

神誅斬母逆子

何妻逆婦現報

夫妻忤逆現報

## 不孝悔過仍獲福報圖說目錄

改悔孝親晚年得子

改悔孝親子變善良

改悔孝親丁財兩得

改悔孝親功名順遂

薄待嫡兒悔悟得子

黑旗示警莊氏逆婦

改悔行孝其子乃育  
改悔從善有子克家

改悔行孝生意茂盛

大逆改悔幸免雷誅

## 孝淫果報錄原序（一）

嘗聞百行以孝爲先。萬惡以淫爲首。盡人皆知。知之而未能事親戒色者何也。皆由果報未明。善書未覽。悠悠忽忽。終身入於叢脞之府而不知。殊可惜也。余見勸孝有文。戒淫有說。故取前人之言孝言淫之因果。而集成一卷。使人觸目警心。勉爲孝順之人。盡作端正之士。豈不樂哉。夫古人孝感天心。玉樓注福。淫犯天律。金榜除名。歷徵不爽。今雖科舉已停。而盡孝戒淫。必言三多叶吉。五福駢臻。誠足爲諸君賀矣。更推言其果報。彰彰可考者。如舜之大孝。帝位相傳。文之止孝。周邦新命。至於二十四孝。無不名留青史。昌厥子孫。彼好淫而不孝者。齊莊公之淫。崔子弑之。陳靈公之淫。夏徵舒弑之。隋楊廣之淫。宇文化及弑之。歷代亡國殺身。指不勝屈。皆由於一念之邪耳。嗟嗟。天道福善禍淫。古今一轍。世人當清夜思之。果能欣然而常行孝道。毅然而參透色空。斯爲天下之完人。當世之君子矣。是爲序。

時

中華民國十八年己巳中秋日

廣東新會趙運善棟垣氏選輯並序

## 孝淫果報錄序（二）

蓋聞入孝出悌。人道也。福善禍淫。天道也。誠能盡人之道。而天道佑之。此自然之理也。昔大舜盡孝。帝堯妻以二女。家道成而大寶登。文王盡孝。配以后妃。關雎詠而王化行。推之千古孝子。上天報之。無不深厚焉。至於淫之一字。犯者必獲惡報。試思天子荒淫。四海不保。諸侯宣淫。社稷不守。卿大夫行淫。宗廟不永。士庶人好淫。四體不存。歷史所載。言之詳矣。嗚呼。今日之世界。一誨淫忘孝之世界也。不顧廉恥。反背倫常。言念前途。隱憂曷極。更有仇孝倡淫之說起。青年男女。祇知縱慾任情。不思守身爲大。若而人者。不知天命而不畏也。至於果報一事。更昧昧而不明。聞言而不信。禽獸之行。終身不悟。余見是人而深惡之。更深憐之。喜吾輯孝淫果報錄。精繪圖畫。詩說分明。誠願士君子。細閱此果報一書。察其理而警其心。明其心而見其性。前因參透。後果分明。自然孝道亟盡。而淫念悉除。則獲福無疆矣。是爲序。

時

中華民國十八年己巳重陽日

高要後學謝守原薰沐敬序

### 孝淫果報錄序（三）

吾聞之。有因即有果。有果即有因。生息循環。報應昭爽。此必然之理也。書曰。作善降之百祥。作不善降之百殃。良有以也。夫天道至善。故以善賦之於人。其或內蔽於私欲。外染於污習。不能守其原本之善。遂悖乎天。而奸淫邪慝生矣。趙君棟垣。因選輯孝淫果報錄圖說。以供於世。使讀之者。有則改之。無則加勉。彰明天律。警惕愚頑。其有補於世道人心者。豈淺鮮哉。太上曰。禍福無門。惟人自召。善惡之報。如影隨形。願讀者先參此書。明此理。以爲入手功可耳。

時

民國十八年歲次己巳十月吉日

贛省新建江陵熊斌敬序

## 孝淫果報錄序（四）

人生世界中。富貴貧賤。壽夭窮通。最不平等者。果何故乎。豈造化主故爲顛倒眾生歟。非也。蓋爲因爲果。天律有定也。蓋觀夫種植乎。種瓜者得瓜。種豆者得豆。善栽培者。必得良果。懶灌溉者。必乏收成。此中道理。至明至淺。至真至確。古今中外。不可移易。可知吾人之命。雖稟于天。而立命之權。實操於我。書曰。作善降祥。作不善降殃。良有以也。然則吾人欲享人生幸福。豈可不明此中真理。修身積德。盡孝戒淫。上格穹蒼。以消灾劫。而迓祥和乎。奈何今世之人。偏倡仇孝公妻之邪說。擾亂人心。甘爲惡首。而不知恥。自招灾禍。而不知悔。言念及此。良用痛心。趙公棟垣。岡州善士也。市隱香江。素懷胞與。憫世風之日下。痛道德之淪亡。本其度世之熱忱

。選輯勸懲之書。籍洵得一時勸人以口。百世勸人以書之本旨。近因  
選輯孝淫果報一書。印送同胞。復繪圖畫。化人最易。想此書行世。  
日後必有觀感而興起者。則趙公教世之功。豈淺鮮哉。因不揣鄙陋。  
略序數言。以表揚之。尤望世之樂善君子。志趙公之志。依而行之。  
務令四海之內。善書流通。俾吾等親愛之同胞。咸曉然因果有憑。報  
應有據。惕然覺悟。孝之當盡。淫之當戒。行見俗美化純。而達世界  
大同之景象。是則國家社會之大幸也夫。

時

民國十八年己巳冬至前三日

穎川<sub>晚學</sub>陳綉敏氏謹序

## 孝淫果報錄序（五）

仲尼曰。孝弟者。人之本也。釋迦曰。淫殺者。惡之魁也。太上曰。善惡者。禍福之門也。三教聖人。途趣不同。宗旨唯一。慨夫人心不正。邪說不息。薄行淫詞。莫可拒放。嗚呼。循是而任其淪落焉。能無世道之憂哉。今趙師棟垣公法聖人之立心。抱救世之宏願。編輯孝淫果報錄。分配上下兩卷。並延名畫家。分段繪圖。引人入勝。莫善於此。是書勸孝戒淫。爲人生第一要事。凡爲父兄者。各宜多印多傳。以訓子孫。俾其從少閱歷。知有鬼神。有報應。朝乾夕惕。品質自純。僕嘗閱世間孝淫書籍。以百卷計。要之法良意美。使人握一卷如百卷者。尤以是書爲最。因其文淺意深。字字貼切。真情眞理。可泣可歌。且圖說精詳。事實奇趣。真有令人看之不厭。喜而不寐者。

<sup>晚</sup>得見而悅之。歡喜而贊成之。此書一出。將見淫夫斂跡。逆子寒心。竊思人生天地。有因即有果。因而善歟。其果則福。因而惡歟。其果則禍。孝淫其最著也。<sup>晚</sup>幸從趙師之後。喜其志有成。而樂爲之序。

時

民國十八年己巳冬至日

順德<sup>再晚學</sup>潘明心敬序

## 孝淫果報錄第十一次重修翻版序（六）

趙運善號棟垣先師。乃粵東前輩之頂航老師者。高懷淵冲。雅度夷曠。憂時彌切。憫世殊深。輯此孝淫果報一書。並聘名畫師繪成精美圖像。於每段事跡。肖妙逼真。使人勉於進德。惕於改過。藉此以修身悟道。行孝戒淫。挽頹風。勵末俗。其有益於世道人心。誠非淺鮮。先賢謂百行以孝爲先。萬惡以淫爲首者。則此書足爲斯二語之明證。若夫作善降祥。作不善降殃。果報之說。義取勸懲。馴至化行俗美。豈不甚善。顧何以世風日下耶。蓋氣運使然也。溯自民國以還。干戈迭起。垂四十載。靡克安寧。黑月關山。萬里羽書之警。秋風戰伐。中宵野哭之聲。劫運之來。非偶然也。曠觀舉世。上無禮。下無學。道德淪胥。貪鄙陰謀。卑污苟賤。獸心人面。暴戾恣睢。天性澆漓。

行爲忤逆。風流放誕。浮躁輕佻。殊不知福善禍淫。難逃報應。如是書之臚列事寔。令讀者觸目驚心也。所冀上而士夫。下至婦孺。茶餘飯後。述往事。說遺聞。覽圖畫。用以自覺也可。用以覺人也可。用以改造社會。亦無不可。是則此書之功用大矣。故此書一出。不脛而走。翻印至十次之多。其價值可知。然均已領完矣。近接各方來函。索求是書。愧無以應。忖念各處既熱烈追尋此寶卷。亦是世運前途之佳朕。或者昇平景象。可見於不久之將來乎。謹承趙先師之遺志。爲第十一次之翻版焉。爰書是序。

時

中華民國三十九年歲次庚寅小陽春月穀旦

南海健德老人少伋梁運憲謹序於香島九龍進修齋

# 孝淫果報錄上卷

新會趙運善棟垣氏選輯  
廣東南海鄭善光樂三氏校正  
南海梁少伋重修並校對

## 孝順父母十六要

- |           |    |          |
|-----------|----|----------|
| 一要全天性以樂親生 | 二要 | 和兄弟以慰親心  |
| 四要擇交遊以免親慮 | 五要 | 怡顏色以博親歡  |
| 七要勤服事以替親勞 | 八要 | 審冷熱以防親疾  |
| 十要用幾諫以冀親悟 | 十一 | 存天理以報親恩  |
| 十三多爲善以求親福 | 十四 | 放生命以永親年  |
| 十六急營葬以安親靈 |    |          |
|           | 三  | 要訓妻子以解親憂 |
|           | 六  | 要善奉養以適親身 |
|           | 九  | 要受偏憎以隱親過 |
|           | 十二 | 全廉恥以保親名  |
|           | 十五 | 慎殮殯以護親膚  |

## 孝順父母十六思

- |      |      |      |      |      |      |
|------|------|------|------|------|------|
| 晨昏思親 | 午夜思親 | 逢食思親 | 遇節思親 | 得財思親 | 饑寒思親 |
| 疾病思親 | 喜慶思親 | 安樂思親 | 憂患思親 | 遠遊思親 | 風雨思親 |
| 得子思親 | 嫁娶思親 | 誕日思親 | 顯榮思親 |      |      |

## 文昌帝君元旦勸孝文

帝君垂訓曰。今日是元旦。爲人間第一日。吾當說人間第一事。何謂第一事。孝者百行之原。精而極之。可以參贊化育。故謂之第一事。赤子離了母胎。在孩抱時便知得。故謂之第一事。舍此一事。並無功業。舍此而立言。則爲無本之言。舍此而能功蓋天下。到底不從性分中流出。必作僞以欺國。負本以滅身。天地是孝德結成。日月是孝光發亮。孝之道。言不可得而盡也。爲人子者。事富貴之父母易。事貧賤之父母難。事康健之父母易。事衰老之父母難。事具慶之父母易。事寡獨之父母難。夫富貴之父母。出入有人扶持。居止有人陪從。其願常恰。其心常歡。故易事也。若貧賤之父母。捨却白髮夫妻。誰爲言笑。離了青年子媳。孰與追隨。人子一日在外。父母一日孤悽。爲人子者。善體其情。能頃刻離左右也乎。健康之父母。行動可以自如。

取携可以自便。朝作暮息。可以任意。訪親問舊。可以娛情。故易事也。若衰老之父母。兒子便是手足。不在面前。手足欲舉而不能。媳婦便是腹心。不在膝下。腹心有求而不遂。時而忿忿於內。時而戚戚於懷。爲人子者。善體其情。能頃刻離左右也乎。具慶之父母。日則有以作伴。夜則有以相溫。晝無所事。相與論短談長。夜不成眠。互爲知寒道冷。故易事也。若寡獨之父母。兒女雖有團圓之樂。夫妻已成離別之悲。家庭之內。獨行踽踽涼涼。形影之間。惟有悽悽楚楚。爲人子者。善體其情。能頃刻離左右也乎。嗚呼。試問身從何來。親爲生我之本。孝爲何事。人所自有之心。見我此章。而不動心者。非人也。見我此章。而不墮淚者。非人也。逆子忤媳。見我此章。而不化爲孝子順婦者。與禽獸何異。人人得而誅之者也。

(按)爲人子者。當其易時。切勿視爲太易。必須刻刻關心。則易者自易矣。當其難時。切勿視爲太難。必須處處盡力。則難者不難矣。尚其加意焉可。

## 桂宮楊仙用修勸孝文

孝爲百行之根本。根本不立。則一切事業。皆屬虛浮。今世俗乖忤之因。悉由積漸而致。始緣父母憐惜太過。常順其欲。常佚其身。稍一拂逆。輒生忿怒。甚至親不忍呵叱其子。而子反抵觸其親。以親愛爲尋常。親慈爲應份。又安能念及胎養之勞。撫育之苦。疾病痘疹之憂愁。延師婚嫁之拮据。及至長成。有因分拆財產。而怨父母不均者。有聽信妻言。而謗父母不愛者。有縱放驕奢。而憎父母防閑者。有飲吹嫖賭。而憾父母拘束者。有私其妻子。而吝父母衣食者。有厚於親朋。而薄父母用度者。有執定輪養。而至父母饑寒者。有子常出外。而媳不盡禮且明知父母受氣者。有父任經營。母勞井臼。而夫妻貪逸。還說父母不是者。有父母患病。不請醫藥。而借言老病難療者。夫親

之所有。原爲子之後計。及子之所有。反與親市德色。半生創業。不克自由。一旦強顏。仰於子媳。情何以堪。爲子者。方且任意不肯順承。當面搶駁老拙。致親吞聲忍氣。對客低頭。因此抑鬱膏肓者。亦復不少。更如晚景失偶。心語莫商。雪夜霜天。孤衾如鐵。感時墮淚。觸景傷情。甚或老病沉綿。輾轉牀榻。足僵不煖。髮亂誰梳。穢溺叢堆。參苓弗繼。每食時多哽噎。殘燈夜照頽顏。鰥父稍可安排。孀母何能自遣。是子所奉親者惟此時。親所賴子者亦此際。而人子全無體貼。痛癢不關。抱子者嬉樂其房。嬖妻者歡呼其室。好衣美食。悅妻娛子。使親嗟貧厭老。滿眼淒涼。望一味而不能。丐三餐而忍氣。誰道暮年有後。言之墮淚酸心。豈不思瓦屋簷前。滴點皆依前跡。欲彼厚望其子。何以薄待其親。生前不承有限之歡。死後空灑無情之淚。緘默設祭。戴孝舉哀。不過沽世俗之虛名。掩生人之耳目。華美何

施於白骨。珍饈不及乎黃泉。親在。則視親身爲可有可無之人。親歿。則以親骸爲求富求貴之具。終年擇地。置柩空堂。蛛網結罇。塵封香案。更有旅邸聞訃。因利羈遲。緩不奔喪。需延歲月。甚而兄弟愈多。牽制愈甚。年庚趨避。風水搜求。或因循淺殯權厝。或停寄簫寺破廊。及至安葬之後。諸事皆賴山墳。稍或不遂。輒歸咎於地脉。又想搬改親骸。不思從前如此不孝。根本先傷。上蒼豈肯賜福而報以吉地乎。嗟嗟。烏哺羊跪。物類尚具良能。木本水源。人生反昧至性。當思父母愛我如掌上之珠。望我若凶年之穀。其間有一種。少母苦節撫孤。老父積勞訓子。情景酸淒。尤爲刺骨。吾願天下之爲人子者。親在之日。惜有限光陰。捐隨分囊橐。勉力自盡。孝養及時。若待終天遺憾。風木生悲。始想形容於杳渺。憶笑語於生前。晚矣。至親亡後。一切儀文。量力有無。惟棺槨衣衾。不得草草。死者以入土爲安。

。倘過惑風水。荏苒歲月。其間變態多端。常有播越流離。遂爾宗枝莫辨。亦有烟寒戶冷。以致舉葬難期。土主恐失新租。亂填溝壑。僧道欲空房舍。委棄荒郊。試看今日暴露之棺。未必不因此而致。爲人子者。急宜猛省。

乩仙跋云。諸生集世人勸孝多篇。惟此詳盡明晰。淋漓痛快。查作者。係明末儒士。楊用修者。抱才抑鬱。以諸生終。靈氣凝結。逍遙山陰古寺之旁。是冊告成。文帝降閱。召用修至。大加獎賞。收入桂宮。夫文生於情。當年本至性以發於文章。豈期以此爲證果之地。而文叨識拔。人即擢陞。豐城之劍衝天。汾水之鼎出世。諸生勉旃。爲聖賢。爲仙佛。亦全其至性而已矣。（文帝全書錄）。

## 呂祖師勸孝文

世之人。善莫大於孝。不善莫大於不孝。試思人子墮地時。口舌難言。手足難動。無識無知。爲之含哺懷抱。體察饑寒。萬惜千憐。非親而誰也。則親之耳聾眼暗。齒落筋衰。步履艱難之日。回思從前。當孝乎。當不孝乎。再思襁褓時。患瘡患病。遺尿遺尿。與死爲隣。爲之撫摩調治。推乾就濕。萬苦千辛。非親而誰也。則親之疾病龍鍾。淹然牀榻。宛轉呻吟之日。回思從前。當孝乎。當不孝乎。又思長成時。爲之求衣食。完婚娶。立財產。萬計千籌。非親而誰也。則親之形骸瘦瘁。精神耗散。非帛不溫。非肉不飽之日。回思從前。當孝乎。當不孝乎。然而富貴者。父有家業之豐饒。母有婢媼之使令。而生我鞠我。顧我復我。教誨遺謀我。罔極深恩。猶難酌報。而況貧賤者

。乃忍饑以食之。忍寒以衣之。劬勞辛苦以養之。哀哀父母。欲報之德。寧有涯涘也。至於嫠母存孤。煢煢子立。淡薄自甘。苦節自持。一絲血吮。養育成人。天地爲之改色。鬼神爲之含悽。設有不孝。罪大尋常十倍。或有妾媵生子。遭嫡婦妒之虐。母命險若臨淵。子命危如累卵。僥倖成立。苦楚備嘗。設有不孝。惡加忤逆三重。是故不孝之愆。陽律固不赦。陰律更難原。又觀人子自幼而長。長而壯。親之養子之日頗長。父母自衰而耄。耄而死。子之養親之日甚短。崦嵫暮矣。桑榆迫矣。盡心盡孝。曾幾何時矣。無父何怙。無母何恃。言念及此。有不悲不懼者。其人天理已絕。人性已滅。必死賊殃。此自然之理數。故吾普勸世人。我能孝。自無逆子。子能孝。自無逆孫。繩繩克繼。葉葉永昌。善孰大焉。利孰厚焉。詩曰。孝子不匱。永錫爾類。洵不誣也。勉哉。

# 王剛中書勸孝歌

五言百韻中書唐人

孝爲百行首	詩書不勝錄	富貴與貧賤	俱可追芳躅	若不盡孝道
何以分人畜	我今述俚言	爲汝效忠告	百骸未成人	十月母懷腹
渴飲母之血	饑食母之肉	兒身將欲生	母身如墮獄	父爲母悲傷
妻向夫啼哭	惟恐生產時	身爲鬼眷屬	一旦見兒面	母命喜再續
愛護如心肝	日夜勤撫鞠	母臥濕簾床	兒眠乾被褥	兒睡正安穩
母不敢伸縮	一聞兒啼聲	心驚與胆覆	兒糞不嫌臭	兒病甘身贖
寢食不能安	求神兼作福	橫簪與倒釵	不暇思沐浴	兒若能步履
舉動慮顛覆	兒若能飲食	省口恣兒欲	兒若能戲弄	玩器隨時蓄
乳哺經三年	血汗耗千斛	劬勞辛苦盡	兒年四五六	衣食父經營
禮義父教育	父貧或傭工	艱辛難盡錄	事事竭勤勞	江湖隨處逐

日日去捱磨	稍積資財穀	只爲養兒計	衣食憂窮蹙	欲望子成人
延師課誦讀	紙筆與束脩	在在籌豐足	慧敏恐疲勞	頑鈍憂庸碌
有過代掩護	有善先表暴	兒行十里程	親心千里逐	日暮未歸來
倚門繼以燭	愛惜千萬般	兒年十五六	性氣漸剛強	行止難拘束
兒長欲成婚	爲訪閨中淑	媒妁費金錢	釵釧捐布粟	未免費貲財
何曾計數目	一旦媳入門	孝思異昔夙	父母面如土	妻子顏如玉
親責反睜眸	妻罵不爲辱	老人慮長遠	言語或重複	親言謂太贅
妻語覺聲馥	母披舊衣裳	妻著新羅服	父慮後母虐	鸞膠不再續
母慮孤兒苦	孀幃甘獨宿	二親或鰥寡	不憐守孤獨	問視總荒疏
糕餌先兒屬	健止與一飯	病止與一粥	衣服患單寒	衾裯失溫燠
膳不視哽咽	病不知禱卜	老病不問安	服事厭重複	吝財不延醫
反望登鬼錄	任從婦人們	語語刺心腹	致令老年人	死亦不瞑目

枉食人間粟	勿以不孝頭	罔極難報復	何不思此身	不如草與木	人不孝其親	董永身自鬻	蔡順拾桑椹	還想妄求福	停柩在荒郊	惟道自己福	一旦到無常
天地雖廣大	枉戴人間屋	親恩說不盡	德性誰式穀	葛藟庇本根	不如禽與畜	江革甘行傭	賊爲奉母粟	奉勸爲人子	時時聞鬼哭	忘却本與源	兄弟分田屋
難容忤逆族	勿以不孝身	聊具粗與俗	何不思此身	桑梓敦和睦	慈烏尚反哺	丁蘭悲刻木	楊香拯父危	孝經宜早讀	日久不營葬	不念風與木	不念創業難
及早悔前非	枉穿人間服	聞歌憬然悟	家業誰給足	何不思此身	羔羊猶跪足	如何今世人	虎不敢肆毒	王祥臥寒冰	無異將尸戮	蒸嘗亦虛文	但嫌野非沃
莫待天誅戮	勿以不孝口	省得悲莪蓼	父母即天地	形體誰養育	人不孝其親	不效古風俗	伯俞常泣杖	孟宗哭枯竹	種種不孝心	宅兆何時卜	不識二親恩

兒出謀衣食	媳婦須賢淑	翁姑年衰老	抑鬱難盡錄	飲食與起居
賴媳作心腹	奉侍要真誠	儀容須溫肅	唐氏乳老姑	鄭妻受賊酷
孝德既彰聞	天心必感觸	憶媳入門時	心血費幾掬	胡存刻薄心
當作路人目	轉眼爲翁姑	果報恆迅速	雨水滴簷前	點點相繼續
若是女兒身	孝思尤貴篤	木蘭代從軍	緹縈救父獄	效法古之賢
名聲同馥郁	奉勸世間人	愛親如金玉	萬善孝爲先	信奉添福祿

## 王剛中書八反歌

幼兒或罵我。我心覺喜歡。父母或責我。我心反不甘。一歡喜。一不甘。待兒待親何相懸。勸君今後逢親怒。也將親作幼兒看。  
 兒曹出千言。君聽常不厭。父母一開口。便是多閒管。非閒管。親掛牽。皓髮白頭多經練。勸君敬聽老人言。莫教乳口爭長短。

幼兒屎尿穢。君心無厭忌。老親涕唾零。反有憎嫌意。六尺軀。何處來。父精母血成汝體。勸君敬待老年人。壯時爲爾筋骨敝。看君晨入市。買餅又買糕。少聞奉父母。多說供兒曹。親未膳。兒先飽。愛護心腸何顛倒。勸君多出糕餅錢。供養白頭光陰少。市間檢藥物。只買肥兒丸。老親雖病弱。不買還少丹。兒固瘦。親亦殘。胡爲醫兒不理親。割股還是親之肉。勸君及早註親顏。富貴養親易。親常有未安。貧賤養兒難。兒不受饑寒。一條心。分兩般。親則推貧子不言。勸君莫推家不富。薄待雙親損福田。養親祇二人。兄弟常計較。養兒雖十餘。君皆獨自任。兒飽煖。常顧問。父母饑寒置不聞。勸君養親須竭力。莫推兄弟各分文。親有十分慈。君說理該當。兒有二分孝。君就遍傳揚。一負恩。一誇良。此心如何兩分張。勸君漫信兒曹孝。照君樣子待高堂。

# 先賢白話勸孝歌

姓名失傳

孝字重古今 人人所共曉 父母大功勞 言之說不了 何以子忘恩  
作無關緊要 不養不順承 愛敬總虛杳 烏鴉尚反哺 人而不如鳥  
茫茫天地間 竟有此不肖 空留七尺身 徒爲識者笑 君有妻  
常戀慕 父母作等閒 待妻還意到 妻穿新綾羅 親著粗麻布  
妻言入耳真 親責垂頭腦 君非妻所生 倫理何顛倒 不得謂人子  
更不成夫道 君生兒心歡喜 保護及提携 愛之無不至  
日望子成人 孝順娛君意 君亦有雙親 思孝能盡幾 自問愧還多  
妄想吾兒美 如此不通情 何得謂明理

嗟哉世事總之奇

待妻待子盡心機

生身父母薄情看

白髮愁添兩鬢眉

回想當年望生子

今日生來竟如此

更有橫來激惱多  
嗚呼頭上有青天

老命難堪願早死  
高堂有老不能孝

老境欷歔實可憐  
說盡天花也枉然

## 勸孤兒

### 歌

此歌事鰥寡父母皆同

世間孤兒汝且聽  
那時汝母是年輕  
日裏坐來無意味  
冰清玉潔慰良人  
雖有親朋與鄰近  
衣食無靠極傷神  
千辛萬苦將兒養  
眼淚如珠泡飯吞

從頭仔細說原因  
生離死別情悽慘  
夜對孤燈甚驚人  
家中事務無人問  
外人那似父真心  
朝夕辛勤補綴  
只望承先啓後人  
望兒長大知孝順

想汝父親早歸世  
空房寂靜有誰親  
懷抱嬌兒甘寂寞  
猶如盲子路中行  
若更貧窮苦不了  
但求兒飽不顧身  
數十年長守節苦  
立志創業養慈親

此乃倫常代交代  
性情暴戾異常人  
不管母親貧與病  
反變怒容突眼睛  
孤兒無母無今日  
慈烏啣食返哺親  
百行孝先聖賢訓  
事事順從母歡心  
出外家用常寄足  
人生能有幾多春  
更要勗妻行孝道  
方不虛負做世人

父母劬勞恩報恩  
不管母親熱和冷  
艱難痛癢不關心  
昧良忤逆何至此  
忤逆幾似畜生身  
爲人不孝昧天性  
至理名言古至今  
常奉錢財與食物  
又要頻頻通信音  
若不趁早把孝盡  
同心協力報深恩

誰知汝的心腸壞  
忘却劬勞養育恩  
時時教誨汝不聽  
恩將仇報不成人  
畜生尚且能知孝  
枉生人世不如禽  
怡顏悅色勤服事  
務期飽煖過日辰  
光陰似箭容易老  
世上難逢百歲人  
自問良心顧根本

太上曰。禍福無門。惟人自召。善惡之報。如影隨形。是以天地設司  
功司過之神。世人別事小過。或有可原。惟不孝大過。罪在不赦。因  
人子受父母鞠育劬勞恩德。昊天罔極也。不孝鰥寡之父母。其罪加倍  
。能孝鰥寡之父母。其功亦偉。世之爲孤兒者。祈清夜細思焉可也。

### 清夜思親歌

何以孝我親	定省真以切	何以孝我親	菽水令以悅	何以孝我親
鋪負誓清潔	何以孝我親	讀書忍冰雪	何以孝我親	遠匪如燄熱
何以孝我親	高深凜蹉跌	何以孝我親	改過當須決	何以孝我親
蜚聲追賢哲				

### 知恩報恩歌

論水尋源	問斤求兩	我有此身	從何生長	身由父母	誰人不知
只妨恩義	忘了多時	養子之心	如蜂釀蜜	子養雙親	難酬萬一
戒食牛犬	尚念其功	若論父母	恩與天同	何以世人	竟有不孝
負義忘恩	糊塗混鬧	不思父母	生我劬勞	提携保護	心血焦枯
長大成人	棄親不顧	置若罔聞	各行各路	比如外出	遠去他方
中途日晚	又困空囊	形影飄零	無處歇宿	欲訪親朋	並無相熟
此時惱悶	忽遇一人	留宿具飯	待我慇懃	感謝之情	不勝領納
他日相逢	深深報答	受人一飯	曉得酬還	子食父母	千餐萬餐
十月懷胎	移乾就濕	有病調醫	爲兒暗泣	衣我食我	教我讀書
爲我完婚	更不推辭	與田我耕	與屋我住	如此體貼	都算厚愛
相交朋友	每望知心	須知父母	爲第一人	既受其恩	當思其報
何故無情	反爲激惱	只知自己	快活風流	不顧父母	煩悶憂愁

子不幫扶	父母無計	空養一場	太覺無謂	爾知入廟	恭敬神明
叩頭拜跪	肅肅誠誠	稟盡千聲	只求庇祐	爾試飢寒	眞來救否
救與不救	尚屬無憑	惟我父母	庇祐爲眞	寒則加衣	飢則與食
日日如常	顯其聖跡	號生菩薩	即是爹娘	不知敬奉	枉爾焚香
爾有老婆	幾肯作致	聽信妻言	極之有味	爲何父母	總不關心
恩將仇報	當作閒人	喪盡天良	五倫顛倒	罪大難容	終無有好
求神拜佛	恭喜添丁	待親何暗	待子何明	子作珍珠	愛之如寶
日望長成	以爲養老	後來長大	好醜難知	我受父母	養育多時
我不孝親	子不孝我	世事輪流	眼前因果	欲求發達	有好兒孫
須孝父母	培養根原	父母本根	子孫枝葉	我是樹身	氣脈相接
樹頭要固	加意栽培	開枝發葉	結菓成堆	刻薄雙親	鋤傷樹蔭
任爾枝條	斷難生長	歷觀世界	報應分明	薄待父母	後代孤零

不肖之名 任人羞辱 天眼昭昭 鬼神怒目 積成罪孽 自己承當  
枉生人世 直等豺狼 及早回頭 歸於孝義 瑞氣滿庭 吉祥歡喜  
古來孝子 高出千層 能存孝道 壓盡修行

張智睿註孔聖孝經有曰。夫孝之道。爲天地心。爲萬物宰。爲政教樞  
。爲人道基。聖如堯舜。揖讓大同。亦不外是。達如武周。禮樂大化  
。亦不外是。至孝參天。至孝成聖。至孝格物。至孝通神。孝爲大  
本。萬德所凝。孝爲大源。萬聖所歸。孝之爲道。無乎不賅。始於  
孝親。繼於孝祖。達於孝天。是爲報本。知孝親者。必愛同胞。知孝  
祖者。必愛同種。知孝天者。必愛同類。孝德昌明。孝道廣被。萬  
國所書。皆同其文。萬國所行。皆同其倫。萬國一家。萬世一系。  
萬物一體。萬類一本。協和萬國。統一文化。臻於大順。悉賴是經  
。是講孔聖孝經以爲根柢。所願萬國人人手一編。能誦能解。能明能行

此經人人要讀

。共傳播流通於天下萬世。而永無窮無替焉。

范仲淹曰。夫孝之道。上可格於神明。下可放於四海。增光日月。大都無外人倫。建立勳猷。不過肇端子職。且緩言孝。但先論慈。當其身之未生也。父之凝慮者幾何時。母之憂勞者幾何月。諸多痛苦。身若在囹圄之中。命限存亡。軀介於人鬼之域。幸而經年始出。則長幼儼若更生。十月胎離。則夫婦宛同再造。孩提無識性知情。饑寒周慮。父母有慈衷愛念。笑哭關心。及其甫壯成人。即爲提理。延師尊而訓迪。不惜兼金。周衣食以充盈。何分富厚。受家室。謀生理。百計營圖。置田宅。盡勤勞。寸心莫息。爲親之苦。不其盡歟。爲人子者。既受其恩。當思其報。然而世人能盡孝思者。幾何人也。

孔子曰。父母之年。不可不知也。一則以喜。一則以懼。喜者何。喜

吾父母在。可以時常盡孝也。懼者何。懼吾父母老。恐不能長久以盡孝也。故曰。祭而豐。不如養之薄。死而哭。不如生之順。與其致敬於無形。不若承歡於眼見。與其傷心於日後。不若盡心于生時。

夏氏覺世編註云。二親在堂。乃人生之第一樂事。爲人子者。正當竭力盡孝。及時奉養。古君子所以有惟日不足之心者。誠以喜在此。懼亦在此也。不見世之失怙者乎。欲孝父而何追也。不見世之失恃者乎。欲孝母而無由也。甚至父母俱亡。而劬勞之恩。徒存諸夢想。罔極之思。僅形諸寤歎。此孝子終身抱恨。而莫能解者也。身家雖貧賤。猶以不獲菽水承歡爲憾。若一旦居高位。食厚祿。席豐履豫。而父母不獲身受其奉。其遺憾更何如耶。說者謂祭掃維虔。亦可云孝。不知黃土長埋。日落狐狸眠塚上。綠醕空奠。一滴何曾到。

九泉。尤人子所痛不能禁。淚盡而繼之以血也。言念及此。而知雙親咸在。至大幸也。言念及此。而知雙親垂老。甚可危也。語云。說到悲哀無用處。高堂越健越心忙。孝順烏容緩哉。

呂新吾曰。水有源。木有本。塞其源則流絕。伐其本則枝枯。父母者。人子之本源也。哀哀父母。生我劬勞。欲報之德。昊天罔極。可不及時行孝。以報本源哉。

先哲云。子之孝。不如率婦以爲孝。婦常近親者也。朝夕不離。潔奉甘旨。而親心悅。故舅姑得一孝婦。勝得一孝子矣。婦之孝。又不如導孫以爲孝。孫能娛親者也。依依膝下。順承靡違。而親心悅。故祖父母得一孝孫。又加添一輩孝子矣。

### 勸孝詩五十四首

此詩今古兼收。但求警世。不論雅俗。識者諒之。

人生百行孝爲先  
勸君勤誦蓼莪篇  
我能數盡青絲髮  
難報爹娘養育恩  
母氏懷胎受折磨  
古往今來凶險多  
直從脫下胎衣後  
移乾就濕受熬煎  
大雪紛紛臘月天  
徹夜開胸露半邊  
忽然遇陣涼風過  
翻身便把手來擎

父母深恩大似天  
父母殊恩至大哉  
惟有親恩數不來  
真是斷腸歌不得  
百般痛苦甚難過  
將產兒時與鬼鄰  
血定心安始算人  
要兒穩睡天明好  
偎頭偎臉抱兒眠  
左手擎來右手偎  
緊抱胸前不放開  
要知兩歲三週內

養育劬勞千萬苦  
天高地厚總難賅  
我今欲說淚紛紛  
略歌一二眾知聞  
莫言生產尋常事  
牙關緊咬痛難伸  
手與嬌兒作枕眠  
不敢翻身慣露肩  
只因餵乳孩兒吃  
何曾一刻懶提携  
夢裏聞兒哭一聲  
一覺何曾睡得成

偶聽孩兒夜哭時  
問卜求神又請醫  
恨不與兒分痛癢  
扶牆摸壁學行吟  
貧窮那得米和柴  
自身甘餓瘦形骸  
聽兒說句尋常話  
核桃圓眼藕絲糖  
世事心焦幾萬般  
望見嬌兒就喜歡  
教讀婚姻營業費  
外出遊洋遍大千

爹娘心內各憂疑  
兒逢身熱出天花  
兩餐茶飯不沾牙  
只愁跌著頭和面  
兒女啼飢痛繫懷  
萬種心思萬種兼  
就與沙糖一樣甜  
都來遞與孩兒吃  
終朝終日皺眉端  
兒今頭髮已垂肩  
般般打算極心堅  
離別爹娘難割捨

不知何處驚兒胆  
嚇得親心亂似麻  
幸得兒今兩歲臨  
掛肚牽腸不放心  
覓得飯來兒儘飽  
隨時憂喜向兒覘  
覓得鷄肝鷄汁湯  
自己何曾著口嘗  
不知這悶如何解  
轉瞬成人在眼前  
男兒長大志前賢  
不能長傍膝頭邊

遠遊憶子倍情深  
平安書到值千金  
須知終日門閭倚  
親如紅日薄西山  
誰道形容似去年  
急早承歡侍膝前  
養兒汗乳摧殘甚  
要人陪伴要扶持  
父母而今病久纏  
還令妻兒侍面前  
須記兒時常疾痛  
欲穿欲用懶求人

暮宿朝餐總掛心  
兒在他鄉要見機  
切望孩兒早日歸  
移山有志終償願  
今年親髮白如棉  
親老如何不健餐  
此點恩情仔細看  
身邊今有何人在  
願兒常在臥床邊  
病醫湯藥子當煎  
爹娘日夜意懸懸  
勸君四飯三茶外

惟恐風霜兒受苦  
莫貪花酒負春暉  
孝子思親莫等閒  
返日揮戈確實難  
却愁來日無多晷  
多因心血已枯乾  
親已龍鍾不便宜  
孝順兒孫可得知  
縱然暫出房門外  
晝莫辭勞夜少眠  
常念爹娘手內貧  
還要供親幾許銀

勿個推貧讓弟賢  
父母何曾吝惜錢  
若待生兒纔盡孝  
少有差池痛入心  
不識親恩看養兒  
愛養雙親老大時  
勸君早盡生時孝  
世間偏少孝心人  
妻帶金銀女帶香  
不與綢羅帕一方  
如何說到爹娘上  
薄待高堂懶酌斟

事親件件要爭先  
人生不解孝雙親  
我親那有百年身  
到得老來依靠汝  
千辛萬苦不推辭  
父母劬勞萬萬千  
莫待椎牛祭墓前  
只因看得妻兒重  
滿頭珠翠響琳瑯  
妻子團團坐一房  
不與些胥美味嘗  
更或參商離骨肉

當年教你成人日  
養子知恩始覺真  
爹娘養子愛如金  
服勞奉養報深恩  
請將愛養孩兒意  
子能奉養已衰年  
親視兒如掌上珍  
沒有工夫待老親  
如何看到爹娘上  
煎魚炖肉滿盤香  
歡迎妻黨樂揮金  
勸君清夜自捫心

父母翁姑一樣親  
世事須知若轉輪  
爲何只把兒孫重  
任他饑餓任他寒  
孝順應生孝順子  
點點滴滴不差移  
些些惱怒難容忍  
歷受爹娘萬種憐  
莫怪雙親說話煩  
我到衰年也一般  
開口若嫌多管束  
親前奚可笑癡猷

細心行孝助良人  
父母兒孫一脉連  
父母恩情攔一邊  
你今也有兒孫在  
忤逆還生忤逆兒  
堪歎兒心太不仁  
爾是雙親甚麼人  
打罵縱教冤屈汝  
必須從順博親歡  
親言絮絮爲關情  
恐君放蕩誤前程  
縱然高勝娘千倍

枕邊休說閒言語  
一團精血遞相傳  
不問爹娘安不安  
只恐兒孫照樣看  
不信但看簷前水  
半言失意便生嗔  
移乾就濕幾多年  
怡顏順受各安然  
老人總爲兒孫計  
畢竟能謀讓老成  
莫弄聰明莫恃才  
也自娘胎產出來

生身恩重豈能忘  
縱居人類等豺狼  
在堂奉養十六兩  
有錢難買壽雙親  
幼時全賴我親恩  
饑寒難保命難存  
寄語痴心男子漢  
簾捲西風燭半枝  
萬般勞瘁有時休  
彼蒼定必遂君求  
簷前滴水無差錯  
留爲後代與人看

禽有慈烏獸有羊  
父母不親誰是親  
後代兒孫還一斤  
在生及時不孝敬  
懷抱提携養與殮  
如無父母本無身  
莫鍾兒女薄雙親  
寄語兒孫好看待  
育子辛勤無盡頭  
孝行從來可格天  
孝子生孫定必賢  
芳名千古家昌盛

爲子若還忘奉養  
不敬父母敬何人  
千兩黃金萬兩銀  
死後何勞敬鬼神  
設使病時親不在  
可悟前人啓後人  
人生七十強支持  
眼前光景不多時  
能體親心行孝道  
經文熟讀孝心堅  
我孝雙親盡百端  
逆子頑孫心胆寒

## 孝親十要

孝親一要心真實	愛慕皆從肝胆出	凡事一一稟命行
語不欺瞞事少失	孝親一要勤學習	富貴皆由勤中得
揚名顯親何其榮	想起自難拋一刻	孝親一要戒驕痴
事非難做益非奇	出入遵從父母訓	無貽親怒即佳兒
孝親一要戒繁華	賭蕩花消即破家	創業艱難常記念
奉親之外不宜奢	孝親一要博親歡	食從所欲寢從安
減口亦須供父母	加衣常恐受風寒	孝親一要和兄弟
手足紛爭親泣涕	善體親心盡友恭	推讓錢財心不計
孝親一要代親勞	伺候身邊勿遠逃	親疾更須勤服事
飯茶湯藥必親操	孝親一要慎交遊	勿群匪類致親憂

敬事明師和益友

言詞舉動勿輕浮

孝親一要心慈祥

待人接物貴謙光

賤如奴婢休苛待

草木昆蟲勿亂傷

孝親一要祀蒸嘗

春秋大典禮應當

時加策勵圖揚顯

富貴榮親有義方

## 白居易警孝詩

譬喻人不孝而望子孝者

梁上有雙燕。翩翩雄與雌。唧唧兩椽間。一巢生四兒。四兒日夜長。索食聲孜孜。青蟲不易捕。黃口飽難期。咀爪雖欲弊。心力不知疲。須臾千往來。猶恐巢中饑。辛勤三十日。母瘦雛漸肥。喃喃教言語。一一刷毛衣。一旦羽翼成。引上庭樹枝。舉翅不回顧。隨風四散飛。雌雄空中鳴。聲盡呼不歸。却入空巢裏。啁啾終夜悲。燕燕爾勿悲。爾當反自思。思爾爲雛日。高飛背母時。當年父母念。今日爾應知。

此歌讀之有味。百回不厭。世之不孝者。當猛醒焉。

## 老人饑餓自嘆

我也曾經養我兒 我兒今又養孫兒 我兒餓我由他餓 莫教孫兒餓我兒。

此詩讀之。初覺甚趣。細味之。其情甚苦。世之爲子者。必須生養及時。毋使老親啼饑號寒。諸多怨嘆。方得爲孝。俗語云。必在生前濟咽喉。莫到死後祭山頭。是的論也。

## 老人嘆十苦

頭面鼻耳口齒身手脚

我嘆老來真苦楚  
面老鷄皮總帶愁

聽我從頭訴根由  
鼻老難聞香與臭

頭老血枯生白髮  
眼老昏花涕泗流

耳老難聽人言語

口老談言不自由

齒老吃食無甘味

身老長眠碍骨頭

手老難拿輕重物

脚老行程動氣稠

堪嘆老來無好處

無常一到做骷髏

〔按耳老人。有此十件悲苦。是子所奉親者惟此時。親所賴子者亦此

際。爲子媳者。當竭力服勞奉養。以期安樂而終餘年。俗云養

兒防老，此之謂也。總而言之。凡爲人子女者。服事父母翁姑

。生前能使父母翁姑無一毫怨嘆。死後能於自己無一毫悔恨。

是謂之純孝。人其勉之。予日望之。

梁少伋大忠至孝歌

狂鼓掌。笑哈哈。特來恭祝我中華。抗日八年原非假話。蔣公領導韜略堪誇。中國積弱到如斯。國際安排三等下。常被東鄰之壓逼。遼地即滿洲也曾經任佢扒。點知佢貪得無厭。依然日日來欺詐。借蘆溝橋而起釁。

音仰即禍端也

要求冀察察讓埋他。

直隸省名

察哈爾省

弱國向來無外交。希望列強能救駕。無何佢

之侵略策。用兵藉此樹萌芽。我臨最後的關頭。迫得犧牲無有怕。爲伸正義而抵抗。祇顧中華不顧家。得道者多助於他邦。立起風雲兼叱咤

。

音勑訕生怒也

一聲响而盟邦陣綫。齊動干戈震邇遐。幸我地不屈不撓。萬眾

一心同佢打。諸健兒臥薪嘗胆。竟能打跌朶櫻

音葵花名日本以櫻花爲國花

花。中華從此一

躍而升。今時領袖於東亞。蔣公勳勞非常偉大。功高德厚絕雲霞。黎民服務沙場。現在應當休息下。黨派融和聯合。統一完成大國家。將來物阜民康。政體修明閒且暇。從今永無警報。時常值得嘆盅茶。但

居安則要思危。至理名言真實話。顧人格首先自重。衣冠肅整勿浮誇。

政府在建設當中。實行廉儉維風化。國內精誠團結日。修文偃武有揜

拿。辦清興革與維新。自有仁風甘露洒。總之五常仁義禮智信也和八目。孝悌忠信禮義廉恥

又有名之爲八德者當循軌道勿行差。將見誇舜日堯天。路不拾遺真樂也。尤望大同

之福利。萬年享樂永無瑕。諸君聽。談孝經。社稷安兮孝理明。既在

沙場已効忠。回到家中宜孝敬。忠孝果然能並立。堪稱今古大賢英。

百行當以孝爲先。萬載不磨之攷訂。聖人以孝治天下。故能長治久安

寧。忠臣出自孝子身。古云求忠臣者必於孝子之門移孝作忠功業盛。特寫空前廿四子。行

孝留名永不傾。舜逢頑父母尤囂。音銀口不講忠信之言謂之囂尚書云舜父頑母囂克諧以孝均能盡化其心性。堯

知大舜爲純孝。應傳帝位佢担承。閔損即閔子騫孔子弟子棉衣不禦寒。父欲施行逐

妻令。母去三單言一發。繼母終能免禍星。閔損至孝後母將之刺薄妬忌父欲出之閔子求勿出泣諫曰母在一子寒母去三子單父遂覺悟後母於是大改

前曾參奉父必嘉饋。將徹席時先請命。問該餘饌將誰與。端莊侍立聽

叮嚀。

曾參孔子弟子性至孝孟子謂曾子養曾皙必有酒肉將徹必請所與

仲由

即子路也孔子弟子

以藜藿養親。嘆恨家貧無以敬。蒙師

指示承歡理。雖然菽水

菽即豆類水是清水

亦香馨。

音兄菽豆代米清水代茶有日子路從百里之外帶米回家不辭勞苦迨親歿後喟然嘆曰傷哉貧也親生無以爲養親死無以爲禮也孔子曰食

菽飲水盡其歡此之謂孝

老萊子著綵斑衣。博得親歡娛晚景。

老萊子性至孝年已七十綵衣與眾兒戲以娛雙親

鄭諤

子雙親思

鹿乳。求乳幾乎受獵刑。

鄭子著鹿皮入鹿群中取鹿乳以療雙親眼疾忽遇獵者射之幾遭射死

漢文帝母病三年。湯藥必嘗

療。佞病。

禮記親有疾飲藥子先嘗之漢文帝其敬守古禮乎

董永賣身而葬父。大孝居然感玉京。江革因賊負

母逃。背負老娘離賊境。黃香幼小能知孝。扇枕溫衾享大名。

黃香少時夏以扇涼其枕頭冬

以身溫暖衾被而安父睡

姜詩得鯉荐慈幃。

音爲慈幃即是母娘

夫婦又呈江水茗。

姜詩母嗜魚膾與江水茶夫婦取而進之日久不倦忽屋側有泉逆流且跳出雙鯉水味如江鯉供母食

丁蘭刻木爲親像。如生侍奉孝專精。郭巨蒙天錫以金。免母飢寒坑子

命。

郭巨家貧難足母食且三歲兒又分母糧心甚苦矣與妻商定生理此子當掘坑時忽見黃金一釜釜上打字云天賜黃金與郭巨孝子

楊香遇虎擒其父。施威救父極神靈

。蔡順執椹

音岑是桑棗也

療母飢。感動賊施憐憫性

赤眉之賊見而憐之與以牛蹄并米三升偷橘遺親之陸績。

袁術嘉其孝可旌。

袁術見績六歲小兒以金橘與之績又偷多二枚留以遺母

王裒

音坏母氏畏狂雷。逢雷伴母於墳頂

。王裒聞雷聲即往母山坟跪下曰兒在此母勿畏

哀聞誦哀父母之詩必痛哭門人因磨萊菽爲

孟宗哭竹求冬筍。

宗母病篤冬令求筍居然地裂出筍數株孝感天心助佗成。

臥冰求鯉有王祥。專爲後母供鐘鼎。鐘鼎食也祥母欲食魚祥遂臥雪求鯉吳猛縱身蚊飽吃。望親

安睡免蚊驚。庾氏黔婁忽棄官。歸求替死除親病。庾子到官任未足旬日忽心慌汗出遂歸家而父病祇兩日誓云屍謝不妄矣庾子

食糞而謝求天以身代死唐夫人乳姑不怠。願姑藉乳享遐齡。棄官訪母朱壽昌。地角天

涯尋母影。壽昌七歲生母爲主母逐去母子不見五十年竟能適合黃庭堅滌親溺器。爲官依樣却身輕。爲母常洗糞溺器身貴亦如是中

華二十四孝人。萬世流芳名已正。日後無窮興孝者。必昌其嗣且光榮

。爲人子。孝當知。學其孝行好男兒。凡爲子女應當記。對親孝順笑

嘻嘻。雙親攬抱三年幾。音集即辛劬苦之極也勞鞠育撫嬰兒。詩蒙我篇哀哀父母生我劬勞欲報之德昊天罔極生我父兮。

要經營貿易離桑梓。音子即祖居也詩云維桑與梓必恭敬止勞心勞力。謀生之路甚崎嶇。畜我母兮

。又睡濕移乾無得寐。常捱眼瞓。更求神佑念阿彌。父母愛子之心。

人人都係無微不至。如此深恩罔極。報本必要用盡心機。最怕樹欲靜

兮。風仍不止。又防子欲養兮。親已長辭。奉勸人子事雙親。理當及

時供菓饌。音翅酒肉饋饌之謂倘若椎牛而祭墓。曾子有云是故椎牛而祭墓不若鴈豚之遠親存也恐防魂魄未曾知。聖賢

教孝的良規。第一承歡兼養志。

孝子當善體親心承其歡善養其心志孟子曰若曾子則可謂養志也

繼盡春秋思慕禮。

孝經春秋

祭祀以時思之斯可謂祭之以禮也

致哀送死合威儀。

孝經典則致其哀又哀以送之斯可謂死葬之以禮

媳婦當孝奉翁姑。亦要和顏兼

順氣。供守天然之婦職。不可稍有的微疵。須知孝敬翁姑。乃是天經

和地義。

孝經孝者天之經也地之義也民之行也

所因你之夫婿。還須服賈

音古即做生意

遠拋離。爲夫遠去工

商。妻妾居家宜主理。是以代夫行孝。勤修饋饌近寒衣。子媳果能孝

心。自有非常之勝意。他日孫賢子孝。更逢孝媳且含飴。

音怡祖弄孫曰含飴

設使忤

逆家尊。我又真誠不客氣。報答豺狼之毒婦。不離吵鬧暗傷悲。且看

滴水簷前。點點滴來不差幾。善惡到頭有報。惡者一定受淒其。兄弟

悅色怡顏。此乃天倫真樂事。務宜兩相互讓。應謹記同氣連枝。想到

共此胞胎。認真友愛方爲智。最要通融財貨。幸無吝嗇

音論色即是劣慳也

且支離。倘

若兄弟閨牆。

音力長即兄弟打鬥

必要賢妻來勸止。如或一時不慎。發生到煮豆燃其

音言基喻兄殘弟也曹子建以丕兄迫七步成詩遂吟曰煮豆燃其豆在釜中泣本是同根生相煎何太急

婦人每要留心。和好全憑賢妯娌。

音俗里即兄弟之妻

佐夫

有才有幹。舉家合作湊壠簾。

音宣池皆樂器也兄弟共同作樂詩經云伯氏吹壠仲氏吹簾

嬸姆相處要諒情。海量

汪涵無小器。勿恃有能嘅夫婿。怠慢夫兄攪是非。同祖共宗。請觀姜

氏同眠之大被。

姜肱兄弟天生友愛作大被一張以同眠

患難相顧。當效鵲鴿

音炎凌友愛之鳥也

急難的扶持。

詩云鵲鴿在原兄弟

急難言守望相助也

稍有方便存心。

陌路之人都佈施。何況同胞血統。焉能任佢抵寒

飢。必須勸諫夫君。提携手足爲天理。對於叔姪之輩。要知猶子亦比

兒。妻妾務要和諧。滿堂吉慶多恭喜。切勿恃夫偏愛。霸夫以絕佢宗

支。如係大小失和。革命家庭生妬忌。整到人離家散。個陣雙方悔恨

遲。萬望接納良言。勿作此歌爲兒戲。祇因世風日下。痛心疾首歎歎

歎。古來將經傳教人。宣講道德兼仁義。我今以歌文通俗。勸世同是

咁言詞。再願男女同胞。常咏此歌家順利。便能有功於世。福田種下

長根基。從此禮教守回。事事安份循天理。將來丁財貴壽。子孫福祿

慶豐餘。

慶豐餘。

勸孝歌

一、幼兒或詈我。我心覺喜歡。父母嗔怒我。我心轉不甘。一喜歡。一不甘。待兒待親何相懸？勸君今後逢親怒。也將親比幼兒看。二、兒曹出千言。君聽常不厭。父母一開口。便道多管閒。非管閒。親掛牽。皓首白頭多諳練。勸君敬奉老人言。莫道乳口蜜蜜甜。三、看君晨入市。買餅又買糕。少聞供父母。多說哄兒曹。親未膳。兒先飽。愛護心腸何顛倒。勸君多把糕餅錢。供養白頭爲時少。四、幼兒尿屎穢。君心無厭惡。老親涕唾垂。反有憎嫌意。日流汗。夜不眠。多年劬勞撫汝成。勸君莫嫌老垂涎。記取當年養育恩。五、市上檢藥物。只買肥兒丸。老親雖病弱。不買還少丹。兒固瘦。親亦孱。醫兒何可在親先。勸君多買老山參。供奉白髮挽殘年。六、富貴養親易。親常有不安。貧苦養兒難。兒不受飢寒。一個人。兩條心。爲子總是勝爲父。勸君養親如養兒。凡事莫推家不富。七、養親祇兩人。常與兄弟爭。養兒雖十餘。君皆獨自任。兒飢寒。常呵護。雙親凍餓不過問。勸君莫把責任推。父母養爾誰幫襯？八、親有十分慈。君不念其恩。兒有一分孝。君便揚其君。待親暗。待兒明。誰識高堂養子心？勸君漫道兒曹孝。兒曹樣子在君身。

## 二十四孝總說

嗚呼。天下有不孝之子。天上無不孝之人。夫孝天性也。以孝感天。即以天感天也。吾觀二十四孝。有老者焉。有少者焉。有富貴者焉。有貧賤者焉。有處常而行其孝焉。有處變而行其孝焉。有危急而行其孝焉。有親病而行其孝焉。有親歿而行其孝焉。行孝雖有不同。而盡其孝則一也。此皆出於天性。非可僞爲也。試先說其處變者。如大舜之井廩餘生。閔子之蘆衣泯怨。王祥之求鯉養志。抱天性之真。而父母皆化也。又說其處常而供口體者。如仲由負米。曾子負薪。唐氏乳姑。鄭子求鹿乳。姜詩求鯉魚。孟宗求冬筍。無非出於至誠。以慰親心也。又說其危急者。如江革遇賊。賊憐其孝。而母子無恙也。又說其親病而行孝者。文帝爲天子。嘗藥奉親。黔婁爲縣官。嘗糞憂親。此心上合天也。而親得安也。又說其親歿而行孝者。如董永賣身。丁蘭

刻木。王裒泣墓。其親雖亡。猶若親存也。又說其老者而行孝。老萊子戲綵娛親。朱壽昌棄官尋母。黃庭堅滌器愛親。此大人者不失其赤子之心也。又說其少者而行孝。如黃香扇枕溫衾。吳猛恣蚊飽血。陸績懷橘遺親。楊香打虎救親。此天真不鑿。誠實顯著也。嗟嗟。富貴者已行孝。而貧賤亦能行孝焉。拾椹供母。而赤眉贈米。蔡順之苦志誰如。爲母埋兒。而蒼天賜金。郭巨之誠心孰比。合而觀之。天下無不可化之人。不憂其親之不慈。但患其子之不孝耳。苟能法二十四孝之直行其孝。曲行其孝。則百世流芳矣。將見地久天長。繼二十四孝而起者。或相倍蓰。或相十百。或相千萬。人子能行孝。何可限量哉。吾願爲人子者。人人如二十四孝之立心。無時無地不可以行孝。亦無時無地不可以顯其孝矣。爲子者。其勉旃。

民國庚午年三月穀雨日

高要後學謝守原謹說

佛言欲生彼國者當修三福一



者孝養父母奉事師長慈心不  
殺修十善業二者受持三歸具  
足衆戒不犯威儀三者發菩提心

深信因果讀誦大乘勸進行者

如此三事名為三世諸佛淨業正因



孝親福報

新會趙運善棟垣氏選輯  
廣東南海鄭善光樂三氏校正  
南海梁少伋重修並校對

以下勸孝圖說孝親福報

翻印多送廣傳功德無量

草萋萋鳥代除。  
泥滑滑象代鋤。  
孝心一片天啓諸。  
精誠自有迴  
天力。象亦何  
知鳥何識。

大舜  
孝感  
動天



## 舜帝親順解憂

虞舜。姓姚。名重華。瞽瞍之子。賦性至孝。但父頑母嚚。弟象又驕傲。舜之孝友過人。終能感化雙親以慈祥。象弟以友愛。舜耕於歷山。大象為之耕。小鳥為之耘。其孝感如此。陶於河濱。器不苦窳。漁於雷澤。烈風雷雨弗迷。身雖竭力盡瘁。而無怨懟之心。帝堯聞之。使其總百揆事。以九男事舜。并妻以二女。後相堯二十有八載。帝遂讓以寶位焉。舜自放流四凶。即進八元八凱。世界幾無凶人。及登帝位後。天下已盛治。終其身風調雨順。國泰民安。垂拱而治矣。

詩曰：  
隊隊耕田象 紛紛耘草禽  
嗣堯登寶位 孝感動天心

親飲藥。子先嘗。  
身禱天。病願當。

六宮燈火  
何輝煌。

臣兒皇帝

告彼蒼。

左手扣天闥。

右手焚龍章。

帝曰賜汝

母子康。

各萬歲

壽未央。

漢文帝親  
嘗湯藥



## 漢文親藥必嘗

前漢文帝。名恒。高祖第三子。初封代王。迨經呂后滅劉王呂之後。群臣始迎代王入承大統。及踐大位。竟為三代以後第一之聖君。生母乃薄太后。帝奉養極慤懃。但母后臥病三年。帝為之目不交睫。衣不解帶。凡進湯藥。非口親嘗。弗敢進呈。幸母病終獲痊癒。而帝之仁孝。遠傳於四海。天下亦因之感化而大治矣。我國數千年以來。大孝之帝王。僅得舜帝與漢文帝二人而已。

詩曰：仁孝臨天下 巍巍冠百王  
漢庭事賢母 湯藥必親嘗

曾子啖指痛心

娘咬指。兒心裂。母子  
精誠心血結。  
母兮兒兮同一致。  
君不見琥珀  
常拾芥。  
磁石能引針。



## 曾參善養親志

周。曾參。字子輿。曾皙之子。孔子弟子也。事父母至孝。參少時採薪山中。家忽有客至。母手足無措。望參又未還。乃齧其指。參忽心中覺痛。即負薪以歸。跪膝前以問其故。母告之曰。刻因有客至。而無人招待。吾齧指以悟汝歸爾。參一生極孝且勤。卒能繼承孔聖人之道統。而再傳於孔聖之孫孔伋氏。及後。曾參作大學。孔伋作中庸。二位均從祀孔廟。

詩曰：

母指纔方齧 兒心痛不禁  
負薪歸未晚 骨肉至情深

蘆花薄。  
父知覺。  
兒衣寒。  
兒安樂。  
家庭細故。  
莫傷心。  
從來忍字。  
值千金。

閔子  
單衣  
順母



## 閔損單衣順母

周。閔損。字子騫。孔子弟子。孔氏最高德行之門生也。天性最孝友。但早年喪母。父又娶後母。再生二子。父以天氣酷寒。遂購靚棉為襖。分與三子以禦寒。後母立心不良。因損非己所出。遂妒之。其襖換以不暖之木棉花。一日。父令損御車。損體不禁寒。冷而失韜。父察知其故。憤甚。欲出後母。損泣諫曰。母在一子寒。母去三子單。請父收回成命。幸無毆逐後母。母氏聞之。竟被其子之孝德所感化。從茲以後。痛改前非也。

詩曰：閔氏有賢郎 何曾怨晚孃  
父前留母在 三子免風霜

百裡米，甘且旨，雙親食幾何，  
承歡不在多。他年鼎食居官  
樂，詎知今日甘藜藿。

子路  
爲親  
負米



## 仲由為親負米

周。仲由。字子路。孔子弟子。性至孝。且好勇。奈家貧。常食藜藿之食。但為親負米於百里之外。不辭勞苦。及親歿後。南遊於楚。因以得官。從車百乘。而至積粟萬鍾。且累裊而坐。并列鼎而食。乃歎息曰。今時過了膝下承歡之大好日子。雖欲食藜藿之食。為親負米於長途。勞苦以報罔極恩。不可得也。孔門弟子。有大孝子三人。即閔損曾參仲由是也。

詩曰：負米供甘旨 寧忘百里遙  
身榮親已歿 猶念舊劬勞

孝之人老

詩曰  
跳舞親前且  
復歌。  
但求親喜自  
溫和。  
老人嬉戲如  
孩子。  
奇趣欣欣樂  
最多。



## 老萊戲綵娛親

周。老萊子。楚人。素性純孝。奉二親極其誠敬。每進食必以甘脆。年至七十。言未稱老。常著五綵斑斕之衣。辦作嬰兒。戲舞於雙親側。老萊子確是天性使然。難能可貴。又挑水上堂。詐跌臥地。作小兒戲弄之狀。絕不畏跌踏之苦。務求以娛雙親頃刻之歡。其用心如此。真純孝無雙也。

詩曰：  
戲舞學嬌痴 春風動綵衣  
雙親開口笑 喜氣滿庭闈

郊子  
鹿乳  
養親

鹿乳難得，身  
穿鹿皮，鹿母勿疑  
鹿即是兒。鹿乳  
既得，忘脫鹿皮。  
鹿人勿疑鹿不  
是兒。



## 郊子鹿乳奉親

周。郊子。性至孝。父母年老。俱患眼疾。嘗聞鹿乳可治。故又思食鹿乳。郊子順承親意。乃購鹿皮著之。以揜其身。遂入深山鹿群中。取鹿乳以奉雙親。其雙親眼患。已漸就痊矣。一日忽為獵者所見。而欲射之。郊子懼。遂吐出真情以告。乃免於獵者之難。獵者相見。又驚又笑。且極讚揚其孝德感人。也。

詩曰：  
老親思鹿乳 身掛鹿毛衣  
若不高聲語 山中帶箭歸

董永  
賣身  
葬父

身可賣，錢可貸，此子  
不是個無賴，爲親弄  
得一身債，債主到，  
織女來，織縑三百謝債  
主，請拆周王避債臺



## 董永賣身葬父

漢。董永。孝傳遐邇。奈家貧甚。忽遭大故。禍及嚴君。親歿無錢。殮葬無著。於是賣身貸款。得錢以葬父親。及至喪事已完。作工以償貸項。忽路遇一少女。求為永之妻房。具有真德真心。期望董永接納。歸家之後。即往債主家中。代織縑三百匹。盡償還其身價。一月完成乃回。不料歸至槐陰會所。妻遂告辭。騰雲而別。去後始知其為仙女。來代孝子以贖身也。

詩曰：  
葬父將身賣 仙姬陌上迎  
織縑償債主 孝感動天庭

豺狼當道荆棘叢，  
下邳孝子作寓公，  
負母避賊竟  
逢賊，賊人不殺  
江次翁。  
只是大孝子，  
殺者非英雄。  
嗚呼  
賊人殺人  
直如戲，次翁  
不殺亦天意。

江革行  
傭供母




## 江革負母逃亂

後漢。江革。字次翁。少時失父。獨與母居。相依為命。偶遭世亂。負母逃難他方。忽在路上。遇數賊欲攔途截劫。江革泣求赦免。且告有老母在。賊以其孝。不忍殺之。由是轉客下邳。安於貧窮。裸跣傭工。將工資以奉母。母須應用之物。莫不盡行供給。用歡母心。可知貧窮亦可行孝以流芳於後世焉。

詩曰：  
負母逃危難 窮途遇賊群  
哀求俱獲免 傭力以供親

恨不爲虞帝風，  
爲親九夏扇簾櫳；  
恨不爲趙衰日，  
爲親三冬照庭室。  
冬溫夏清何  
足奇，妙出垂髫五  
歲兒，應煩  
太守旌門楣。

黃香  
扇枕  
溫衾



## 黃香扇枕溫衾

後漢。黃香。字文疆。幼小聰慧。且天賦一種孝性。維香所獨有者。無何年至九齡。慈母見背。與父相依。日夕思慕慈親。不勝痛楚。經父多方勸解。而未少減其哀。惟事父備極勤勞。尤每於夏熱時。晚間必以扇涼其枕席。又遇冬寒時。每夕必以身溫其被褥。日久不厭倦。其孝德如此。是以宗族稱其孝。鄉黨稱其悌。而至遐邇知名。迨後名傳於劉護太守。呈表請旌。黃香孝童。因以流芳百世也。

詩曰：冬月溫衾煖 炎天扇枕涼  
兒童知子職 千古一黃香

豈其飲泉必  
江之水，  
豈其食魚必  
河之鯉，  
二者皆兼既  
甘且旨，  
既薦地泉飛聲  
漱玉，春風倒捲  
江波綠，照  
見魚鱗三十六。

姜詩  
湧泉  
躍鯉



## 姜詩運泉奉母

漢。姜詩。事母至孝。配妻龐氏。奉姑尤體夫志。母性好飲江水。妻日日汲江水而奉之。路遠不以為苦。母更嗜食魚膾。夫婦又作魚膾以進之。並請鄰母與食。俾母歡心。一日。舍側忽有泉湧。詩取而飲之。味如江水之甜。且躍出雙鯉。詩夫妻歡喜逾恒。即取魚以供奉母。姜詩得逢此小奇遇。乃上蒼用以稍慰孝子之心也。

詩曰：舍側甘泉出 寅朝躍鯉魚  
子能知事母 婦更孝於姑

方寸木，人莫  
欺，兒父  
兒母精魂依，  
兒事  
父母如生時，  
妻外人，  
安得知。

丁蘭刻  
木事親



## 丁蘭刻木事親

漢。丁蘭。幼喪父母。未得服勞奉養。及長。心總不息。而念劬勞之恩。未嘗圖報於萬一。故刻木為像。如生親一樣事之。其妻不悅。久而生厭。竟以鍼戲刺其指。血出。木像見蘭入來。眼中忽然垂淚。蘭因詢得其情。迫得斬斷夫妻名份。以存孝道。即將逆妻棄之。其事死如事生。事亡如事存。孝之至也。

詩曰：  
刻木為父母 形容在日身  
寄言諸子姪 及早孝雙親

郭巨埋兒

生理兒，名不慈，  
郭巨夫婦一何愚，  
此風不可尚，  
此心猶可諒。



## 郭巨為母埋兒

漢。郭巨。字文舉。家貧甚。有子三歲。母每食減與其孫。巨謂妻曰。我貧乏。不能供母飽。子又分母之食。奈何。盍埋此子可乎。子可再有。母不可復得也。妻不敢違。一日。巨掘坑至三尺餘。正欲埋子。忽見黃金一釜。釜上有字云。天賜黃金。郭巨孝子。官不得奪。民不得取。古人云皇天無親。惟德是輔。其信然也。

詩曰：郭巨思供奉  
埋兒願母存  
黃金天所賜  
光彩耀寒門

楊香 搥虎 救父

虎攫父，子  
搥虎，  
虎放父，子知  
有父不  
有虎。虎去父  
生子不死。



## 楊香打虎救父

漢。楊香。年十四歲。天性純孝。一日。隨父往田割粟。忽遇虎於途。父驚極。且為虎噬。香忿而急。當時祇知有父而不知有身。奮勇向前。抱持虎頸。手執虎毛。腳夾虎腰。然後出萬死一生之力。亂拳擊虎首。虎懼。急放其父而逃。父子幸得無恙。楊香後世子孫。書香不絕。富貴接踵而至。

詩曰：深山逢白額，努力搏腥風。  
父子俱無恙，脫離虎口中。

蔡順拾葚  
供親

採葚桑樹下，黑赤子  
離離，黑葚先奉母，  
赤葚留啖兒，中途遇賊賊  
嘻嘻，牛蹄斗米  
贈汝歸，賊識  
孝子賊真奇。



## 蔡順執甚供親

漢。蔡順。字君仲。少而孤。事母至孝。遭王莽亂時。歲荒不得食。拾桑甚以充飢。用異器以分盛之。偶遇赤眉賊。見而問之曰。何為分開兩種乎。順曰。黑者味甜。奉母療飢。赤者味淡。我欲留為自食也。賊憫其孝且窮。即以白米三升。並牛蹄一隻贈之。可見盜亦有道。想由孝字感格之也。

詩曰：

甚黑奉萱幃 饑啼滿淚衣  
赤眉知孝順 牛米贈君歸

九江太守初排席，  
陸郎年少作新客，  
席上離離金彈丸，  
晶盤混作胭脂赤，  
兒聞香不敢嘗，  
兒母嗜，兒心利，  
兒不明乞私懷實，  
古今孝子常愛日，  
君不見，前有  
考叔羹，  
後有陸績橘。

陸績懷橘遺親



## 陸績懷橘遺母

後漢。陸績。字公紀。年方六歲。於九江遇見袁術。術奇其相。出橘子以待績。績多懷橘二枚。及歸拜辭。橘忽墮地。術見之。疑其貪。乃曰。陸郎本作賓客。而多貪橘子乎。績答曰。此物吾母素性所愛欲。而無錢買以敬奉。今留歸以遺母耳。非奸貪也。敢請見諒。術大奇之。即謂此童子將來。可有長進也。

詩曰：  
孝弟皆天性 人間六歲兒  
袖中懷綠橘 遺母事堪奇

王哀聞雷泣墓

蓼蓼者莪，無母何恃，  
鮮民之生，不如事死。  
孤墳三尺埋黃土，墓  
門拱木轟雷雨，  
母勿驚，兒在此。



為洞花書

## 王哀聞雷泣墓

魏。王哀。字偉元。天性甚厚。事親至孝。母在世時。性最畏雷。迨卒後。葬於山林。但哀每遇風雨狂雷。即奔往其母墓前。跪下泣告曰。哀在此。母勿懼。終世照此而行。其孝思純篤。有如此者。及後隱居村落。教授童蒙。迨聞學生讀詩經至哀哀父母。生我劬勞一章。必至痛哭不已。後門人因見此景象。迫得廢讀蓼莪之篇。以免傷師之心也。

詩曰：  
慈母怕聞雷 冰魂宿夜臺  
阿香時一震 到墓遶千回

孟宗哭竹生筍

隆冬摧百木，幽岩隕竿竹，高堂思筍筍  
何求，孩兒涕淚揮深谷，天心竟爾  
陽春回，籬頭龍角抽新  
綠，君今且罷窮途哭。



馮潤芝

## 孟宗哭竹生筍

吳。孟宗。字恭武。少時喪父。母老疾篤。君臣之藥無靈。而醫者教以用筍煮羹食。但冬日無筍。宗無計可得。乃前往竹林。抱竹而痛哭。一念之誠。孝感天地。竟須臾地裂。忽出筍數株。宗歡喜甚。將筍持歸。作羹奉母。母食畢其疾癒矣。此可見真誠盡孝。天地必成全其美舉。吾人可不勉於孝道乎。

詩曰：  
淚滴朔風寒 蕭蕭竹數竿  
須臾冬筍出 天意報平安

爲子知孝，  
豈計親慈。  
冰下有鯉，  
求則得之。  
寒潭一片，  
梨花月，  
照見兒心，  
淨似雪。

王祥臥  
冰求鯉



## 王祥臥冰求鯉

晉。王祥。字休徵。早年喪母。繼母朱氏立心不慈。每於父前數譖之。祥由是失愛於父。但繼母欲食生魚。時值天氣冰凍。祥欲挽回母心。盡心行孝。願解衣臥冰求之。冰忽自裂。雙鯉躍出。祥喜得魚。持歸供母。迨後其母知祥孝出天性。頓改前非。母子之親愛感情。即由此起。嗣後相見以誠。共享天倫之幸福也。

詩曰：繼母人間有 王祥天下無  
至今河水上 一片臥冰模

莫驅蚊，恐噬  
親，替身可，  
請噬我，噬我  
我心怡，  
噬親我心悲。  
兒睡著，  
忘蚊啄，忘蚊  
啄，神仙樂。

吳猛  
恣蚊  
飽血



## 吳猛恣蚊血飽

晉。吳猛。年僅八歲。便知孝道。奈家極貧。床無幃帳。但苦蚊多。親難安睡。每於夏夜。聚蚊成雷。而猛縱身其間。恣蚊飽其膏血。蚊雖千百之多。不肯將其驅逐。恐其離已而傷害雙親也。孝子天性純厚。愛親之心。至矣盡矣。幾無以復加矣。竊以八歲小兒。以常理論。尚在夢夢。而吳猛孝親。竟能以己受苦。而替親之苦。以己之血。而代親之血。真愧煞古往今來之逆子也。

詩曰：  
夏夜無幃帳 蚊多不敢揮  
恣渠膏血飽 免使入親幃

仇人糞，勾踐  
餌，  
老親糞，黔婁  
試，  
糞苦親生，糞  
甘死。  
糞苦兒心甘，  
糞甘兒心苦。  
黔婁  
嘗糞  
憂心



## 黔婁嘗糞憂親

南齊。庾黔婁。為孱陵令時。到任未旬日。忽心驚汗流。但不知何故。每念及雙親。心有不安。即棄官歸里。時父得病始二日。但極沉重。防有不起之勢。醫者云。欲知瘥劇。當嘗其糞。如其味苦則佳。若味甜恐差矣。黔婁嘗之果甜。心焉憂之。爰於是夕沐浴其身。稽顙呈表北辰。求將其身以代父死。其以一誠上達。果感天心。父病雖危。竟能回復健康。竊想孝子之心。但願其親得享遐齡。而本身之生死。可不計也。怎知人能行孝。確有補天浴日之功。

詩曰：  
到縣未旬日  
椿庭遘疾深  
願將身代死  
北望起憂心

梳洗罷，上高堂，姑不穀食但乳嘗。  
姑飽乳，身且康，有媳如此繫名教，  
飲乳直勝金丹效，但願孫媳如媳孝。

唐氏乳姑  
不怠



## 唐氏乳姑不怠

唐。崔山南之曾祖母太夫人。年高無齒。飯與肉均不能進於口。幸得祖母唐太夫人賢德。每日梳洗畢。即升堂親乳其姑。如是者數年。姑精神康健。一日忽病篤。膝下少長咸集。曾祖母曰。我老年全賴唐氏媳乳我。今無以報新婦之德。願汝眾孫婦。亦如我新婦之一樣孝敬其姑。則我永含笑於九泉矣。

詩曰：

孝敬崔家婦 乳姑晨盥梳  
此心無以慰 願得子孫如

朱壽昌棄官  
尋母

兒揚名，爲顯親，名揚無母  
空爲人，官可棄，母難置，皎  
皎天日愁雲開，尋母

不見

誓

不回

精誠

相感如

霆雷。母

子相逢天

竟迴。



## 壽昌棄官尋母

宋。朱壽昌。年祇七歲。生母劉氏。為嫡母所妒。出之。母子不相見五十年。神宗朝嫡母歿。即棄官入秦。欲向天涯地角以尋回生母。先與家人訣誓。若不見母。誓不復還。不料行至同州。竟得遇之。其如此湊巧。竊以其中。必有神仙為其撮合。以報孝子。不然。天地之廣大。人海之茫茫。且隔五十年。又焉能如此巧合乎。但相遇時。母已七十餘矣。

詩曰：  
七歲生離母 參商五十年  
一朝相見面 喜氣動皇天

黃庭堅  
滌親器

老親闌，歡喜地，  
拂塵埃，澆  
濁器，豈無娃角  
奴，豈無了  
髻婢，兒不躬親  
心不喜。



## 庭堅滌親溺器

宋。黃庭堅。字魯直。號山谷。自少工於繪事。字畫堪稱並皆佳妙。元祐年間。官至太史。性最純孝。其身顯貴。奉母仍極其誠敬。但母平生最喜潔淨。對於溺器每感不潔。心有未安。而庭堅身雖為官。每日必親自為母洗滌溺器。以安母心。幾無一刻不盡子職。庭堅可謂體貼入微。而無遺憾矣。

詩曰：  
顯貴聞天下 平生孝事親  
親身滌溺器 婢妾豈無人



以下孝親福報圖說

文王之孝

詩曰

周家至德仰文  
王，豈但庭闈  
孝行彰，三次  
問安兼視膳，  
亟當效法振倫  
常。



## 周文王之孝德

見禮記。文王是聖人。開周家八百年之基。五倫皆盡。至極。今只擇錄其行孝。以為人效法耳。

周文王。姓姬。名昌。父王季。母太任。文王為世子時。朝見王季。每日三次。雞初鳴。即整衣履。至寢門外。問內豎小臣曰。今日我親安否。內豎曰安。文王乃喜。及日中。文王再至問安否。日暮又至。亦問安否。如有不安。文王則憂形於色。必求相安而後已。每進膳食。必察寒熱。俟其食畢。又問所食多少。未嘗一日稍倦。其孝行有如此者。文王有特殊之仁孝。所以能創周室八百載長久之國基也。

孝童愛父

詩曰

少年無

力報劬勞

叱犢聞

聲涕淚滔

孝感恩

師勤教訓

榮華終

顯姓名高



## 趙志孝童愛父

漢時趙志。早起上堂讀書。聞其父喝牛之聲。拵書而泣。及師問之。答曰。頃聞喝牛過門者。乃吾父也。我自恨年少。不能代父耕田。使老父日夕辛苦。是以悲耳。師聞志言。大為感動。乃歎曰。此一念之孝思。小子當有造也。由是用心教之。嗣後免其脩金。及年稍長。青雲得路。連捷功名。出仕遼東。大有政聲。而其師長。亦可稱善於造就人材矣。

親衰泣杖

詩曰  
責過應當豈  
敢悲  
祇因不痛異  
前時  
伯俞受杖潛  
然泣  
太息慈躬血  
氣衰



## 伯俞親衰泣杖

漢。韓伯俞。性至孝。或時小有過。其母杖責之。忽作哭泣之聲。母曰。往日汝違我命。杖之未嘗哭泣。今遽作啼泣者何也。伯俞對曰。兒因累激怒於娘親。我之哭泣者。乃兒自責耳。迨後嘗對人言。謂往日母杖我。我覺甚痛。知母玉體康健。因反以為喜。奈何今日之杖不甚痛。知母年老。氣力漸衰。是以悲泣也。孝子之心。居然出類拔萃。超出常人萬萬矣。

盜恤孝子

詩曰

盜賊翻然感

動心

不干孝義不

貪金

一坊能有一

孝子

咸賴安全受

澤深



## 趙咨遇盜憐孝

漢。趙咨。字文楚。胙城人。素來敬養老母。極盡膝下之歡。一夕盜至。誤劫其家。咨恐賊驚母。乃出開門揖盜曰。吾母老而且病。乞無驚駭老人。衣糧任各位取之。幸盜亦有道。感其孝誠。乃相謂曰。此孝子義士。吾等不可干犯。恐遭天譴也。群賊遂即引去。自此之後。左右鄰居賴以安全。於是該處老幼。無一不感趙咨之孝德也。

紡織養姑

詩曰

義重身輕了

死生

忍貪利祿失


前盟

養姑紡織忘

勞苦

帝賜黃金表

孝名



## 李婦紡織養姑

漢。李孝婦。年十六而嫁。尚未有子。夫遠出外洋。臨行囑婦曰。家計貧苦。不得不出洋謀生。他日發達榮歸則可。若不返時。爾肯負全責養吾母乎。婦即諾之。夫喜。再三叮嚀而別。迨後其夫果不見還。婦日夜紡織養姑。父母哀女年少。又無子息。將欲嫁之。女曰。吾夫去時。囑養其母。既許諾矣。我如失信。何以對天地。何以對吾夫。悲泣欲自刎。父母懼。不敢相勸乃止。太守聞之。表奏於朝。蒙賞金百兩。賜號稱李孝婦焉。

至性格親

詩曰

被逐廬門不

計身

至誠定省格

雙親

更推財產饒

諸弟

天道酬還蔭

後人



## 薛包至性格親

漢。薛包。好學篤行。父娶後妻而憎包。將欲出之。包日夜號泣。不忍捨親。至頻被父杖責。不得已廬於舍外。晨早仍入灑掃。父怒極又逐之。乃再廬於里門。晨昏定省仍不廢。積至歲餘。父母天性發現。慚而還之。及父母去世後。諸弟求分家財。并迫分居。包不能止。姑且聽之。凡田廬器物。任諸弟取其美者。不與較焉。後諸弟卒至破產。不能自存。包又常恤之。而弟之子孫終零落。獨包之子孫蕃衍。富貴接踵而至。

上表陳情

詩曰  
祖孫更命特  
陳情  
懇切辭官表  
至誠  
帝賜兩奴兼  
俸膳  
咸稱孝義本  
天生



## 李密上表陳情

晉。李密。官太子洗馬。念祖母年老且病。常在牀褥。親侍湯藥。未敢稍離。上表辭官歸養。大概其詞曰。臣年四歲。父母繼亡。祖母劉氏。憫臣孤弱。躬親撫養。但劉氣息奄奄。朝不慮夕。臣無祖母。無以至今日。祖母無臣。無以終餘年。祖孫二人。相依為命。臣今年四十有四。祖母劉今年九十有六。是臣盡職於陛下之日長。而報祖母之日短也。烏鳥私情。願乞終養。帝嘉其誠。賜奴婢二人。服事其祖母。並使郡縣供其俸膳焉。

奇人點化

詩曰  
欲從無  
際訪高僧  
豈似家  
中近有憑  
活佛堂  
前真像現  
孝親妙  
道契三乘



## 楊黼奇人點化

宋楊黼。太和人。有孝心。一日。入蜀訪無際大師。當時有道之高僧也路遇一老僧。問何往。楊曰。欲訪無際大師。僧曰。訪無際。不如敬活佛。楊問活佛何在。僧曰。汝且歸家。見披衾倒履者即是。楊遂歸。沿途訪察不見。夜暮返家。甫叩門。母聞聲。心喜。不及整衣。披衾倒履而出。楊一見母。即悟老僧之言。乃知父母即堂前活佛也。自此更竭力孝親。手註孝經數萬言。硯滴將乾。欲下取水。硯池已盈。人謂孝思所致。將來福無量也。享年八十。誦偈而終。

觀此可知敬神佛。不如敬父母。彼在家而好燒香。及遠去求神拜佛者。應要三復斯言。(按)經言：子女孝敬父母，功等供養一生補處菩薩。

念母卻虎

詩曰  
遭逢遇虎最  
稀奇  
危可安全險  
若夷  
一點孝心難  
理測  
其中巧妙莫  
能思



## 朱泰念母卻虎

宋。朱泰。嚴父早亡。事母至孝。奈家貧甚。常往數十里外營謀。博工值以奉母甘旨。一日。晨雞初鳴。入山採樵。憩于左右。遇虎負之而去。泰痛極而醒覺。大驚。厲聲曰。虎如食我。奈何我母此後。無人依託耳。虎聞泰言。忽棄泰于地。狂走不顧。似有人疾驅惡虎之狀。鄉里稱其孝感所致也。

入夢見親

詩曰

一片精思本

性生

晨昏念母見

真誠

夢中竟得音

容見

行善遵親後

嗣榮



## 室鏗入夢見親

齊。宗室鏗。兩歲喪母。及長。問母所在。父告以早亡。自悲不識母容。常祈請於幽冥。求夢中一見生母。未幾夢至一處。有一婦人到云。閻君念汝孝心。特命我來一敘母子之情。鏗見之。跪執母衣。大哭曰。兒願永在此處。服事母親。母亦泣曰。無須。皇天不負孝心人。汝既孝。再能行善。將來可於天堂聚會。不到此矣。復叮嚀幾句而去。鏗醒。向父說出母之容貌衣服。皆如平時。聞者莫不欽歎。後鏗恪遵母訓。孝事父親。力行善事。得享高壽。誦偈而終。子孫蕃衍。

神授石函

詩曰  
積年母病不  
能醫  
惟願祈神身  
代之  
神授石函身  
能治  
丹書日月此  
方奇



## 叡明接神石函

梁。蕭叡明。母病風患。積年不愈。明晝夜祈禱。願以身代之。時值嚴寒。母病益重。明涕泣求神。淚如泉湧。額上叩頭。血跡亦冰。一日。出而求醫。忽有一人以小石函授之曰。內有良方。賜孝子以醫母風者。明即拜受。持歸開視。祇見有三寸絹。用丹書下日月二字。母焚服之。患即平復。此乃由孝感格神醫也。後世子孫。多識孝義。祥瑞滿門。

追鹿得參

詩曰

峻嶺崇山峰

過峰

真誠遇鹿喜

相從

得參愈母天

倫樂

功德高時大

道逢



## 孝緒追鹿得參

梁。阮孝緒。字士宗。尉氏人。事母盡誠。屏居一室。靜養潛修。非定省。則少出門戶。中丞任昉。望而歎曰。其室則邇。其人甚遠。一日。往鍾山聽講。其母王氏。忽有奇疾。兄弟欲往召之。母曰。孝緒至性靈通。必當自至。忽孝緒果心驚而返。鄰里歎異。但其母病。醫者謂須食生人參。緒登山越嶺。躬歷艱險。累日不得人參。迨見一鹿前行。緒即隨之。至一處而滅。緒就地視之。果見參樹。掘之而歸。母服後遂愈。俟終母天年。入山修道。竟成仙去。

代父從軍

詩曰

戰陣沙場

險萬分

如何代父

去從軍

木蘭千古

稱奇女

邊戍功成

以孝聞



馮  
河  
芝

## 木蘭代父從軍

隋。花弧。商邱人。有孝女名木蘭者。其時恰遇寇犯中原。可汗聞之。即下動員之令。大點兵戎。軍書十二卷傳到。即着木蘭之父出發拒之。但其父有重病。雖有君命。不能從軍。惟是又恐君命難違。進退維谷之時。木蘭孝女即扮作男裝。願代父以從戎。即日出發拒敵。於時旗開得勝。逐敵遠離國界。以固吾圉。迨至十二年後。立大軍功。歸來見天子。天子問所欲。木蘭不要尚書郎。但願送兒還故鄉足矣。當時朝野無有知其為女子者。

酬 恩 報 德

詩曰  
狀元宦達豈  
終窮  
積俸酬僧報  
德隆  
禮佛生生符  
祝願  
子孫膺爵疊  
封公



## 蒙正酬恩報德

宋。呂蒙正。字聖功。性孝友。太宗時中狀元。累官參知政事。封許國公。公於未出身時。嘗寄跡於僧寺。苦志讀書。暇則禮佛誦經。超拔祖先父母。僧念其孝。留其長住。且贈食焉。得顯貴執政十年。郊祀俸給。皆不願領。所得存俸。悉送寺僧。以酬宿德。帝亦以賜扁旌寺。公設靜室供佛。朝夕禮拜。必祝曰。不信佛者。莫生吾家。願子孫世世食祿。護持三寶。後子若孫夷簡公者二人。均封申國公。餘皆食祿。世世顯貴奉佛。果符公願。

減壽益親

詩曰

減壽增親本

孝心

焚香告帝夜


沉沉

真誠一點邀

天眷

果得延齡福

祿臨



## 鼎臣減壽益親

明。顧鼎臣。字九和。號永齋。南直昆山人。父諱恂。年五十而生鼎。鼎自幼盡孝。稍長。撰一表文。每夜焚香祝天。願減己壽益親。俾親壽長。得以見己成立為快。一夕夢黃鶴自天飛來。近而視之。即所焚之表也。末行批云。鼎臣減壽益親。出於至誠。其父母各延壽二紀。鼎臣狀元及第。後父母果臻上壽。見子登第。親受榮封。鼎登弘治年乙丑科狀元。官至大學士。為一代名臣。

子孫顯達

詩曰

家貧

學圃奉高堂

設帳

鄉鄰省視忙

孺慕

至誠徒感泣

子孫

顯達世流芳



馬洲

## 顯之行孝顯達

明。弘治間。倫顯之。南海黎湧人。性至孝。好讀書。家貧親老。在屋側種蔬菜。賣得銀以供親甘旨。有餘則施濟人。後授徒於鄰鄉。路隔十里之遙。每夕必回家省親。翌晨一早回塾。講書至父母之年一章。則掩卷而泣。生徒亦為之下淚。其誠敬孺慕。至老尤篤。生子文敘。弘治年己未。由會元中狀元。孫以諒。由解元中進士。入翰林。以訓由會元點榜眼。以誥亦翰林。父子仕途皆顯達。

鬼怕孝婦

詩曰

病染連門疫

肆威

姻親問饋兩

相違

忽看疫鬼蹌

踉去

爲避家中孝

婦歸



## 鬼怕錢氏孝婦

晉。陵顧成。娶錢氏為媳。順治八年三月。癘疫大作。傳染連門。親戚不敢過問。顧成一家六口。皆染重病。伏枕待斃。時錢氏在母家。相隔甚遠。聞此信。急欲歸。父母阻之。錢氏曰。夫之娶妻。原為服事公婆計耳。今公婆病危。生死大事。而忍心不歸。與禽獸何異。吾往即死。亦甘心也。遂隻身就道。成病中見疫鬼相語曰。諸吉神衛護孝婦至矣。吾等須即走避。各疫鬼倉惶而遁。及婦入門。病者皆愈。

孝爲友仙

詩曰

人生修

善最相宜

孝友爲

仙世少知

二百餘

年歸故里

子孫方

信有安期



## 孝悌從吾為仙

道光初年。高要蓮塘鄉。庠生謝凝安。與眾兄弟等。一夕請仙。乩鸞降云。謝從吾到。眾跪叩曰。莫不是我伯祖從吾公否。乩曰是。問現居何職。曰仙也。問以家中禍福。答語甚詳。大意總不離孝友修善四字。臨別賦詩二首而去。詩曰。「一別二百年。今始歸故里。雞犬雖已非。桑梓仍如此」。「相逢盡是一家人。我在羅浮別有春。山草山花詩侑酒。管教煙鎖武陵津」。後查族譜所載。公是明朝人。讀書得廩。生平孝友好善。安貧樂道。歿而靈性常存。知其修養之有素矣。格言云。神仙不外盡人倫。信不誣也。孝悌之道大矣哉。

孝童念父

詩曰

人人有父我

孤無

一念悲思志

不渝

勤儉起家專

事母

光前裕後啓

良圖



馮家

## 粟成孝童念父

邵粟成。四會人。兩歲喪父。四歲時。與群兒戲於里。忽走歸問母曰。人皆有父買菓食。但不見我父買菓食。且來提攜我。何也。母泣告曰。汝父死矣。從何得父乎。公即伏地痛哭。不絕哀聲。自此垂頭。鬱鬱不樂。母多方慰解。然夢中猶呼父不置也。自後知母艱難。教無不聽。言無不從。及長。以種植為生。勤儉起家。母得安樂。享晚福焉。公又好行善事。親鄰有困乏者。時周恤之。人每感謝。而公若忘也。其孝義慈祥。有如此者。公享壽八十九歲。子孫三代五秀才。兩舉人。書香不絕。皆公之遺澤也。

孝童救父

詩曰

舍身

代父本天真

九歲

談詩識宋人

特許

將軍儕武惠

小童

聰慧合稱神



## 陸柔孝童救父

陸柔。平湖人。九歲時。值鼎革。同父避難於草莽中。其父為馬將軍所獲。欲殺之。柔躍出願代父死。將軍嘉其少年孝心。以扇示之曰。汝能讀扇上詩。即赦汝父。柔接扇朗誦曰。收兵四解降王縛。教子三登上將臺。此宋人贈曹武惠王詩也。將軍不殺吾父。即今之曹武惠王矣。將軍大喜愛之。求為誼子。同父往焉。未幾將軍物故。隨父歸里。勤讀。博學高才。中康熙年己未科舉人。連捷進士。入翰林。聖祖愛其才。一日七陞。官至內閣學士。

善報親恩

詩曰

痛哭思

親孝念堅

何如作

善感蒼天

報恩有

道遵僧訓

父母超

昇子永年



## 承美善報親恩

福建林承美。幼喪父。其母守節撫養。及長。母亦死。承思父母恩德如天。無以為報。旦暮號泣。痛不欲生。有一禪師見而告曰。孝子思親。痛哭無益。當求所以報之之道。哲云。作善親有益。宜戒殺放生。廣行陰德。自然上格天心。超昇父母矣。承省悟。由是戒殺放生。力行善事。凡有善舉捐款。均登父母之名。如是數年。即夢父母來告曰。上帝嘉汝孝心。行善戒殺。我兩人已超昇上界。汝亦可享高壽。但望始終堅持此志。將來西方可同相會也。後承美享壽九十有六。無疾而終。有人見諸神持長旛寶蓋迎之。諺曰。忠孝節義。死而為神。信不誣矣。如世人有父母早死。欲報其恩者。有榜樣焉。勉之。

# 誠感父骨

詩曰

山僧行乞養慈  
親，父骨能收  
感應神，忠孝  
一門邀寵錫，  
更修功果卒成  
真。



## 道不誠感父骨

長安李氏子。七歲出家。法名道丕。年十九。回家省親。時值長安焚蕩。米珠薪桂。乃負母入華山。自己辟穀。乞食供母。母曰。汝父盡忠。戰歿於霍山。骨暴露。能收取歸葬否乎。丕即往霍山。見白骨數十具。即遠近檢齊。排列數處。輪流晝夜誦經。懺父宿業。且祝曰。群骨中有搖動者。即父骨也。一心持誦。目視群骨不釋。如是兩日。忽見有一骸骨。搖動再三。丕遂叩首。負骨而歸。是夜母夢夫回。明晨骨至。擇地安葬。此事傳聞遠近。地方官奏於朝。皇上嘉其父子忠孝。誥封父母。並賜薪俸焉。爰出資。以葬餘骨。事母終養。即回山修煉。終成道果。

孝 丐 登 仙

詩曰  
行乞  
供親孝倍加  
魂升  
天界駕雲霞  
若非  
孫某回陽說  
誰識  
神仙事不差



## 楊三孝丐登仙

常州楊孝子。名三。家貧行乞。負老母住破廟中。朝夕乞食。必擇好者以進母。得錢必買甘旨。及置衣被。不使饑寒。冬則負母於煖處。夏則選大樹乘涼。夜無帳寢。則侍立扇蚊。而無倦容。母有所苦。歌舞跳弄。務使歡心而後已。鄉里知其孝。施之較常乞者稍豐。富室孫某尤厚。母死。孫復為之棺殮。越年楊三無疾而終。孫某亦同日死。先隨役入冥。見多處排列香案。如陽世迎神之狀。問於役曰。此迎楊三孝子也。及見冥王。方檢簿。忽報孝子至。見鼓樂旗旛。四人抬一轎至庭中。則楊三也。冥王降階而揖。延之上座。孫不覺呼救。孝子起立。拱手謂冥王曰。此孫某係我恩人。何其至此。王曰。孫某數盡。是要來此。君云恩人。何也。楊歷述孫某時時厚恤。且代母棺殮。王曰。即此可延壽半紀。當令還陽。語畢。隨有吏上。向孝子作揖。稟請更衣。楊入。須臾袍服而出。二童子執拂前引。彩雲冉冉升天。及孫醒。知楊三孝子。死後登仙。自己施恩孝子。亦添壽祿。由是相傳遠近。人多感化。

孝丐感天

詩曰

辭傭寧丐莫

離親

順志承顏不

患貧

生死未忘孺

子慕

黃金天賜豈

無因



## 楊乙孝丐感天

丐者楊乙。武進人。父當戎。日久不歸。事母至孝。每得食。雖極饑。必先奉母而後嘗。母有憂容。必跳躍起舞。及唱山歌以悅之。如是者多年。鄉人感其孝。願出多金僱為傭。乙不受曰。吾有老母在。安可一日離也。越數年。老母死。日夜啼哭。人念其孝。助錢為之殯殮。葬於野。時時思親。露宿墳側。冀有所見。歲時拜祭。未嘗缺失。後於墳邊。得金一穴。上書曰。天賜楊孝子。越日父亦歸。骨肉團聚。此皆楊乙孝感動天所致也。

孝女感仙

詩曰  
爲母開盲百  
計醫  
化灰用指此  
方奇  
仙憐孝女真  
誠感  
痛也聞聲目  
愈時




馮洞芝  
畫

## 孝女感仙醫母

某孝女。順德人。十四歲。其母目盲。百般醫治不愈。一日鄰舍請仙。女拈香往求。跪伏案前。懇醫母疾。仙乩批曰。汝母目盲。必要親生子女。以手指化灰沖服。始得開。女叩首稟曰。母盲日久。屢醫不痊。但苦無方法耳。若此方可醫。願自將指化灰與服。惟求大仙庇佑。藥到回春。則感德無涯矣。急再叩首而歸。點明燈一盞。將指焚燒。痛甚。忽曰痛呀。遂將指縮回。隨念若不忍痛化灰。母目何日能痊。即咬齒奮志。將指又燒。略久。痛極不能禁。忽又大呼曰。痛呀痛呀。其母初次聞女呼痛。不知何事。心已哀憐。及聞第二次淒慘呼痛之聲。忘了目盲。盡力一睜。兩目立即開了。忙問曰。為何將手指來燒。女言其始末。於是母女大喜。焚香叩謝神明。後女享大福。一生順遂。母亦長壽焉。神明試孝女之心。可謂巧矣。

孝女感神

詩曰  
父病  
多時未獲醫  
心香  
一炷感神祇  
至誠  
自有真容現  
孝女  
聲名遠近知



## 孝女感神醫父

京師賣花叟。久病不起。其女性孝。念父疾苦。恨不能以身代。適有鄰媼與眾婦女往丫髻山進香。女問進香。可能醫父病否。媼曰。誠求必應。女曰。此間離山有幾里。答曰。一百里。女曰。一里幾何。媼曰。約二百五十步。女記之。每夜俟父睡時。持香一炷。計步數里數。繞案叩頭。默稟身為女子。且父要人服事。不能朝山之故。求神佑父病早脫。如是多日。丫髻山。向祀碧霞元君。四月時官紳多來山進香。以晨早到廟炷香。為炷頭香。時有太監張公進頭香者。初開殿門。已有頭香在爐中。張怒。責廟官。廟官曰。殿門未開。不識何由得上。張曰。既往不咎。明日再來上頭香。你須候我。廟官唯唯。次日四更。張即至。則爐中又已有香烟繞繞。宛如一女子。禮拜伏地。倏忽不見。張曰。豈有神聖之前。鬼怪敢出現乎。此必有故。因坐二山門。聚燒香男女。說知其事。並述所見容顏服飾。一媼聽良久曰。據君所言。必吾鄰女某也。因說其在家父病。禮拜求神之事。張嘆曰。此孝女感動神靈也。進香畢。命媼引路。乘馬至女家。厚賜財物。認為義女。數日父病愈。家雖貧。幸太監時時周卹。故得飽煖。後女嫁太興張氏。為富室焉。

孝婦齊家

詩曰

誠正

脩齊大學章

位分

內外易曾詳

助夫

訓子皆慈善

遺囑

咸遵後嗣昌



## 劉氏孝婦齊家

劉氏女。新會人。少驕養。知琴書。及歸黎。見夫家力田。竭力事親。即慨然曰。男子治外。婦人治內。正理也。若偷閒自便。豈婦道乎。即卸釵易服。內而助夫行孝。服事翁姑。外而和睦鄉鄰。躬親井臼。勤苦不辭。後積餘貲。周恤貧苦。臨終吩咐。自薄喪費。留建家祠。親書遺囑。謂男須孝友勤儉。婦女須恭儉守己。其子慕忠。能承父母之志。孝友樂善。積常業。助婚姻。贈衣藥。施棺木。當仁不讓。見義勇為。由是子孫興發。富貴綿綿。隨後大年。錫疇。華玉等。皆得名於世。此天所以報劉氏之裔也。

婦節子孝

詩曰

一脉

孤存背後兒

勗妻

合力奉慈帷

難窗

苦學名登仕

更產

麟熊顯孝思



## 春芳母子節孝

葉春芳。歸善人。母鄒氏。性孝義。奈早寡。遺腹生公。俗所稱背後兒。即懷腹子也。母見只此一線血脈。守節撫孤。承先啟後。但兒又多病。百般撫畜。歷盡艱辛。及公稍長。知寡母苦。養己艱難。常常灑淚。以思圖報。苦學雞窗。幸十五歲入泮。門戶增光。母心稍慰。及婚。勸妻行孝。朝夕奉膳。必具甘旨。夫妻立於兩旁。俟母食畢。然後自食。凡所得財物食品。必跪以獻母。母曰無須如此。答曰。世人拜跪於親歿之後。親豈能知之。何如及親之存。稍盡禮乎。況母養兒。辛苦萬分。即粉身碎骨。不能報萬一之恩。此乃行兒心之所安而已。三十後。出仕古田縣。有德政。民歌頌之。生數子。長夢麟。貢生。次夢熊。進士。官至工部尚書。

夫妻孝義

詩曰

夫妻忍餓

奉婆婆

被騙亡兒

訟又磨

幸感天雷

冤大白

仙乘寶筏

到波羅



## 允誠夫妻孝義

王孝子允誠。淮安人。家貧。夫妻自食豆餅。奉母必以酒肉。一日糧盡。妻曰。我輩可餓。婆婆不可餓也。即脫銀鉅。交夫往押。及孝子押得銀。又為光棍騙去。妻曰。命該如此也。然婆婆終不可餓。再檢布衫押之。稍得微資。買米及肉以奉母。母呼孫共食。孝子嫌兒分母之食。牽之使去。兒泣坐地。誤落石級。失魂而死。母見之大怒。到縣訴逆。孝子以實告。官憐憫之。嘆曰。如此純孝夫妻。尚被人騙。復亡了兒。天理何在。言尚未畢。忽大雷震死該騙子。跪於階下。而鄰人先後來報。孩子得復活矣。官大奇之。嘉其孝義。贈米十擔。及錢十千。此事相傳遠近。人多感化。迨後夫妻送母天年。成仙去云。

天賜壽錢

詩曰

身代翁

姑感上蒼

賜錢增

壽玉盈堂

可憐鄰

婦偏長舌

此受金

錢彼受殃



## 天賜錢李孝婦

徽州李氏。家貧。夫外出謀生。李氏在家紡織。服事翁姑極孝。翁姑偶病。醫費無所出。朝夕虔誠稟告天地。願以身代。適遇三官大帝巡察。空中聞聲。奏於玉帝。奉旨加其翁姑壽一紀。賜錢十萬。注名祿籍。是日門尚未啟。忽見廳中金玉滿堂。移變易之。果得錢十萬也。鄰居秦氏。年僅二十。恃其長舌。怒罵翁姑。李氏屢勸息怒不聽。李氏受錢之日。秦氏竟為雷火焚燒。善惡之報。昭然可畏。

虎怕孝子

詩曰

樹木摧殘虎嘯風  
樵夫誰敢入山叢  
黑兒獨自常來往  
孝感山君獲利豐



溪石山莊馮問世

## 虎怕黑兒孝子

花縣某村。有張氏婦。少年孀守。而上有老家姑。每日定省。極盡婦道。下有孤子名黑兒。採樵山中。易貲以度日。婦於米飯外。有餘貲。必買肥甘以供其姑。鄉里皆稱賢淑。黑兒天性孝順。故得兩人歡。一日。結伴上山採樵。行至中途。腥風狂吹。忽森林中跳出斑虎二頭。呼嘯而至。黑兒年幼。性似痴呆。不甚驚恐。臥地假寐。虎趨近視之。搖尾而過。同伴數人。被傷其二。及虎去後。樹木之被摧殘者。縱橫山中。黑兒盡數日之力。負擔而歸。售得多金。鄉人以畏虎故。不敢往山採樵。獨黑兒日行如常。獲利殊豐。鄉里謂為母節子孝之報。

虎敬孝子

詩曰

廬墓

居喪歷數年

夜來

雙虎守門前

有時

家犬傳書物

相遇

無驚習故然



王訓為

## 虎敬宇薪孝子

何宇薪。博羅人。性至孝。父早歿。每遇忌辰。悲泣不食。事母甚謹。先意順承。母卒。負土成墳。築舍墓旁以居。朝夕拜祭。夜有虎蹲其門。穴壁窺之。二虎甚善。似無他意。既旦即去。夜則復來。先是家中養一黃犬。犬三五日必到一次。公欲有所需。即書片紙繫其頸。家人見之。備物繫之使負還。是夜虎至時。適犬負物來。未去。虎見之。亦不加害。公習慣久。日以為常。亦無恐怖也。公一日得病。思歸。虎欲隨行。公以家在城市大地。恐驚人。令使去。迨公疾愈還墓。二虎又來伴守。人皆以為孝感所致云。

孝子感虎

詩曰

年少青

襟展孝思

養生喪

死盡容儀

墓前哭

母能馴虎

留報賢

郎富貴宜



## 黃畿孝子感虎

黃畿。香山人。十八歲。補郡庠生。性至孝。先意承志。惟恐不及。親或有怒。必長跪求息怒。且俟其歡乃起。一味之甘。必獻父母而後嘗。娶婦亦賢。助夫行孝。未幾父母相繼去世。殮葬完畢。居喪盡禮。一日往墓所。思念父母。至慟哭。乃暈厥。而虎突至。用鼻嗅之。即曳尾而去。時人有作孝子感虎歌以記之。生子佐領。中正德年庚午科解元。連捷登進士。且入翰林。官廣西提學使。

孝子飼鼠

詩曰

垢衣溺

器洗宜頻

和悅承


歡事二人

飼鼠飽

餐安父寢

孝心純

篤福駢臻




## 惺菴孝子飼鼠

溫惺菴。順德龍山人。家貧業商。忠信勤儉。孝順雙親。朝夕供膳。必具甘旨。親或有疾。調護扶持。不離左右。其溺器與垢衣。勤勤飭妻洗濯。或自洗之。妻亦賢淑。能體夫志。和顏悅色。早得二老人歡。常買穀數石。貯瓦缸中。上覆以笠。夜半父聞鼠聲。呼起逐鼠。公已逐之再三。而鼠復如故。父煩惱不能睡。公思缺穀事少。安親事大。乃移去笠。飽鼠之餐。父寢遂安。明日始買瓦蓋覆之。觀此一事。而知公平日孝心純篤。無微不至矣。後生六子。均皆孝順。或工或商。富甲一方。孫名汝适。乾隆甲辰年登進士。官至侍郎。

代父坐獄

詩曰  
里長因官勒  
捕逃  
挺身代父入  
監牢  
備嘗艱苦終  
無怨  
果報登科孝  
行高



馮國光

## 馮煒代父坐獄

馮煒。字敬堂。南海大富鄉人。道光二十九年。其父為里長。因族人犯罪。罪人畏禍逃匿。其父被拘到案。官勒交逃罪者。公挺身到縣衙。願代父獄。官終准之。在獄歷受艱苦。並無半句怨言。事久始得放出。咸豐八年入學。又中同治年壬戌科舉人。其後生子。亦能繼父之孝。至今鄉人多稱頌之。

孝子跪父

詩曰

平生孝

敬必躬承

假手妻


孥本不應

偶忤親

心長跪請

佇看文

學一門興



## 善化孝子跪父

陳才邦。庠生。四會荷岡人。公平正直。妻亦賢德。生子善化。已補廩生。性至孝。設館於佛山。每年父母生日。必歸慶祝。一歲父生日。因事所阻。先期買海味寄歸。囑妻轉獻。才邦不悅。以為不必假於妻手也。未幾回歸。妻以父怒告。善化至書舍拜父。才邦不應。善化即長跪。才邦隨入室睡。睡了數時始醒。方知其子仍俯伏地下。不禁嘆曰。汝胡為者。何至是哉。起起。善化叩首曰。兒知罪矣。迨父歡待如初。一事之微。而仁孝誠敬盡露。非至性而能若是乎。善化後生三子。長濟時。次顯時。均庠生。一門四秀才。此忠厚仁孝之報也。

遊子順親

詩曰

一別高

堂已十年

京師遊

學倍心堅

家嚴憶

子詩遙寄

趨侍庭

幃不敢延



## 洪浩遊子順親

熙甯時。洪浩遊京師太學。十年之久不歸。其父倚門倚閭。日夕長望。因作詩寄之曰。太學何煩且一歸。十年甘旨誤庭闈。休辭客路三千遠。須念人生七十稀。腰下雖無蘇子印。篋中幸有老萊衣。歸期定約春前後。免使高堂賦式微。浩得父詩。深自咎責。即兼程而歸。以安親心。後亦成名。宦途顯達。

孝子辭田

詩曰  
事親侍  
病子當爲  
罔極深  
恩報恐遲  
不敢貪  
功應父賞  
竟生藩  
翰作佳兒



## 公慶孝子辭田

鄧公慶。南海人。性孝義。早喪母。哭泣極哀。及年稍長。常念母不置。父老而多病。日侍左右。頃刻不離。父憐其勞。於常產外。另以田三畝賞之。公跪泣曰。父母之恩。粉身難報。親病。而子奉侍。分所當然。若以為勞而賞之。兒受父母鞠育多矣。何以報焉。固辭不受。但兄嫂早亡。撫育其孤。如己所出。生子務忠。崇禎辛未年進士。官至巡撫。大有政聲。

孝義發達

詩曰

歿存一

樣孝何分

義慕馮

煖券盡焚

竭力賑

饑心不倦

簪纓繼

世出人群



## 慕霞行孝發達

辛慕霞。順德北滘人。家小康。性慷慨。有孝心。母歿。哭至失聲。事父承顏順志。事繼母如生母。不敢有違。遇親族戚友欠債。貧苦難償者。則焚其券。以體親心。父母欠人債者。即一一還之。以安親慮。康熙丁丑歲大饑。盡將藏穀以濟饑者。家貲由是遂薄。公亦在所不計也。生子昌五。品行端正。自幼能文。中雍正年己酉科解元。連捷進士。入翰林。孫濟美。副貢生。家聲大振。子孫昌盛。

錄忠孝文

詩曰

心存忠

孝手書文

感化愚

蒙有大勳

屢代書

香名並顯

可知因

果不差分



## 沅英錄忠孝文

趙沅英。新會三江人。附貢生。工書法。常手寫三元忠孝文。刻版行世。專引古人忠孝之事。每句四字。編為淺文。每事加註解釋。世人多奉為啟蒙之善本焉。後生數子。長子翰航廩生。次子瀛航庠生。三子蓬航舉人。洵一門之祥瑞也。竊以寫忠孝文。流傳世上。其食福報若是之顯。如果本身為大忠大孝之人。不知上蒼何以報應之也。

孝友免災

詩曰

性成孝友本

天生

先世停喪四

治塋

豈獨風波同

免難

更徵遺裔擢

科名



## 龐儒孝友免災

龐儒。南海佛山人。性孝友。母早喪。常以不得奉侍為恨。事父盡誠。父有不悅。即跪地請罪。命之乃起。仲弟早卒。季弟年幼。撫育成。為之婚娶。先世四喪未葬。停頓荒郊。公獨力買地葬之。自捐貲財。毫不累諸兄弟。人多頌之。一日在海面行舟。忽遇狂風巨浪。勢甚危急。舟眾徬徨失魄。公跪船頭。禱告於天。桅頂忽現紅光。異香滿船。鄰舟盡覆。公舟獨存。賴以倖免者凡五十餘人。皆感公孝。竟藉神佑。各人得所沾光也。生子景忠。中萬歷年丙午科舉人。官至戶部主事。曾孫上梓。中順治年丁酉科進士。官至知州。

敬老獲佑

詩曰

覆舟有

數鬼先知

周號不

同卻是司

敬老亦

能除大禍

若行孝

道報尤奇



## 周司敬老獲佑

周司。敬前輩如父母。一日過江。風波大作。舟幾傾覆。及至抵岸。一漁翁曰。昨夜江邊有人言。明日當覆一舟。須溺死二十人。若有周不同在。則無妨也。其人素來敬老。天必佑之。今爾舟得倖免。豈真有周不同其人耶。遍問舟中。惟有周司一人者。解者曰。司字缺左便一企。非周不同而誰。眾人即前謝之。

細觀此事。敬老即叨天佑。若孝親則更邀天福。可無疑矣。

轉貧  
天爲  
富壽

詩曰

養子方知父

母恩

古今同奉作

箴言

慈心一念翻

思孝

富壽齊登五

福門



馮月芝

## 轉貧夭為富壽

王誠孝。宜興人。家甚貧。早年生子。極其珍愛。饑即與食。寒即與衣。一有疾病。廢寢忘食。不惜銀錢。求醫問卜。備極辛勞不計也。忽自念曰。我今日待子如此。回想從前父母之待我。亦必如此矣。此恩此德。何以報之。從此竭誠孝順。不敢稍懈。偶值年荒。自食糟糠。而以粥飯奉父母。寒冬之時。自衣單薄。而以厚襖奉父母。父母有疾。侍奉湯藥。時刻不離。許願祈禱。以求親壽。一夕夢神告曰。汝壽不長。且汝命當窮苦到底。今上天嘉汝純孝。特延汝壽。兼賜汝錢。自此經營順遂。億則屢中。數年間竟成巨富。享高壽焉。

孝子  
得愈  
奇疾

詩曰

禮言問視記

文王

聞道文王孰

敢當

不料販夫奇

疾癒

純心止孝己

升堂



## 孝子得愈奇疾

孟舜年。性至孝。負販為業。晨早恐驚母寢。每出門必潛往。囑妻侍候母起身。而其歸家甚速。慮母饑也。入門即呼母親。探懷取食物以進。母性所好者。無不買以奉之。務令親飽煖。毫無憂戚之容。舜年面生紅癰。似近瘋疾。一日遇老人於途。授以異草。令煮湯洗之。其疾頓愈。人謂其孝感所致。自此所謀皆遂。成巨富焉。

嗚呼。舜年特一小販貿易人耳。能常以食物奉親。投其所好。亦已難矣。又必潛往速歸。其一片孝心熱腸。體會入微。直與文王問寢視膳。並垂不朽。世之事親者。能學舜年之誠之敬。可謂孝矣。

賑饑  
救旱  
善體  
親心

詩曰

母氏慈祥

喜博施

賑荒志切

免啼饑

疏渠救旱

恩宏被

蘭桂騰芳

共建祠



## 潘京善體親心

潘京。南海人。父早喪。事母極孝。母吳氏。性慈祥。好做益人事。歲飢。使公集議賑濟。公體母意。竭力提倡。任怨任勞。以成其事。存活甚眾。自此多行善事。以歡母心。鄉里之田。常旱失收。集眾簽題。開池塘。掘涌澮。積水以備不虞。大興工作。公親督理巡行。風日不避。雖額汗滂滂。猶口講指畫。毫無疲苦之態。數月成功。遠近之田。均得灌溉。自是瘠田變為沃土。旱亦有收矣。群相慶賀。見公則揖曰。粒食有賴。皆公之賜也。公曰。我承母命。特盡微勞耳。鄉人因沾公母子大恩。立生祠以祀之。自此福氣日增。所謀皆遂。一夕夢天門大開。見諸神如在咫尺。驚喜而醒。心知吉兆。後生子濬。登萬歷年庚子科進士。官至尚書。公以子貴。獲一品封誥。子孫富貴綿綿。遠垂世澤也。

孝子  
友愛  
姊妹

詩曰

姊妹

同群一樣看

大家

談笑博親歡

追原

養志休忘祖

敬祖

貽孫代作官



## 黃孝子善友愛

黃正色。順德大良人。幼喪父。孝事母。讀書偶暇。輒歸家集諸姊妹。論古談今。供母歡笑。及長。管理家事。不勞母心。待姊妹極友愛。出嫁後仍如是。謂必如此方得母歡。養志之道也。獨力建祖祠。謂人本乎祖。敬祖即孝親之道。生子丹書。天資秀異。十四歲。考縣府道案首。人稱為小三元。中乾隆年乙卯科舉人。孫玉衡。玉衡。一舉人。官教諭。一翰林。官御史。至今書香不絕。

孝子  
友愛  
弟妹

詩曰

少年

失怙事慈親

弟妹

同胞合數人

委曲

周全財產共

連生

二子作名臣



## 李莊孝友弟妹

李莊。南海佛山人。性孝友。少年喪父。事母盡誠。公居長。有弟妹數人。婚姻嫁娶。公自任之。貿易經營。所置田產。均分與諸弟。而不肯自私。妹有窮乏者。力濟之。疾病者。調理之。事事委曲周全。務求上下相安。以快母心。後生數子。一舉人。官至知縣。一進士。官至戶部尚書。公以子貴。誥封一品之榮。

辭官歸養

詩曰

布衣膺

荐考鴻詞

翰苑官

高上疏辭

令伯陳

情終養切

滿朝嘉

獎贈文詩



## 因篤辭官歸養

李因篤。陝西富平人。康熙己未。以布衣膺薦考。博學鴻詞。及入翰林。即上疏乞歸養。疏中有云。衰齡七十。久困扶床。輦路三千。難通齧指。一旦禱北辰而已遠。迴西景以無期。萬一有為子所不忍言者。則是毛義之捧檄。不逮其親。溫嶠之絕裾。自忘其母。風木之悲何及。瓶罍之恥奚償。其餘情辭懇切。比唐人李令伯之陳情表。殆又過之。聖主准其終養。出京之日。士大夫詩文贈送者數百人。海內高之。

勛妻事親

詩曰  
遠方  
遊學別高堂  
內助  
承歡子職當  
曾賦  
歸來詩寫志  
名成  
及第尚書郎



## 鴻緒勸妻事親

王鴻緒。江南華亭人。苦志讀書。遇母有病。依依不忘左右。及長。遊學遠方。每謂妻曰。汝為吾婦。能善事吾親。則助我多矣。嘗賦歸來詩二首。當時多人傳誦。詩曰。長鋏歸來日。貂裘欲敝時。吾親憐久客。扶杖喜相持。欸欸談征路。依依問故知。自朝還至暮。盡是慰離思。又曰。吾母倚閭久。風塵望早歸。驚看遊子面。為浣去時衣。巖筍經冬出。慈烏向晚飛。白華堪養志。不必羨甘肥。後登康熙癸丑年榜眼。官至工部尚書。

減壽醫親

詩曰

母疾延醫久

不痊

血書一紙達

蒼天

十年減壽增

親算

內閣充閣令

嗣賢



## 蘭石減壽醫親

徐蘭石先生。本江南名士。性純孝。中年孺慕不衰。適值母病。醫藥無靈。垂涕無計。惟願減己壽十年。以延親壽。乃刺手血寫疏。焚於灶神之前。求其上達。母病竟忽痊。確越十年而後母死。再過三年。先生亦逝。世人方痛孝子之不永年也。厥後其子廷。中嘉慶年甲子科舉人。連捷進士。殿試中榜眼。官至內閣學士。乃知孝子之不永年者。天所以成其志。而其至性所感。不旋踵而福祿隨之矣。

孝子殺賊

詩曰

戴天不

共賊難饒

手刃兇

仇恨未消

幸遇聖

神呵護力

賜兒顯

貴仕登朝



## 天駟孝子殺賊

馬天駟。儒士也。值世亂。與父出奔。遇賊於途。執其父欲殺。駟以身蔽之。泣訴曰。此我老父也。願無加害。必要時。寧殺我。賊眾不恤。竟殺其父。駟起。奮奪賊刀。連斬數賊。賊眾至。駟亦死。其妻余氏。遁於爛柯山。時孕數月。迨將分娩。及前一夕。夢關帝告曰。爾夫孝義。為父而死。不可令其無後。當與汝一貴子。次日果生一男。時賊眾猖獗。到處行劫殺。有欲過爛柯山者。忽見關帝騎馬提刀。立於雲際。賊懼而退。一方賴以無虞。孝道通於神明。竟如是哉。後子顯貴。官至提督。

力舉七喪

詩曰

貧婦居然舉

七喪

纖纖十指積

倉箱

朝廷賜俸兼

存問

節孝名流萬

古芳



## 李婦力舉七喪

楊三安。妻李氏。高陵人。翁姑相繼而亡。三安又死。李氏撫孤兒。且日夜耕織。無何三年之內。葬翁姑及夫兄弟共七人。亦云慘矣。但其苦節自貞。堅守不去。遠近嗟歎。為之下淚。太宗聞而異之。即賜帛三百疋。常遣州縣慰問。歲給薪俸。免其徭役。倘節婦撫躬自問。亦可無愧於天地矣。

夢覺尋父

詩曰

隻身奔走九重天  
血肉消磨瘦骨仙  
何幸有緣終遇父  
人生祇恐不心堅



## 王原夢覺尋父

明。王原。文安人。父珣。為族事牽累逃去。及原稍長。問父所在。母告以故。原號泣不已。於是辭母尋父。遍歷山東南北。均不遇。辛苦備嘗。腳疼神疲。毫無退志。自此思父益切。每寤寐間。即夢見父。一夕至輝縣。見帶山有寺。名曰夢覺。原心遂動。是夜天雨雪。臥於門外。及曉。一僧啟門出。駭曰。汝是何人。雪夜在此臥。不畏冷乎。原曰。我是文安人。尋父至此。時珣方執爨廚下。僧往廚謂珣曰。現有汝同鄉一少年。來尋父者。迨珣出見。竟不相識。及各言姓名始知。父子抱持大哭。於是即日同歸。共樂天倫。後原子孫蕃衍。多仕宦顯貴者。

佛子印內養五德外修六和五德

者溫厚善良恭慎節儉忍讓六

和者見和同解戒和同修身和同

住口和無諍意和同悅利和同均

勤學三福三學六度十願續佛慧

命弘法利生願共勉之



以下不孝禍臨圖說

逆子變驢

詩曰

侮父應

從畜道輪

恃才狂

傲若無人

變驢去

目蒙皮出

冥罰森

嚴律必遵



## 周振逆子變驢

正德時。平陽周振。恃才狂傲。每為家中之細事。侮罵其父。奈父過於懦弱。常忍受之。一日振以無故。歐打其子。父勸阻之。振大怒曰。我責子耳。非汝所生。父無奈又忍之。是夜振在夢中。被攝至冥司。冥王罰其變驢。振辯以無罪。冥王曰。汝常侮父。忤逆不孝。應墮畜道。且汝眼界自大。旁若無人。更去其兩目。使推磨受鞭。振乃語塞。蒙驢皮出。及醒後。自言作驢而死。

孝者  
存逆  
者亡

詩曰

孝逆同居避

水災

母兄不顧載

妻孩

兄先救母家

存活

弟遇沉舟溺

水隈



## 孝者存逆者亡

清。楊璞。與弟富奉母同居。各有妻子。富弟賦性薄。璞貧而性孝。一日。洪水將至。弟則不顧母兄。先以船載其妻子往北山去。璞無奈何。急負母娘登山。未幾四面洪水滔滔。淹沒民居不少。璞正痛妻子之不及顧也。忽見有婦人抱子。乘大木漂流而下。將近山前。盡力救之。實則其妻子也。翌日水退。查富弟及其妻孥。豈料船至北山下。為大樹崩壓。俱沉歿於水中矣。

逆子  
食魚  
化骨

詩曰

捕魚

爲業孽原深

入贅

忘家厭母臨

妻送

母回身命活

食魚

化骨子歸陰



## 逆子食魚化骨

長溪陳元。贅於岳家。日以捕漁為業。一日父母同至。逆子阿元見之不悅。母氏早知子意。恐其演出醜態。即欲告辭歸家。迨被媳婦留住乃止。次日。逆子仍執故業。竟捕得大魚。驕甚。但恐母在場同食。著其妻先送母返家。然後將大魚烹宰。不料食後。骨肉皆化水而死。豈知此物為化骨魚。逆子食此惡報。可稱大快人心。

兄弟  
棄親  
不養

詩曰

只將產

業弟兄分

不管雙

親作乞人

人面獸

心生獸子

天雷擊

魄虎分身



## 兄弟棄親不養

杭州。陳子岳。生二子。長桐岡。次鳳岡。以父母俱年老。不能工作。徒然坐食。兄謂弟曰。不如分家為高。鳳岡曰。余早有是想矣。於是兄弟。分開產業。各自開爨。而父母饑寒不管矣。鄰人共抱不平。勸之弗恤。其父母無奈。只得行乞度日。次日桐岡生一子。無耳無鼻。醜態難堪。鳳岡亦生一子。口缺背曲。遍身是毛。與猿無異。兄弟尚不知悔。猶且怨天恨地。謂我兄弟兩人。未造惡事。何若是耶。但言未畢。旱天迅雷。先將桐岡擊死。再越數日。鳳岡入林砍柴。被兩虎分屍。血骨遍地。遠近喧傳。咸謂不養父母之報。

久停父棺

詩曰

久停親柩罪

通天

妄想功名禱


祀虔

神怒責言疑

夢幻

中風暴死理

當然



## 羅鞏久停父棺

大觀羅鞏。久停父棺不葬。出遊太學。以冀早得功名。但所求不遂。屢禱於神前。一夕夢神怒曰。汝獲罪於天。無所禱也。尚問功名乎。羅訴無罪。神曰。汝久停父棺。不謀安葬。安得無罪。鞏曰。某尚有兄。何獨罪我。神曰。汝讀書當明理。汝兄碌碌且貧。不足深責。然亦有罪也。既醒。仍是疑信參半。猶多妄想。未幾。患一中風之症。遂成痼疾。而潦倒終身矣。

厚妻  
子薄  
父母

詩曰

厚待妻孥薄

所生

本根先壞葉


難榮

根前不肖葫

依樣

困餓終身現

報呈



## 厚妻子薄父母

倫芬。恩平縣人。初喪父。其母守節以撫孤。及長。在佛山為小生理。娶妻生子。買宅而居。求財若渴。惟恐妻子之饑寒也。而母在家。勤苦自食。有友諫曰。君愛妻兒。可謂至矣。而令母在家。未知如何。汝心究能安否。芬曰。吾母老而尚健。家有薄田二畝。可以自耕自食。老人家衣食無多。無容我照顧也。友退歎曰。父母本根。妻子枝葉。今不顧親而顧妻子。如樹根已壞。尚望開花結果乎。後芬所生二子。皆不肖。妻亦早死。及芬年老。竟以困餓而終。正所謂忤逆還生忤逆兒。斯言信也。

不孝  
父母  
翁姑

詩曰

氣稟乖張傲

情成

翁姑父母兩

忘情

忽遭風雨廚

牆壓

不孝魂飛魄

亦驚



## 不孝父母翁姑

新會某逆女。性驕傲懶惰。且好食。常不得父母歡心。及長。適趙門。亦只知有丈夫一人。其餘上下尊卑。無一敬愛。丈夫與兄。出外經營。每年各返家一二次而已。一日。家姑有病。大姆殷勤侍奉湯藥。女則托詞有事歸寧。置之不理。父母知其事。薄責之。女不服。懷恨在心。自此返夫家後。久不歸寧。父親病重。使人喚之不來。越日。風雨大作。女在廚房弄飯。廚牆不堅。為風吹倒。逆女即被壓死。人謂其不孝父母翁姑之報。

雷轟逆子

詩曰

罵母遭

雷報應神

大缸難

蓋電纏身

一聲霹

靂分尸首

罪惡昭

彰警世人



## 雷轟區某逆子

常熟縣。逆子區某。平日性情暴戾。每罵其母。母含淚忍之。一日在田時秧歸。飯未熟。又罵其母。忽雷聲大震。電繞其身。逆子自知有罪。駭甚。急呼其妻取大缸遮蓋。妻曰。我常勸汝切勿薄待其親。到底是生身的大人。事到而今。恐遮蓋不來。妻言未畢。火光一閃。霹靂一聲。逆子身首異處。首懸母胸。身拋戶外。觀者數百人。各吐舌驚異。共相傳戒。嗣後無有敢罵父母者。此康熙元年。五月廿三日事也。今之為子女者。亦可以知警矣。

棄母赴任

詩曰

逆子無

良棄母親

雷州赴

任數彝倫

豈知遭

劫屍投水

天道難

容不孝人



## 知府棄母赴任

雷州知府某。滿洲人。攜妻赴任。而置瞽母於京師。託言費用不敷。俟到任後。乃迎親來養。且言所住京宅。已給租一年。又得錢莊月給費用。母無奈姑從之。乃出京一月。而房主即索租錢。錢莊亦無給費之事。母饑寒交迫。晝夜哭泣。謂此逆子騙親。如其不死。尚有天理乎。但其啟行之際。囊篋豐裕。舟子利之。一日過高郵湖。值地方醮會。各隨員登岸遊行。舟子乘某夫妻睡熟。並均刺死。棄其屍於海。揚帆而去之。

逆子現報

詩曰  
老人治爨已  
難堪  
辱罵頻催味  
怎諳  
撥麵敢將傷  
母足  
桐油淥腳死  
心甘



## 逆子傷母現報

聞友說。有逆子。忘其姓名及里居。逆子之寡母年老。仍使之治廚。勞苦不堪。一日友至。使母煮麵食。因柴濕久未得熟。逆子頻頻催討。且詈罵焉。母極怕事。僅熟即捧出。因為忙速。忘記放鹽。逆子大怒。將麵撥母。泡傷母腳。母氏大哭。鄰里亦為之不平。未幾。逆子因煮桐油。不慎泡傷其腳。日久皮破肉爛。屢醫罔效。竟至痛死。天道報應之湊巧。且有如此快捷焉。

神誅逆子

詩曰  
持刀追  
母動神威  
泥像能  
將白刃揮  
斬卻逆  
倫當戶立  
聲靈赫  
濯血橫飛



## 神誅斬母逆子

有逆子某。待母如婢。每早擁妻酣睡。使母擔水治飯。稍不如意。怒罵加之。生一子。甫數月。母抱入廚內工作。小孩忽躍墮釜。為湯所傷。不可救治。母懼極逃走。逆子知而大怒。持刀追殺其母。離家里許。有關帝廟。母急避入廟中。躲於案下。逆子跟尾追到。其母危急萬分時。忽然。周倉之塑像。從神座上即跳下。攔門將逆子斬倒。及周爺斬死逆子之後。仍立於門口。一足騎在門限外。不能回位。遠近來觀者千餘人。

逆婦現報

詩曰  
漫思取火扇  
蚊多  
逆婦欺姑反  
作歌  
不得坐眠成  
現報  
一樽消恨見  
閻羅



## 何妻逆婦現報

番禺何某。遠出經商。囑妻孝順事姑。不料其妻不孝。時時欺侮老人。有夜蚊蟲甚多。其姑叫曰。嫂嫂。點火俾我扇蚊。媳詐睡不應。再呼數聲。始應之曰。汝可持一火來。聽我照著火柴。然後點火來汝。又自作一歌。時時唱之曰。『惡姑鳥。尾彎彎。我為媳婦甚艱難。早起九點都嫌晏。一洗完面催煮飯。不洗瓜菜既受罵。洗淨燒鵝又罵一番。唉。偷自嘆。待我丈夫返。然後擺佈汝。要汝坐不得。眠不得。睇汝還有何法與我為難』。未幾其夫自上海歸。凡奉母之物。無所不備。其母平日好飲佛蘭地酒。其夫擇取一樽。開枳放在桌上。為妻一手奪去。語我受制已久。今須聽我先飲。以消宿恨。遂將此酒飲盡。不料受納不起。竟得重病。所謂坐不得。眠不得。乃以自身受之。數日而死。天乎。何報應之速也。

夫妻忤逆  
現報

詩曰

視親如婢昧天良  
終歲司廚老更忙  
現報須知原不爽  
山崩石壓並遭殃



## 夫妻忤逆現報

青田居民。倪九。自幼母子無異心。但娶妻後。惑于婦言。謂其生母。原為婢妾。由是不敬其母。終歲置母於庖廚之下。一如老婢式。自己與妻。安享自由。時值新穀方熟。令母烹雞治飯。忽遇暴風疾雨。山上大石崩墜。正壓倪九寢室。夫妻皆被壓死。母因在廚房治飯。故幸無恙。眾人莫不驚異。謂其夫婦忤逆。食不孝之報云。

佛所行處國邑丘聚靡不蒙化天下和順日  
月清明風雨以時災厲不起國豐民安兵戈  
無用崇德興仁務修禮讓國無盜賊無有  
怨枉強不凌弱各得其所

一九九一年仲春恭錄大乘無量壽經

淨空



以下不孝悔過仍獲福報圖說

改悔  
孝親  
晚年  
得子

詩曰

老親不孝嗣胡求  
得子艱難事有由  
生佛在堂宜敬奉  
三年供養子雙收



## 改悔孝親晚年得子

浙江仁縣。秀才區思治。年四十而無子。為求嗣計。或往廟堂媚神。或用肉食補身。無所不至。一日有遊僧到訪。自言能知前後事。思治因問何故得子之艱。僧曰。此前生之過。宜放生禮懺。以消夙孽。思治喜而諾之。引至家具齋款待。僧見其母。形體瘦弱。面有憂愁。且衣服破爛。大驚曰。生佛在堂。棄而不奉。是捨本而圖末也。君能以改過自新。將母作佛事之。三年必有應驗。思治由是愛母如孺子。厚待順承。妻亦感化。誠敬事姑。數年連生二子。人謂此僧。乃菩薩化身云。

改悔  
孝親  
子變  
善良

詩曰

星術無差己獨差  
武夷訪道路非遐  
一經點醒敦誠孝  
二子純良克保家



馮洞玄

## 改悔孝親子變善良

乾隆間。蒲田有星士馮賡者。相命極驗。名重一時。積財數千。自算應生兩好子。其中有一貴焉。但年近五旬。二子皆不肖。日事賭蕩。貲財暗破。賡亦無可如何。因思星術無差。何以自己不驗。迨聞武夷山。有一目道人。前知禍福。因往叩問。道人曰。命之不靈。乃心術之變也。為人莫重於孝。汝得罪天條久矣。賡自言無忤逆事。道人曰。汝妻妾不賢。由汝縱之也。汝生平鮮衣美食。鍾情妻妾。而於父母之奉。意甚寥寥。身非汝妻妾所生。何不思本本水源乎。賡愧答曰。然則如何。道人曰。汝能以愛妻子之心事親。可以息鬼神之怒。賡深拜謝。時止存父一人。誓敦孝義補過。事父盡誠。後二子忽變純良。恪遵庭訓。終能保其家業。

改悔  
孝親  
丁財  
兩得

詩曰

誤聽妻言別屋居  
雙親乏食乞人餘  
兒亡妻死翻心悟  
孝獲丁財行改初



## 改悔孝親丁財兩得

廣西周華。性愚鈍。種植為生。妻韋氏。生一子兩女。韋氏陰毒。刻薄翁姑。唆夫別屋以居。致兩老乏食。行乞度日。年餘。子女相繼夭亡。未幾韋氏生背疽。臥床半載。遍身臭爛而死。人謂其不孝翁姑之報。多有勸戒其夫者。周華知罪。恐同遭受天譴。即改轉孝養雙親。親言無不依從。繼室娶覃氏。知前妻忤逆。受惡報之慘。亦即發奮助夫行孝。又生回一子兩女。均得長育成人。後由種植發達。可稱小康家焉。

改悔  
孝親  
功名  
順遂

詩曰  
過人才學仰儒生  
四十餘年未有成  
謹奉仙乩行孝義  
移時如願取功名



## 改悔孝親功名順遂

杭州王君沃。儒士也。薄父母而厚妻子。年已四十。功名不遂。自問才學過人。何以屢困科場。一籌莫展。知鄰村有扶鸞者。往問前程。大仙批曰。人生天地間。孝字豈等閒。祇知妻兒好。高堂衣食單。莫問功名事。壽元指日殘。若能知改悔。竭力挽循環。王見此詩大驚。遂汗流滿額。自知罪過。叩頭不已。願自改悔。由是竭力事親。並飭妻子同行孝義。及撰勸孝歌文。以警世焉。如是兩年。王即入泮。連捷開科中舉。

不慈  
悔悟  
得子

詩曰

前有王祥後  
有延

得魚奉母各

欣然

盡心竭力終

成事

好願而償自

有天



## 薄待嫡兒悔悟得子

晉。王延。九歲喪母。每至母忌辰。則悲啼終日。父出外營謀。少在家園。繼母卜氏。待延無道。稍不如意。即鞭罵隨之。延性孝順。並無怨言。灶君奏上天曹。罰卜氏無子女。為虐待孝子之報。時值盛冬。卜氏病後。思食海鮮。延求之不得。乃叩冰而哭。忽有二尺長大魚。躍出水上。延抱魚歸。母食之。竟日不盡。於是心悟。愛延如己所出。自此家門和藹。卜氏亦生子焉。

黑旗示警

詩曰

不孝翁

姑每被雷

黑旗肩

上現粧臺

悔心乍

轉求姑禱

卒享遐

齡免受災



## 黑旗示警莊氏逆婦

徽商程某。住西鄉。娶城紳莊姓女為媳。方過門。即輕視翁姑。且常評論翁姑是非。其不孝順可知矣。一日在窗前梳洗。忽鏡中照見自己肩上。插一小黑旗。大駭。適有鄰媼到探。見莊女驚惶失色。問之。女以實告。媼曰。此不祥之兆。嘗聞人言。某鄉前者有一婦人。肩上有旗。未幾即被雷誅。後聞此婦。係不孝翁姑所致。但汝回歸未久。斷無忤逆翁姑之罪。何亦有此黑旗發現乎。女聞言更驚。自知有罪。即以告姑。求姑代禱神明。愿自痛改前非。姑亦喜媳自新。設案炷香。同媳當天跪求。莊女從此孝順翁姑。不敢稍有怠慢。由是黑旗不見。相安無事。此同治十二年事也。嗟乎。天下固有逆子忤媳。而不知懼者。非黑旗未插。特未見之耳。何不惕然悔悟。如莊女之改過贖罪。不亦善乎。

改悔  
行孝  
其子  
乃育

詩曰

辱罵慈親遠寄書  
豈無家法著鄉閭  
祠紳援例懲三十  
打醒精神惡習除




## 改悔行孝其子乃育

順天逆子彭德。嘗呼老母曰皺皮豬姐。妹曰燒火冤家。妻曰月中丹桂。子曰掌上明珠。其平日之忤逆可想矣。屢生子女不育。後生一子。愛惜逾恆。故稱為掌上明珠。德遠出經營。一日付信其妻。誤交其母。其詞曰。皺皮豬姐死未死。燒火冤家離未離。月中丹桂常時記。掌上明珠乖不乖。其母聽罷大怒。哭曰。此忤逆子。氣殺我也。遂於每句改易二字。回信其子。其詞曰。皺皮豬姐未曾死。燒火冤家未曾離。月中丹桂常時病。掌上明珠漚草皮。即日號泣而歸。至家。見妻及子無恙。大罵其母。母亦怒曰。逆子辱罵老母作平常。豈真無家法耶。遂將其寄歸之信。呈與父老紳耆看。均抱不平。捉其子到祠堂。重責三十板。以儆不孝。由是改過孝順老母。其子乃育。

改悔  
行孝  
生意  
茂盛

詩曰

屠人有肉各供親  
斷指如言觸鬼神  
做發良心存孝道  
更從改業獲多珍




## 改悔行孝生意茂盛

屠房吳某。寶應人。性最吝嗇。有母年七十。思食豬肉。使人問其子取肉。吳某欲不與。來人固請。則祇將些少與之。過兩日。母又使人到取。某怒曰。取之又取。吾今日誓斬指不與也。言畢。不知如何誤刀。忽斷其指。痛極仆地。來人即覓藥與之敷指。告曰。此乃鬼神警汝不孝。不然。何其即刻見事乎。吳某亦知理屈。良心發現。以後不敢不與焉。迨後母命其改業油糖。免為屠戶。致多殺生命。由是生意茂盛。藉獲多珍云。

大逆  
改悔  
幸免  
雷誅

詩曰

棄母山林老病時  
懸車需用子箴規  
翻然悔悟迎歸養  
夢警雷誅父杖笞



## 大逆改悔幸免雷誅

原穀。父母去世。尚存庶母。年老多病。穀甚厭之。命人造車。載庶母棄於山林。既棄之後。而其子用布裹車。懸於屋樑。穀見之曰。留此凶具何用。可即棄之。其子曰。切不可棄。俟父親年老時需用。免再置也。穀驚覺。悔悟曰。誠如是乎。吾滋懼矣。即迎庶母歸家。而善事之。是夜夢父來責之曰。今日之事。汝何喪心至此。幸孫兒孝心。懸車以警覺汝。否則必受雷誅。永墮地獄矣。說罷。以杖擊其首。悻悻而去。穀醒頭痛。兩月方痊。

改悔  
從善  
有子  
克家

詩曰

奸商斗秤討便宜  
貨悖應生不肖兒  
幸聽慈親賢媳諫  
克家從善子潛移



## 改悔從善有子克家

信州周才美。開一米店。專用大秤小斗。出入便宜之法。母甚不悅。戒之不聽。數年積數千金。生子不肖。娶媳馬氏。頗賢淑。姑喜之。使媳勸翁。初次未聽。一日。媳婉容再勸諫曰。嘗聞天道好還。貨悖而入。必悖而出。恐他日子孫敗家。散失不止此數也。夫君現已如此。能無憂乎。不如早日回心。無貽後累。以安太婆之心為好。翁是時見子確是不肖。日事遊蕩。化費不少。又見賢媳及母。時時苦勸。有些愧悔。乃曰。似此當何如。媳曰。大秤曾用幾年。翁曰。約十年矣。媳曰。可將以前用入者用出。亦用十年。以酬昔日過取之數。或捐款以行善事。則更暢快也。翁從之。由是子變良善。以保其家焉。

## 孝淫果報錄下卷目錄

文昌帝君戒淫文

戒淫聖訓

戒之在色賦

南極仙翁戒淫四言詩

先賢白話戒淫歌

譚恒甫白話戒淫歌

先哲遏淫說

鍾離祖師戒淫歌

呂祖師慧劍歌

蓮池大師色淫一筆勾

朝欄子樂道戒淫嘆詞

嚴戒子弟提防接受賣瘋論

戒淫十則

避嫌疑說

念報應說

蘇東坡題江上女屍詩

戒看淫書春宮詩

戒作淫詞艷曲詩

普通戒淫詩

明趙解元勸貞詩

## 拒淫福報圖說目錄

醫生拒淫裕後

醫生拒淫天賜官錢

還妾代債添丁及第

避色得貴

拒淫得貴

遠色昌後

戒淫天賜狀元

遠色福蔭子孫

拒淫天賜科甲

拒淫隱惡狀元及第

拒淫功名壽考

拒淫奔父子顯貴

避色狀元及第

無淫念廢卷得中

益人正益己

節婦斷髮制強

節婦成仙

## 犯淫禍臨圖說目錄

縱淫破家絕嗣

淫尼立受慘死

通姦毒夫受刑誅

犯淫剝祿減年

姦妻謀夫受雷誅

騙財色即受雷誅

謀友夫妻被虎噬

架禍謀娶受天譴

逼孀現報

先姦後棄受刑誅

犯淫下第

強姦美女受兵戮

謀婚害命極刑而死

騙財色受慘報

因姦致命折祿減年

納婢作妾屈死折福  
談人閨閻潦倒終身  
造淫詞吐血死子孫不昌  
屢犯淫行福壽折盡而死  
性淫壽夭  
造謔語受割舌報  
造淫書目盲而死

### 改過戒淫仍獲福報圖說目錄

改過戒淫除病得子  
改過戒淫勸善得子  
改過向善得回原官  
改過戒淫勸善得舉  
勸戒著作淫詩淫畫良言  
孝淫果報錄跋  
先賢勸世格言聯璧  
簡便經驗良方  
讀孝淫果報錄書後

## 戒色

萬惡以淫爲首，而守貞不淫，即爲萬善之元，是以鬼神鑒察，恒於此處判人善惡，而吾人修身處世，最宜戒慎恐懼者亦在此，蓋貞與淫，乃生死之關，得禍得福，判於頃刻，可不懼哉（戒淫語錄）。

孔子曰，少之時，血氣未定，戒之在色，誠重之也，抑畏之也，蓋人之方少，猶草木之萌芽，百蟲之在蟄，草木當始萌之日，而遂折之，未有不摧枯者，百蟲當藏蟄之會，而忽發之，未有不僵仆者，聖人提醒少年，使其力制色心，悚然自愛，能於此把得牢，截得斷，則他年元神不虧，可成大器，克盡天年，此少年所當猛省（慎獨集）。

淫惡從幾微而起，遏之之法，亦必從幾微，邪念方起時，速自撲滅，略一放寬，則熾盛難息矣，初起即滅之訣有四語，曰律極重，報極

近，禍極速，名極醜，思此四者，打胸頓足，醒然自畏，邪念頓滅矣（遠色編）。

孫畏之曰，妓家雜色蒸淫，毒入肺腑，染之者，小則痼疾，大則喪身，余所見所聞，有聾其耳者，有昏其目者，有半身不仁者，有四肢癱軟者，有毒發在喉失音者，有毒發在指，漸次脫落者，有種毒於妻，致妻終身不育者，或致妻生子無皮，或瘡毒者，種種難記，知命者其戒之（同上）。

凡人最易失足者，只在艷冶當前，勃然難制之一刻，試思閉目不窺，坐懷不亂，於己何損，而可登大魁致顯爵，光祖宗福子孫，此不過片刻操持耳，較之半世青燈，與他途積德者，事半功倍，人胡不思及此耶，況情興勃勃，轉眼成空（事過思之毫無趣味）由此而削籍，由此而奪算，甚或由此而殺身，其害莫甚。

## 孝淫果報錄下卷

新會趙運善棟垣氏選輯  
廣東南海鄭善光樂三氏校正  
南海梁少伋重修並校對

### 文昌帝君戒淫文

蓋聞孽海茫茫。首惡無非色慾。塵寰擾擾。易犯惟有邪淫。拔山蓋世之雄。坐此亡身辱國。繡口錦心之士。因茲敗德隳名。始爲一念之差。遂至畢生莫贖。何乃淫風日熾。天理淪亡。以當悲當恨之行。反爲得計。而眾賤眾惡之事。恬不知羞。刊載淫詞。專談麗色。目注道左。嬌姿。腸斷簾中窈窕。或貞節。或淑德。可敬可嘉。乃計誘而使無完行。若婢子。若僕妾。宜憐宜憫。竟勢逼而致玷終身。既令親族含羞。尤使子孫蒙垢。嗟嗟。總由心昏意濁。賢佞遠親。豈知天地難容。

神人共怒。或妻女酌償。或子孫受報。絕嗣之墳墓。無非好色狂徒。妓女之祖宗。盡是貪花浪子。當富則玉樓削籍。當貴則金榜除名。笞杖徙流大辟。生遭五等之刑。地獄餓鬼畜生。歿受三途之苦。從前恩愛。至此皆空。昔日風流。而今安在。與其後悔以無從。何不早思而勿犯。謹勸青年志士。黃卷名流。開覺悟之心。破色魔之障。芙蓉白面。不過帶肉骷髏。美艷紅妝。乃是殺人利刃。縱對如玉如花之貌。當存若姊若妹之心。未犯者宜防失足。曾犯者務早回頭。更望展轉流通。疊相化導。必使在在齊歸覺路。人人共出迷津。則首惡可除。百邪自息。靈臺無滯。世澤垂榮矣。

## 戒淫聖訓

文帝垂訓曰。吾奉金闕至尊之命。於每月寅卯日。按行酆都地獄。

考定天上有罪人民事實。見夫黑籍如山。皆是世人一生孽案。其間作惡多端。惟淫惡之報。天律最嚴。姦人妻女。玷人閨闥。在地獄中。受苦五百劫。方得脫生。爲騾爲馬。又五百劫。乃復人身。爲娼爲優。設謀造計。姦宿寡婦尼僧。敗人操履。在地獄中。受苦八百劫。方得脫生。爲羊爲豕。供人宰殺。又八百劫。乃復人身。爲瞽爲啞。以卑亂尊。以長亂幼。敗壞綱常。在地獄中。受苦一千五百劫。方得脫生。爲蛇爲鼠。又一千五百劫。方得人身。或在母胎中死。或在孩抱中亡。畢竟不享天年。更有造作淫書。壞人心術。死入無間地獄。直至其書滅盡。因其書而作惡者。罪報皆完。方得脫生。」淫書之爲害。不可勝數。常有名閨淑媛。識字知文。或綠牕畫靜。或青燈夜闌。展卷視之。魂搖魄蕩。不禁慾火之焚。遽成奔竊之行。致節婦失節。貞女喪貞。」更有聰明子弟。秀而有文。一見此書。遂起淫想

。或手淫而不制。或目挑而苟從。小則斲喪元陽。少年夭折。大則瀆亂倫紀。不齒士林。」若夫巧作傳奇。當場演出。教習嬖童。備示淫態。亂人清操。不可勝數。」職其根由。皆淫書所致。奈何士子以夙世之慧根。握七寸之斑管。不思有功於世。積福於身。徒造無窮之孽。干上帝之怒。自蹈於冰淵火坑而不恤。深可悲也。

## 戒之在色賦

以題爲韻

商拜亭

蕩蕩情天。昏昏慾界。智慧都迷。癡呆難賣。亦念夫夫婦婦。正家道以無乖。庶幾子子孫孫。肅閨門而勿壞。如何鑽穴。絕無煩蛺蝶之媒。竟至踰牆。償不了鴛鴦之債。萬惡以淫爲首。金榜森嚴。百殃悉降於身。非徒天瘡。削他桂籍。生前則窮巷空悲。斬爾椒聊。死後之荒塋孰拜。個個中庸記得。九經忘遠色之經。人人論語讀完。三戒忽少

時之戒。」血氣多緣未定。智愚那得不移。和者也。財先可餌。強乎哉。力莫能支。刑於寡妻。破節而故夫暗泣。樓其處子。含羞而新婦群疑。以傭嫗爲易姦。磨而忽聚。以乳娘爲可犯。蠱豈堪醫。美婢調來。獅吼之威都徧受。頑童比及。龍陽之醜更難知。帶肉骷髏。偏喜狎顛狂之妓。低眉菩薩。亦怒不清淨之尼。傳曰。男有室。女有家。無相瀆也。禮云。內外亂。獸禽行。則必滅之。」則有舌上燦花。毫端錯彩。誘人顛墮於邪山。罰爾沉淪於苦海。自詡文人才子。風流之趣語頻翻。遂令怨女曠夫。月下之佳期且待。好談中媾。一言傷天地之和。妄著淫書。萬劫受泥犁之罪。演出橫陳之劇。聲音笑貌。誰則弗思。描來秘戲之圖。袒裼裸裎。焉能不害。酣歌艷曲。魂已蕩而魄已消。僞進仙方。陽可補而陰可採。是皆導入三途。能不孽添百倍。放鄭聲而有訓。此語應聞。思魯頌以無邪。其言猶在。」能勿誨淫

。轉而好德。無思乃保無爲。有物未來有則。想到懸崖撒手。慾火難紅。急從彼岸回頭。狂瀾勿黑。過而能改。福尚可以自求。善也能遷。禍定消於不測。綠衣引去。洪學士之上壽還登。黃榜標來。項秀才之高魁旋得。出乎爾。反乎爾。報應分明。不可追。猶可違。挽回頃刻。罪不加懺悔之人。夢已入清涼之國。非禮勿動。衾影中浩浩其天。反身而誠。倫紀中賢賢易色。」樂爾妻孥。畢其嫁娶。天桃各咏于歸。少艾焉容外慕。鸞幃夢暢。赧顏而人面模糊。鳳管詞新。拔舌而鬼形怒怖。戒得心中如鐵。法網詎罹。色原頭上從刀。殺機已露。生貪有限之歡。殃受無窮之苦。能忍堅忍很忍。便致神欽。視淫意淫語淫。都防天察。奔還要拒。風清月白之吟。烈更須揚。露峽雪江之句。自己閨房之樂。亦莫常耽。他人床第之言。胡堪輕訴。青樓薄倖。休誇縱慾十年。白璧無瑕。祇在閒情一賦。」

(批) 商子拜亭。越中名士也。一夕夢 文昌帝君謂之曰。子有賦才。曷不作戒色賦一篇。  
爲我喚醒世人。醒而爲之。下筆似有神助。字字窮形盡相。言言怵目驚心。願天  
下文人才士。低徊往復之。

南極仙翁戒淫四言詩

天下萬惡	其首曰淫	淫人妻女	怨毒最深	彼夫與父	誰肯甘心
爾有妻室	如鼓瑟琴	天地正義	曰陽曰陰	一亂秩序	報應相尋
人報易測	天報難堪	近報自己	家有醜音	遠報兒孫	娼女盜男
爾亂人室	人偷爾衾	如影隨形	如線引針	勿謂暗室	上帝照臨
陽間漏網	陰律嚴森	或降惡病	牀褥呻吟	疳疔癰疽	瘋癲啞瘖
或絕後嗣	屋宇陰沉	鬼餒難堪	血食終斬	或下地獄	舂碓火燂
刀山劍樹	肉糜血淋	或入畜道	走獸飛禽	生供刀俎	死落釜鬻
凡茲罪孽	自作自甘	追原禍始	或起笑談	一時情動	慾火難禁
或由悅色	餌以重金	三姑六婆	密誘細斟	惟彼婦女	世情未諳
誰無情慾	見利思貪	一入陷阱	飲酖亦酣	公然桑濮	遺珥投簪

及家人知	畏罪生慙	投繯赴海	冤氣內含	爾縱淫慾	彼死難堪
既乖人道	難昧三光	報應之速	爾試細參	一旦猛醒	額汗涔涔
雖悔無及	枉作僉壬	嗟爾男子	當守是箴	獨行畏影	獨寢愧衾
嗟爾女子	毋與士耽	詞色莊重	勿爲驕憨	人能如此	鬼怕神欽
子孫逢吉	福祿如林	如其怙惡	終受灾侵		

## 先賢白話戒淫五字歌

姓名失傳

從來壞風俗	淫字爲最毒	名曰萬惡原	自應防失足	無奈貪花流
心昏兼氣濁	祇顧己風流	不顧人羞辱	處女被渠污	臨嫁遭夫逐
若然淫少婦	累人頭戴綠	更憐寡婦流	守節如松竹	百計巧牢籠
慘被他魚肉	誰知鬼門關	其夫心不服	告準閻羅王	鬼差就到屋
削去佢前程	重要入地獄	何況清淨門	僧尼敢污瀆	齋砵被打穿

佛眼都亂轆

這段歡喜緣

折墮更甚速

可恨那狂且

且音宜輕仇貪  
淫之人曰狂且

不計禍與福

色胆大如天

到處肆淫慾

無論親與疎

不分主與僕

或恃勢強奸

或移花接木

暗算與明欺

務償其所欲

有等墮私胎

死在娘胸腹

有等產私胎

死在娘床褥

冤哉那嬰兒

無辜受慘酷

風流債未完

冤孽債又續

天眼本昭昭

恨煞此淫畜

法律萬難逃

報應如轉軸

佢佔人便宜

人污佢骨肉

災禍一齊來

問佢向誰哭

曷若守禮義

愛身如金玉

女界勿自由

男界須整肅

男女界限清

禮不分生熟

俗語熟不拘  
禮一句切戒

酒乃色之媒

賭更禍所伏

揸攤與抹牌

猜三兼道六

男女勿相嬉

免至入淫局

娼寮不可居

蛋艇不可宿

即如閨房中

都要知約束

樂極會生悲

此語當記錄

尤望飽學人

虛懷時若谷

聽我勸一言

慎勿著艷曲

艷曲與淫詞

百世遭流毒

淫畫宜焚燒

淫戲須驅逐

戒淫先戒心

戒心先戒目

誠恐誤前程

百悔罪難贖 我今述俚言 爲君效忠告 從此急回頭 莫待天誅戮

### 譚恒甫白話戒淫歌

天心惡貪酷	貞淫分糾督	人若墮淫污	天必嚴桎梏	孔聖戒有三
佛祖塵祛六	老子尚清淨	一道樹正鵠	三教理同源	首貴除淫慾
有一戒淫書	名曰不可錄	推論至詳明	不妨一檢讀	檢讀或需時
且聽我一曲	勿嫌鄙俚詞	惟鑒情理篤	昔有一俞生	窮讀隱山屋
日暮有佳人	門前故躑躅	託言慕讀書	願效作高足	俞生驚且憐
夜深女托宿	循循誘善言	佳人深感忸	佳人入睡鄉	俞生懷幽獨
危坐至天明	護送下山麓	節勁似蒼松	心清如綠竹	漠然不動中
不愧服儒服	裕後並光前	賢聲滿邦族	又有一少年	面貌原不俗
八字好安排	前程富衣祿	祇爲濫來遊	習染成污濁	日夕好狎遊

不聽爹娘囑	妄種孽情根	罔自知耻辱	曾欺一少尼	齋砵被傾覆
孽報暫稽時	自應懺悔速	無奈性昏迷	不畏干譴戮	親好進良言
衝冠怒髮轟	因勸反成仇	好人偏不睦	既無懺悔心	反日肆淫毒
罪惡已貫盈	妻亡子不育	衣祿盡消除	疽癰生小腹	鬼厭及神憎
無所施禱祝	孽報無窮期	到頭空痛哭	借鑑此兩人	貞淫須自燭
禍福兩關頭	慎勿輕一蹴	急須守禮儀	愛身如金玉	舉止要端莊
儀容要整肅	勿自作多情	寧貽譏踣促	酒乃色之媒	賭更禍所伏
男女勿相嬉	免使入淫局	娼寮戒狎遊	妓艇休徵逐	花柳病牽連
妻妾斷生育	逢場作興中	仍須時檢束	樂極會生悲	此言應自勗
尤望飽學人	虛懷時若谷	多編勸世書	勿著淫篇幅	篇幅著淫詞
萬劫不可復	圖畫戲劇家	描演毋淫瀆	戒淫先戒心	戒心先戒目
心目若清明	淫魔自退縮	人有悔過心	天自分慝淑	感召之理微

幸勿任剛愎 庶免誤前程 百悔罪難贖 我今述俚言 聊爲效忠告  
從此各相安 大家膺幸福

## 先哲遏淫說

姓名失傳

諸惡業中。惟淫業爲最。蓋淫念一萌。便思邪緣相湊。生幻妄心。設計引誘。生機械心。少有阻碍。生嗔恨心。忌人之有。生妬毒心。奪人之愛。生殺害心。種種善念從此消。種種惡業由此起。此森羅鐵榜。必以淫爲萬惡首也。然而庸夫庸婦。顯蹈明行。罔知顧忌。至學士文人。誦習聖賢。竟爾自號風流。侈談情種。嬌艷無心顧盼。輒視爲有意之凝眸。深閨不無笑言。便揣作多情之勾引。或見其貧。而以財誘。或求不遂。而以巧謀。繾綣則托於夙緣。邂逅便神爲天合。機關不止千般。流毒直兼數世。不思月下花前。爲樂有限。粉白黛綠。轉

眼即空。而惡因日積。顯則傾家蕩產。平生之名利皆虛。陰則削祿減年。一世之榮華喪盡。大則虧體辱親。鄉閭共忿。小則辱身賤行。流落堪嗟。甚至敗露觸兇。而七尺之軀。頃刻作刀頭之鬼。奈世人之溺於此者。動曰何傷。嗟乎。天下受何傷二字之毒者。豈少哉。夫殺人者。殺其一身。淫人者。毒其數世。不獨伊夫閨門不肅。終身難以對人。即上而翁姑。下而子女。莫不恥懸眉睫。痛入心肝。更有夫怒而殺其妻。父怒而戕其女。由是而斬人子息。絕人宗祧者有之。令於孀居苦節。本是一點貞心。鬼服神欽。爾乃眉來眼去。多方引誘。至他痴心一動。不復自持。從前苦節。一時喪盡。罪大惡極。莫此爲甚。至若婢女僕婦。尤易行姦。不知此輩。本屬良民。不過因難投充。以貧自鬻。奈何既役其身。又亂其性耶。或有破殘閨秀。無論醜聲揚播。人所共棄。即或有等娶去。每因敗露逐還。父母含羞。兄弟負恥。

因而氣忿隕命者有之。抑鬱傷身者有之。種種害人不淺。彰彰慘報無窮。生或雷誅炮擊。後嗣不昌。死必苦磨地獄。永墮沉淪。人亦何憾於彼。而必爲此害人害己之事哉。

## 鍾離祖師戒淫歌

誰家少艾顏如玉

鍾情故意撩人目

多少賢豪雖檢束

到此關頭或失足

可憐失足欺幽獨

莫謂罪微猶可贖

豈知天將淫惡錄

載在簿中罰最酷

折汝祖宗遺下福

削汝前生修下祿

損汝悠悠好壽福

斬汝繩繩佳嗣續

罰之不已令變畜

甚至永使墮水族

看此慘報我亦哭

人生何苦迷粉蠟

今勸世人聽忠告

美色來前避宜速

他女原非汝花燭

他妻原非汝眷屬

他女勾汝入他屋

汝莫從他暗相逐  
汝若魂銷無把握  
但想一犯遭冥戮  
心如稿木純無欲

他妻誘汝同他宿  
但恐沉淪墮地獄  
想到此間身骸鯨  
神鬼聞之皆敬服

汝莫同他私相熟  
汝若慾熾難降伏  
自覺心灰如稿木

## 呂祖師慧劍歌

柳爲營兮花作騎  
又有笙歌增氣慨  
任他舉鼎拔山雄  
洞庭疊嶂精神憊  
勸君修德立城池  
誅盡酒魔與粉黛

絕世佳人稱主帥  
殺人妙算是風流  
但與交鋒無不敗  
連年累月不解兵  
不縱不淫守關隘

酒兵日夜苦相爭  
斬將奇謀有恩愛  
力戰筵前氣血衰  
管教性命從茲壞  
一朝煉得慧劍成

## 蓮池大師色淫一筆鈎

貪甚風流。不是冤家不聚頭。但顧淫人婦。能保妻兒否。休，嬉戲逞風流。孽隨身後。報應分明。萬惡淫爲首。因此把美色邪淫一筆鈎。

又

夏賞春遊。歌舞場中樂事稠。煙雨迷花柳。酒肉娛親友。休，眼底逞風流。苦歸身後。可惜光陰。轉眼空回首。因此把風月情懷一筆鈎。

## 朝欄子樂道戒淫嘆詞

嘆無常。嘆無常。一歎無常好淒涼。貪美酒。戀花香。剝喪元陽命不長。美色消枯骨。香膠浸爛腸。花街酒肆客。臨危失主張。閉了眼。

難起床。花不迷人酒不嘗。鋼刀刮骨穿腸藥。多少英雄酒色傷。勸賢良。飲瓊漿。本來面目躲無常。

嘆無常。嘆無常。二歎無常好淒涼。愛飄蕩。喜猖狂。逞盡意與命不長。優遊終日醉。玩耍霎時忘。逍遙遊蕩客。臨危失主張。極快樂。生悲傷。風流多是少年亡。打破迷途歸覺路。悟開極樂返仙鄉。勸賢良。急收藏。修行煉性躲無常。

### 嚴戒子弟提防接受賣瘋論

竊思道傍無甘李之遺。世上有羅網之設。身爲子弟。宜嚴出入之防。份屬父兄。務切叮嚀之戒。近見少年好色。若久渴而長饑。而女子賣瘋。易勾魂而喪魄。無窮機局。曷可勝言。大抵淫媒。豈堪略道。光梳雲髻。堆笑臉以迎人。緩步金蓮。轉秋波而獻媚。或托探親

而失路。嬌聲致問於官男。或乘避雨之機緣。檢衽斜挨於宅首。或叮嚀小婢。却被打以奔逃。或美貌偏房。謬遭凌而遠遯。或遺釵墮珥。假尋贖而媚眼傳情。或失伴孤蹤。望提携以花言挑動。樹巢借棲身之所。桑田求解渴之茶。或遇墟期。僅鷄鳴而趁市。時逢醮會。遊半夜以看燈。拜佛求神。野寺之晨鐘不少。沿河渡岸。荒津之落日更多。倘一入其牢籠。定必狀元高中。若不明其詭計。何須搖扇乘涼。萬種淫邪。誘人落阱。千般賣俏。度爾升仙。然此岸柳墻花。猶或易於察覺。更有深閨內院。每多蹈其迷途。平日素知其人。果係阿誰之女。曩時熟識其面。原爲某宅之妻。晝夜來奔。惟羨文君之有趣。西廂待月。祇憐崔氏之多情。不知朝暮偶行。已遭強暴之侶。羅幃靜守。適逢淫蕩之夫。然此瘋疾新成。試問何由知覺。一旦醉然現面。尚謂無故而來。埋怨家山。何宗祖之不幸。還疑

熱毒。眞夢寐之難醒。百計求醫。空勞藥費。千方至禱。枉炷香煙。由是父母視之如仇讐。妻兒覩之似陌路。同胞兄弟。難思大被同眠。至愛親朋。寧復酒杯相向。往日則群居鄉黨。談笑歡娛。今日則流落荒蕪。飄零寂寞。拗拳手足。逞甚英雄。臭腐形骸。撐何體面。回頭自顧。僅一時之歡娛。屈指算來。竟百年之廢疾。言念及此。豈不寒心。想到其間。眞堪墮淚。況百行以孝爲先。萬惡以淫爲首。縱使偷生苟免。難逃冥報之誅。抑或僥倖圖存。已造彌天之罪。後生小子。宜作嚴規。練達老成。尤當佩服。

### 戒淫十則

閨秀豈容玷辱。一生名節攸關。六親體面沒遮欄。結定冤家不散。縱使臨婚瞞過。隱含羞恥難安。痛纏心骨恨如山。蒙垢千秋莫澣。處女

人孰不思偕老。可憐獨守空房。芳池拆散兩鴛鴦。此後雙飛絕望。死者別無餘願。祇求爲我增光。智欺勢壓太猖狂。終作冤家孽障。孀婦有女皆期得所。守貞待字于歸。只因窮困兩相違。骨肉親情割愛。正望主人厚意。不應欺彼孤婢。百年難保舊門楣。祇恐後嗣不美。婢女僕婦雖然下賤。含羞帶恥心同。入牢無奈強相從。強橫罪惡深重。彼自分明配偶。我當嚴整家風。從來義僕幹奇功。都是主恩感動。僕婦他既爲我鞠子。寧忍因子姦他。終年琴瑟遠違和。祇爲家貧難過。況彼良人在室。望他守節如初。自羞自愧恨如何。勸汝早些看破。乳媪貧窘甘心忍辱。端賴仁者周全。逞財乘急肆淫姦。作孽終身不淺。窮富由來無定。家資聚散如烟。千金難買子孫賢。只恐後來難免。貧婦彼既修行出世。豈容覓趣調情。敗他戒行壞他名。不顧佛家清淨。神目赫然如電。淫孽報應不輕。官刑冥罰兩相乘。真是墮身陷阱。尼姑

有種青樓妓女。倚門百媚妖邪。須知君子愛身家。執玉一般恐怕。彼縱落花無主。我終白璧蒙瑕。破傷財物誤生涯。染毒罹疴禍大。娼妓娶妾祇因嗣續。何須少艾重重。脂紅粉白鬪體工。總是一場春夢。每見富翁多寵。糟糠冷落閨中。倫常乖舛逞淫風。性命攸關實重。姬妾配合原爲正理。豈容顛倒陰陽。污他清白暗羞愴。自己聲名先喪。浪費錢財無算。戕生更自堪傷。請君回首看兒郎。果報昭昭不爽。男色

### 避嫌疑說

禮別嫌疑。所以防淫也。古人同胞兄妹至八歲。即異席而食。況其他耶。內言不出於外。外言不入於內。又況其他耶。竊見近世人家。每有致犯淫穢。皆由防閑不密。內外不分。男女混雜。不嫌不疑。以至釀成醜事。敗壞門風。殊可恥也。蓋嫌疑二字。本作以自制。即所以

制人。家庭之間。此爲鎖鑰。夫淫與水似。稍不提防。則流溢矣。故齊家之法。莫善於別嫌疑。知有嫌疑。則規矩肅然。人自不得而犯。無如近今男女。不顧廉恥。不講禮義。傭工僮僕。出入內房。表姊妹兄弟。長成不避。叔嫂姪孀。時刻閒談。姊夫妹夫。常見大姨小姨。諸凡戚族隣里。相與往來。動引入內。且有託爲通家好友。家中女眷。一切相見。又有婦人女子。竟以面見男客爲大方。更以相聚賭錢爲事業。近以牙牌麻雀盛行全國男女賭不分上下生疎日夜賭不論酒館人家並肩雜坐。不以爲恥。老者如是。少者即從而效之。不嫌不疑。成何事體。大抵男與女相見。始則彬彬。漸而熟習。既熟習。必有長談。且有笑語。有笑語。必生機趣。有機趣。則易相誘。此後遂有不可知之事矣。蓋人總因自己癡愚。以爲斷無此事。而誰知竟有此事矣。以爲斷然不妨。而誰知竟有所妨矣。以爲至親至戚。斷不忍焉。而誰知竟忍矣。以爲至好至厚。斷不爲焉。而誰知

竟爲矣。以爲至卑至賤。斷不敢焉。而誰知竟敢矣。嗚呼。皆由不嫌不疑。故至於斯也。所以人家規矩當極嚴。門戶當極慎。内外要分別。早晚要留心。忙時病時。婚喪設酒時。家主出門時。生辰節令時。月夕花朝時。皆有弊竇。不可不審。防閑檢點。細察情形。邪人遠之。俊僕去之。使婢大者嫁之。三姑六婆絕之。子弟時訓誨之。務杜其根。而泯其萌。至於婦女遠往寺廟燒香。舟車遊覽。觀燈看會。踏月看戲。尤宜切戒。若妻既有子。便不可置姬妾。若家有嫠婦。更宜加意防範。若延師課蒙。及管理記室。慎勿請浮蕩後生。至於家中男婦。各管職業。勤習女工。勿令閒逸。而本原所重。莫先於自修其身。自身既修。則齊家之道。不外是矣。

## 念報應說

天津於淫最嚴。人禍於淫最慘。小則戕生。大則絕嗣。近則削其福壽。遠則灾其子孫。陽則受國憲之誅。陰則干神明之譴。鑑無或爽。數有難逃。況乎天道好還。淫人妻女。妻女必被人淫。壞人名節。名節必被人壞。理所必至。豈妄言耶。故慾念萌動之初。視如毒矢著身。惡蛇螫手。急須刮骨斷腕。始免裂肝腐腸。凡人皆宜凜凜。蓋天地間。凡類於不德者。皆足以失富貴。而莫捷於淫。凡類於德者。皆足以得富貴。而莫捷於不淫。人若猝遇邪緣。分明是我造福之大機會。一富一貴。一與一奪。即在行爲頃刻間。淫不淫之所繫。大矣哉。又曰。姦近殺。洵矣。然言其近。尚是緩辭。予以爲姦未有不殺者。其夫知覺。忿怒操刀則殺。同姦嫉妒。利刀相加則殺。因姦至罪。則王法殺之。幸而漏網。則冤鬼殺之。此數者或免矣。而癆瘵沉錮。灾患臨身。則司命又殺之。男子以有爲之身。置之必殺之地。豈不愚哉。

達摩祖師曰。尿屎渠。膿血聚。算來有甚風流趣。又曰。淫虫最逆天。嚴懲不寬宥。陽律已難逃。陰譴還須受。

陳新子曰。色起於目。目不視。色從何來。色起於心。心不想。色從何發。

高宗憲曰。此身如白玉。一失脚便破。此事如鴆毒。一入口即死。

戒淫法曰。他誘我殺身。破家。損壽。折福。實害我身家性命的禍事。該把作殺人利刃看。作雪山坑坎看。作虎狼看。作蛇蝎看。作勾魂鬼使看。作生前怨懟看。若作如是等看。猶如將水救火。未有不熄者。

### 蘇東坡題江上女屍詩

江上臭皮囊

當年桃花面

而今不忍看

昔日恨難見

## 戒看淫書春宮詩

淫書春冊不宜留

敗壞恒心造孽由

誤落妻房兒女手

千般貽害實堪憂

## 戒作淫詞艷曲詩

艷麗詞曲誨人淫

裸體翻教入獸心

罪惡通天無可逭

魂歸萬劫律難堪

## 普通戒淫詩

淫人妻女笑呵呵

妻女人淫意若何

不欲人淫妻女報

急將淫念立消磨

勸君莫借風流債

借得來時還得快

家中自有代還人  
幾個惺惺幾個苦  
二八佳人體似酥  
暗裏催君骨髓枯  
一旦臥病悔噬臍  
多少英雄喪魂魄

汝若賴時他不賴  
夜來鐵漢自思量  
腰間仗劍斬愚夫  
世人何可執偏性  
縱有良醫藥不應  
若能跳出這牢籠

生我之門死我戶  
長生不老由人做  
雖然不見人頭落  
酷貪花酒傷生命  
酒色財氣催命冊  
便是九霄雲外客

### 明趙解元勸貞詩二十六首

我曾失足走危坡  
妻安子育中高科  
因吟偶句逢人勸  
百計營求圖一歡

子天身貧妻久疴  
才子風流不乏人  
說法何妨我現身  
汝女汝妻人若誘

一旦猛然真悔悟  
暗中折算每沉淪  
他人妻女想多般  
斯時君必髮衝冠

雖無其事有其心  
福消祿減禍駸駸  
心術不端輕薄相  
淫情顛倒總由心  
倘遇佳人勾引時  
乏嗣翻教育貴兒  
脂粉花香蜂蝶醉  
不謹閨門名節捐  
楚館秦樓勢利場  
況遇瘋娼染惡瘡  
漫說宿娼無罪過  
設緣設會喜相從

情動神馳意不禁  
入人家室見無人  
若非短命必奇貧  
秋波不轉心如水  
果能鎮定有操持  
看燈看戲看迎神  
風流應不動端人  
白璧有瑕磨不淨  
金多金盡見炎涼  
每沾花柳最淒涼  
這般薄罰已難當  
誰知邪合終多變

不斷邪淫神鬼怒  
竊聽偷窺理智昏  
淫慾機關全在目  
情慾何由得間侵  
賤庚轉貴貧旋富  
遊寺遊山遊景春  
坤儀德行節爲先  
香閨遺臭萬千年  
殷勤情意皆虛假  
妻子相傳盡受殃  
氣合情投兩意濃  
禍結冤深法不容

若人勾引一孤孀  
崢嶸獨子忽云亡  
貞者失貞節改節  
太過相逼累捐身  
楚楚衣冠號丈夫  
志喪神迷血髓枯  
只爲一時難忍慾  
本錢還盡利回環  
我淫人婦婦淫人  
妻孥媳婦愛迎新  
防範愈嚴償愈巧  
森嚴密布伺人身

精氣銷磨體倍傷  
用強用計用財挑  
這般罪過萬難消  
冰魂雪魄逢神訴  
兩間正氣賴撐扶  
損名喪品壞心田  
終身慘受苦無邊  
勸加莫借真高著  
天理循環報應真  
任君法密善關防  
君方竊玉彼偷香  
知君巧計多遮飾

作事多乖少如意  
人縱能饒天不饒  
世有貞心烈性人  
人禍天災頃刻臨  
一沾邪行成消沮  
嗣絕官非又減年  
債借風流妻女還  
免致神祇督索難  
曾見風流乖子弟  
曾借風流債必償  
司命三台日夜巡  
暗室難欺鬼與神

天道從來最禍淫  
生死關頭細酌斟  
鴆酒豈堪求止渴  
世界三千本色空  
孰無天理與良心  
禎祥立現福星臨  
只爲清操能固守

果能悔罪轉天心  
清心寡慾在平時  
光明正大好男兒  
當可亂時能守正  
最忌多情陷溺深  
位高金積壽如仙  
終身安享福綿綿

悔須改過還遷善  
堅守臨期凜四知  
禍淫福善自天公  
姓名直達太虛宮  
見此良言如誓戒  
子貴孫榮孝且賢



以下戒淫圖說

醫生  
拒淫  
裕後

詩曰  
見色心怦屬  
少時  
連呼不可最  
難持  
座師棄卷聞  
斯語  
榜發登科子  
未知



## 醫生拒淫裕後

餘杭陳醫。有貧人病危。陳治之痊癒。亦不責報。後因陳避雨到其家。其姑令婦伴宿。以報醫恩。婦唯唯。夜深就之曰。君救妾夫。妾此來乃姑意也。陳見婦少而美。亦稍動心。隨力制之。自語曰。不可。婦強求之。陳連聲曰。不可不可。惟坐以待旦。後幾乎不能自持。又大呼曰。不可二字最難。等待天明乃去。後陳有子應試。主試官棄其文。忽聞呼曰不可。挑燈復閱。又再棄之。復聞連呼曰。不可不可。最後決意棄之。又聞大呼曰。不可二字最難。連聲不已。試官見此情形。謂其中必有陰德。因以錄之。榜後召問其故。其子亦不識解。歸告老父。父曰。此我壯年事也。不意天之報我如此。

醫生拒淫天賜官錢

詩曰

醫術精深著品題  
不因急難亂人妻  
官錢五萬由天賜  
疾癒東宮數合齊



## 醫生拒淫天賜官錢

何澄。以醫著名。同郡孫某。久病不愈。邀澄醫治之。其妻密語澄曰。良人久病。典賣殆盡。願以自身酬謝君勞。幸勿見棄。澄正色卻之曰。娘子胡為言及此。但請安心勿憂。我當為你療治。但慎勿以此言汙我。而且先自汙也。其妻慚感而退。是夕。夢一神引至公署。主者曰。汝行醫有功。且不於急難中亂人婦女。今奉上帝命。勅賜汝官錢五萬。未幾東宮太子得疾。下詔徵澄醫診治。服藥一劑而愈。厚賜官錢悉如夢中之數。

還妾  
代債  
添丁  
及第

詩曰

買妾歸來妾有夫  
明心夜往宿夫廚  
還妻完聚兼償債  
及第生男現報符



七十老人馮誠

## 還妾代債添丁及第

德清舉人。蔡啟傳。四十尚無子。夫人私蓄五十金。為置一妾。及妾至。垂泣不已。公問其故。妾曰。吾夫以負營債。迫妾至此。公大驚曰。原來有夫之婦。囑咐夫人。明早將妾送還。公即乘夜往其夫家。語其夫曰。爾何為此。髮妻豈可賣乎。妾夫曰。欠巨營債。刻不容緩。莫奈何耳。公曰。吾當代還爾債。並還爾婦。身金不必還我也。我今不歸。以明我之心跡。遂宿其夫家。明天未曉。則見蔡宅著人送其婦回。夫妻悲喜交集。於是感公高義。叩頭不已。公回歸後。明年及第。夫人亦生子焉。後代熾昌。富貴接踵而起。

避色得貴

詩曰

不淫寓婦有

神知

正氣巖巖志

莫移

豈料中途趨

避際

恰逢天榜補

名時



## 避色得貴

松江曹生。往應試。寓中忽有婦來就。曹生驚甚。趨往他寓借宿避之。行至途中。見燈火喝道而來。入古廟中。擊鼓升堂。曹因伏廟前。聞殿上唱新科榜名。報至第六。吏即稟曰。某人近有短行。上既削去科名。不知應補何人。神曰。松江曹生。不淫寓婦。正氣可嘉。即以其名補之。曹且驚且喜。仍半信半疑。迨開榜後。果中第六名。拒色之靈驗。有如此者。

拒淫得貴

詩曰

美妾來奔夜館空

儒生正氣

塞蒼


穹

不

欺暗

室神嘉許

魁首名標蜀榜中



## 拒淫得貴

希仲。四川人。飽學之後。設館於某富家。但富人室中。有一美妾。自負才色兼優。詣館調戲希仲。而仲正色拒之。其妻是夕夢神來告曰。汝夫獨自一人。且遠處他鄉。能不欺暗室。其當魁多士。以彰美報。特先告汝知。次年入蜀闈。鄉試果第一。此可知戒淫為世間莫大之功。天必厚報也。

遠色昌後

詩曰

月白風清送

扁來

幾經老父費

疑猜

豈知詩句明

心志

進士成名仕

路開



## 遠色昌後

太倉陸公。容儀丰美。天順三年。應試於南京。惟館人有女。夜竟奔公寢。公給以有疾。與約期後夜。女退。公遂作詩云。風清月白夜窗虛。有女來窺笑讀書。欲把琴心通一語。十年前已薄相如。明晨託故而去。是秋遂得中式。先時公父。夢郡守送旗扁鼓吹。扁上題月白風清四字。以為月宮之兆。作書遺公。公益悚然。後成進士。仕至參政。

戒淫  
天賜  
狀元

詩曰

紙窗補訖拒

淫奔

題句銘心本


至言

異日大魁天

下仰

當時狀扁早

懸門



## 戒淫天賜狀元

唐臬。少時讀書燈下。有妙齡女調戲之。將紙窗搗破。以不正氣之態度窺公。唐臬將其破窗補回。題云。搗破紙窗容易補。損人陰騭最難修。自此以後。不見他有異樣矣。後遇一僧過其門。見門楣上有狀元及第之扁。左右有一對似聯而非聯。且兩便高懸一燈。書所題之二語。怪異而問之。迨詢得其情。知因果確有據。及後果大魁天下。

遠色  
福蔭  
兒孫

詩曰

托故歸家館

席辭

保人名節鬼

神知

存心忠厚兒

孫蔭

奕世功名報

未遲



## 遠色福蔭兒孫

姚三韭。本姓卞。博學。善詩文。館於懷氏家。有女常窺之。卞岸然不顧。一日。晒履於庭。女作書納其履中。卞因得之。即託故以辭歸。袁怡杏作詩贊之。有「一點貞心堅匪石。春風桃李莫相猜」之句。卞答袁書。力辯其無此情。怡杏緘其書而題曰。君德至厚矣。子孫必昌盛。後其子湛。與曾孫錫。皆成進士。此亦得保全人貞節之報也。

拒淫  
天賜  
科甲

詩曰

士重廉隅女

節貞

心存正氣合

神明


香山中得無

情鬼

私語聲聞白

玉京

(按) 白玉京即玉帝京城也。



## 拒淫天賜科甲

黃槐森。香山人。聰明俊秀。家貧。授徒為業。咸豐十一年六月。縣內一學堂。延乩請仙。問今科中式何人。仙批曰。香山中得無情鬼。喧傳遠近。不得其解。公之館僮聞之。而知公之必登第也。初公設館於某處。鄰有少婦。見公英年玉貌。心甚悅之。私問館僮。爾師愛食何物。僮答以柑。少婦次日買柑。托僮饋送。公以事起無因。卻辭不受。婦親奉至。公再卻之。婦乃剖柑皮。裝飾鄭重。僉僮再三贈獻。公令館僮語少婦曰。女重貞節。士重廉隅。汝與我主無親。何其頻頻奉獻。汝不是懷藏好意。我主亦非無賴之徒。汝若再來。定必閉門不納矣。少婦羞慚切齒曰。無情鬼。其後不復饋柑矣。感公嚴正。改行從善。是科辛酉。入闈赴考。榜後果中舉人。連捷進士。殿試點翰林。無情鬼三字。出於少婦私忿之言。而天地鬼神。共聞其語矣。

拒淫  
隱惡  
狀元  
及第

詩曰

杯中有約暗藏金  
夜半敲門主母臨  
避地全貞終隱惡  
狀元貴顯世咸欽



## 拒淫隱惡狀元及第

無錫。孫繼臯。就館於某家。惟主母有異心。遣婢送茶一杯。杯中暗藏有金戒指一只。公佯為不知。令婢收去。是夜婢帶主母來叩門。細聲告曰。主母到矣。公見事急。以大板頂門不納。候天明而歸。隱瞞不洩。人問其故。孫曰。生徒冥頑。不受教也。終不露其惡事。後中狀元。子孫相繼顯貴。

拒淫  
功名  
壽考

詩曰

大茅

美婢無端戲

原高

讀書守禮品

顏子

平生四勿師

自豪

名壽雙膺足



## 拒淫功名壽考

茅鹿門。弱冠游學餘姚。寄寓錢應揚家。錢氏有美婢。慕茅之丰姿。一夕。至書室呼貓。鹿門曰。汝何獨自一人來呼貓。婢笑曰。我非呼小貓。乃呼大茅耳。鹿門正色曰。父命我遠出讀書。我若行非禮。他日何以見吾父。更有何顏見汝主人。況女子未嫁。而失身於他人。為終身之大辱也。婢慚而退。茅後登嘉靖年戊戌科進士。官至副使。壽享九十高年。

拒淫  
奔父  
子顯  
貴

詩曰

夜閉蓬門苦

讀書

鄰家少婦慕

相如

鬼神羅列心

知畏

喬梓高科播

令譽



## 拒淫奔父子顯貴

信州。林茂先。才學過人。已獲鄉薦為孝廉。奈家極貧。仍閉門苦心讀書。忽有鄰家富婦。厭其丈夫不學。私慕茂先才名。夜往奔之。茂先呵之曰。男女應有別。禮法又不容。天地鬼神。森嚴羅列。我不敢為此曖昧之事也。婦慚知悔。唯唯而退。茂先次年登第。子亦進士。家聲為之大振。

避色  
狀元  
及第

詩曰

幾度東牆險

欲騎

翻思天鑒不

容欺

狀元將失終

還得

端賴惺惺一

念持



## 避色狀元及第

嘉靖時。有一書生貌美。東鄰亦有豔婦。雅愛之。乘夫出。乃於牆隙招生。生言牆阻。婦曰。君讀書。豈不聞踰東家牆乎。生竟心動。乃置梯而上。忽轉念曰。人可瞞。天不可瞞也。因下梯。婦又於故處勾引。生再為所惑。復上梯。騎牆欲過矣。再思老天終不可瞞。急急下梯。扃門避出。次年登第北上。典試官秉燭夜坐。自思今科狀元。係屬何人。在假寐中。忽聞耳畔言曰。狀元乃騎牆人也。放榜之後。狀元來謁。詢之。始悉前事。不過當時忍而改念。堅守一時。竟有如此福報。若過其牆。則狀元失矣。危殆乎哉。

無淫  
念廢  
卷得  
中

詩曰

坐懷不亂

等前賢

廢卷成名

報自天

出婦王生

離復聚

更將小妹

續琴絃



## 無淫念廢卷得中

攬村。庠生柳公。因探親遇雨。投宿荒園內。惟先有一少婦。躲雨在其中。公見之。竟夕無異志。拱立庭邊。至曉而去。豈料其婦。乃庠生王某妻也。感公盛德。以語其夫。夫反生疑而出其妻。後公鄉試。其文已置廢卷中。頃忽仍在桌上。考官驚異。細閱其文。了無佳意。再復廢之後將薦卷呈堂。而公卷復在內。因想此人必有陰德。即一並呈薦之。遂中七十一名舉人。而王生適與同房。及晉謁時。王亦在坐。師言及廢卷之由。且詰其當日事故。公念別無他事。祇舉荒園避雨一事對之。王生感甚歎息。歸迎其妻完聚。且以其妹為柳公續絃。

益人  
正益  
己

詩曰

洞中避賊

美同栖

戒友淫汙

禮以齊

一夜保全

閨節女

後知適是

未婚妻



## 益人正益己

福建。張文啟。偕友周某避賊。入石洞中。先有一美女在焉。女見男子至。倉惶欲出。張曰。去必遇賊。我等正人。汝勿擔憂。問其里姓。含羞不答。及至夜候。周欲迫汙。張力阻之。及旦。張挽周出。意在安其少女也。迨探賊已退盡。乃邀鄉老入洞。問少女之父母。適是張所聘妻黃氏也。急求鄉老送歸。及合卺後。張謂妻曰。我當日若不存正念。難禁周不汙汝。孰知一夜堅持。保全汝之貞節。方有今日。自今思之。令我心悸。及後生子。皆發達顯貴。所謂益人正是益己者也。

節婦  
斷髮  
制強

詩曰

少年守節苦

居孀

俯育孤兒仰


事嫜

斷髮誓天寧

一死

貴人媒賄勢

難強



## 節婦斷髮制強

常州范氏。年少守寡。遺兒一歲。老姑七十。家貧。日夜紡織。養姑撫子。有某舉人失偶。見其婦美。欲娶之。使媒探問。范氏曰。姑老子幼。何忍分離。況婦道從一而終。未敢失節也。舉人心未息。重賄媒人。慫動其父母。恐嚇其家姑。范氏力窮勢迫。無可如何。惟有哭泣終天。一日。媒人又到。言論紛紛。范氏憤火中燒。即將頭髮剪落。對天誓曰。舉人是富室。及有功名人。何愁無人嫁之。若再恃勢強迫。惟有一死而已。媒人見其節烈如此。遂去不復來。未幾舉人暴疾死。范氏後得子貴。共享晚福。子孫繩繩。書香不絕。

節婦成仙

詩曰

餓鬼甘留節

婦名

詎堪失節枉

偷生

沒寧存順均

無憾

節孝登仙志

竟成



## 節婦成仙

懷南方瑞玉。妻胡氏。貌美。家極貧。生一子。年二十三。夫死而寡。多有富人欲娶之。胡氏曰。我願做節婦餓鬼。流芳百世。不願做失節富婦。遺臭萬年。聞者慚去。時翁姑皆已死。太婆尚在。胡氏日則紡織。夜則刺繡。忍饑受寒。以求升斗。自食糟糠。奉養太婆及孤子。必具肉食。嘗謂人曰。我夫身後之憂。惟太婆與孤子耳。敢不盡心孝養。竭力撫孤。以安良人於九泉乎。人多憐之。爭相幫助。家計由是有賴。左右鄰居。嘗兩次失火。胡宅獨全。人皆謂節孝之報。後子長成。業商發達。竟成富室。氏享高壽。其歸世日。有人見仙童玉女。持寶蓋長旛接其上天。從來節孝。死而為仙。信不誣矣。正所謂艱難幾十載。快樂千萬年者此也。世之守節者。尚祈勉之。



以下犯淫禍報圖說

詩曰

世家縱慾妄宣淫  
破產飢寒疾病侵  
屢受官刑終絕嗣  
死無棺葬殮無衾

縱淫  
破家  
絕嗣



## 縱淫破家絕嗣

雲間呂某。世家子也。其父母過於姑息。向來不加約束。遂令其子一生縱情淫慾。其婢女及家人。恆多被其汙壞。已成痼疾者。迨後子女死亡殆盡。又以官事破家。身受官刑。中年備極困苦。寒無衣。饑無食。疾病無人看視者。臨死之日。棺衾無措。蛆蟲遍體。見者無不慘然。皆云少年無行而有此報。

淫尼  
立受  
慘死

詩曰

幾生修德薦於鄉  
爲叩宗師謁本房  
偶悅少尼強迫脅  
忽然嚙舌割其陽



## 淫尼立受慘死

晉江。許兆馨。戊午科舉人。因往謁本房座師。偶過尼庵門前。見一少尼。婷婷玉立。心甚悅之。遂以新科舉人之勢力。威脅於她。竟將少尼強汙焉。次日。許某在家中。不知何故。忽自割其陽具。並齧舌兩斷。而至慘死。嗟夫。淫為萬惡之首。已犯彌天之罪。不容於誅。而況威迫持齋之尼姑。宜乎其受報之速也。

通姦毒夫  
受刑誅

詩曰

私奔有

約爲通姦

毒殺良

人豈等閒

冤鬼緊

隨駢首戮

終難逃

禍到江山



## 通姦毒夫受刑誅

滁陽。王政勤。與鄰婦通姦。且有偕奔之約。鄰婦因此毒殺其夫。王聞之大駭。即獨身逃至江山縣。相距有七十餘里。以為禍可脫身矣。因饑入店食飯。店主供具二人食。王問其故。店主人曰。此披髮隨汝來者非人耶。王大驚失色。知冤鬼相隨。但自思殺夫者。其婦也。我不過與婦通姦。我諒不至於死。乃到官門自首。官怒。男女並行誅之。

犯淫  
削祿  
減年

詩曰

虔誠奉帝印心心  
誤誘良家淑女淫  
索印已完兼索命  
未踰一月遽歸陰




## 犯淫削祿減年

宿松楊某。邑庠生。平生奉祀關帝。極其誠敬。嘗於某夜夢見關帝。賜以一方印。因以喜甚。自度今科必得功名。詎料心歡一時。稍一放縱。竟向樓下淫一良家女。及場後歸家。復夢關帝目裂眉疵。向彼索回方印。楊某云。印已授我矣。又何討索焉。帝曰。不止索回印。且兼索汝命。某月樓下之奸淫事。汝豈忘記之乎。楊某詞窮語塞。竟不一月而死。嗟乎。天律森嚴至此。人生切戒邪淫可也。

姦妻  
謀夫  
受雷  
誅

詩曰

歸田武斷勢堪虞  
計賺鄰妻截殺夫  
同族鳴官雖賄脫  
郭門甫出被雷誅



## 姦妻謀夫受雷誅

常熟有錢外郎者。家居武斷。隔鄰有趙氏婦。色美而家貧。錢某遂乘此機會。借銀與其夫。令販布於臨清發售。藉此與婦通姦。一日。錢某知其夫返。遣人詐為強盜。毒殺其夫於途。以絕後患。迨族人知之。控錢於官。官將執法伏罪矣。錢又恃其財勢。揮金越訴。竟得而倖免。方步出法庭時。忽狂雷暴雨驟作。兩條淫虫俱被擊死。

騙財  
色即  
受雷  
誅

詩曰

乘機騙色并

資財

新婦羞慚縊

自哀

公案無頭難

訪察

豈知顯報有

天雷



## 騙財色即受雷誅

玉山邑庠生王某。乘母喪納婦歸。約以喪完七盡成禮。照此母喪納婦。實為舊禮教所不能容。宜乎其有婚變也。一日。王生夜寢柩旁。而婦宿於房內。忽微聞扣門聲。婢以為新郎至。稟告新婦放入。遂同寢息。五更起身遁去。且曰。我恐外人知。罪我不孝也。越數日。探得金銀首飾小箱。攜之而出。竟不復來。迨喪事畢。王生大排酒席以成婚禮。夫妻相與言談時。新婦方知為人所騙。於是頓足痛哭。歸告父母。然後自縊而死。臨會葬之日。王生引棺至墓。忽而雷電交作。攝一人跪於棺前。則王生之堂兄也。其手捧住首飾箱。被雷擊死。並碎其屍。邑人聞知。皆驚為快事。此明季正德九年事也。

謀友  
妻被  
虎噬

詩曰

結交相善富和貧  
誰料陰謀賺美人  
騙婦殺夫遭虎噬  
夫妻完聚訴原因



## 謀友妻被虎噬

荊溪二人結交相善。一富一窮。窮人妻美。富子設計謀之。謂有富家親戚。可介紹求生計。買舟並載其妻以行。將抵山。乃謂曰。留汝妻守舟。吾與汝先往詢之可也。及引至林中。出腰斧斬死其友。佯哭下山。謂友婦曰。汝夫死於虎矣。婦遂大哭。富子又誘婦上山尋屍。引入深處。抱而求淫。婦拒而不從。忽有虎出。齧富子而狂奔。婦驚而走。以為夫真落虎口矣。繞路而回。過林中。見一人坐地呻吟。行近視之。乃其夫也。各言其故。轉悲為喜。扶夫落船而歸。

架禍謀娶  
受天譴

詩曰

商悅孀嬌動

渴思

百端誘餌繼

官司

神明可格貞

難犯

黑虎啣頭悔

已遲



## 架禍謀娶受天譴

宜興有染坊。中有孀婦極美。木商見而悅之。誘餌百端。婦之正氣。終不能犯。因而造出不良之計謀。以害節婦。於是夜擲木數根於婦家。誣以盜竊罪。告官。又賄賂上下人。極其窘辱。以冀節婦曲從。但婦家虔祀趙玄壇。乃將被害之事哭訴之。夜夢神曰。已命黑虎助汝矣。不數日。木商入山販木。叢柯中突出黑猛虎。齧斷木商之頭而去。

逼孀  
現報

詩曰

追孀作妾

還強豪

爭奈轟轟

節烈操

明府鏡懸

冤代雪

諸奸賄受

報難逃



## 迫孀現報

吳江有張士柏。妻陳氏。性節烈。少寡而艾。兄士松。謀賣於里豪徐洪為妾。兄度其志不可強。乃設計擄之入徐家。陳氏大怒。痛哭不從。欲絕粒以尋死。陳父聞之。訴訟於縣。徐洪賄縣不理。再訟於府。府官傳訊。陳氏泣訴苦情後。即行自刎。束手直立。張目怒容不釋。府尹下堂揖之。許與雪冤。其目乃瞑。即鎖士松徐洪兩人到案。訊得實情不虛。立斃杖下。縣令被革。返省即死。其各受賄附惡者。或死或盲或顛。無一人幸免焉。

先受  
姦刑  
後誅  
棄

詩曰

先姦後棄

沒天良

登第居官

坐受賊

兩點冤魂

常入夢

紅夕綫頸

報彰彰



## 先姦後棄受刑誅

順治年間。嘉興錢某。未登第時。館於鄉民某家。有少女年十七。適遇清明拜掃。舉家皆往。留女看守家庭。錢某遂與私焉。後女之腹漸大。父母詰之。女以實告。鄉民以錢未娶。欲將女招贅之。以掩其醜。因對錢備言其事。錢某故作色曰。汝女之不正。將欲汙人耶。鄉民大忿。歸責其女。女遂自縊。迨後錢某屢夢此女。抱子立於其前。及登第後。授江寧司理職。因貪贓議問絞。命下之日。復夢此女以紅巾拽其頸。次日即正法焉。

犯淫下第

詩曰

命中應得

首魁鄉

天榜除名

實可傷

只爲一通

舟子女

終身潦倒

困文場



## 犯淫下第

龍舒劉堯舉。買舟出城就試。舟人有女。頗具姿色。劉數調戲之。但無由得間。及至考二場時。出院甚早。適舟人入市買物。留女一人看守其舟。遂得與女通。是夕。劉父母夢神告曰。汝子應得首選。偶因行為不正。天榜遂除名矣。及發開榜。果中以解元。因違式見黜。劉大悔恨。後竟終身不第。

強姦  
美女  
受兵  
戮

詩曰

少年官裔

有才名

設計強姦

女命傾

每試輒逢

衣血鬼

畢生不第

戮遭兵



## 強姦美女受兵戮

宦裔徐生。年少有才名。窺鄰女美麗。誘妻賂使刺繡。使女頻往來其家。一日。生匿於榻後。妻佯出視庖。生乘時出以強姦之。及事覺後。女之父母憤怒。迫女自盡。免辱家門。迨生每試。輒見女鬼。披血衣而來。因之終身不第。後且為亂兵所殺。噫。淫之一字。確夫報應不爽也。

謀婚  
害命  
極刑  
而死

詩曰

求婚表妹事無成  
賂竊鞋囊造醜聲  
謗令離婚償已願  
哀哉一命報非輕



## 謀婚害命極刑而死

袁州屬縣。有鄭生者。美秀能文。舅父有女豔而淑。鄭生悅之。屢求為婚。舅父弗許。且既諾鄰邑蕭氏之聘。祇因以婿病篤。是以逾年未嫁。鄭生重賂女之婢。竊其唾鞋香囊。以示蕭之內戚。欲破壞其婚姻。言女與己有私。蓋計蕭知之後。必當離婚。及既離婚。我然後可求而得之耳。蕭得聞譖。仍然疑信相半。使人詰女之母。女聞謗言。不勝其憤。即取利刃一揮。命隨腕絕。父訟之官。邑侯某公。廉得其情。捕鄭拷訊。盡知其中黑幕。將鄭備極五刑而死。此康熙丙午年之事也。

騙財  
色受  
慘報

詩曰

久爲衙役罪盈身  
騙色漁財擱犯人  
一慟犯亡東嶽告  
死歸冥案舌頭伸



## 騙財色受慘報

江寧人劉某。為衙門之差役。有一犯人問罪收禁。但須十餘金。可以贖罪放歸。犯人託劉到家。與妻商議。妻頗有色。劉欲姦之。妻以夫之性命。賴劉某以扶持。勉而從之。隨賣其女得銀二十元。盡交劉為贖夫之罪使費。劉乃持金自用。不為犯人文納。其妻以為有銀交官。夫可計日而歸也。候數日絕無音耗。即使人前往探問。因言其故。犯人忿甚。一慟而亡。旬日劉差忽寒熱交作。自言某人在東嶽控告。即刻要審。伏席哀號。且云該死。須臾舌頭伸出數寸。一嚼而粉碎。血肉淋漓而死。

因姦 致命 折祿 減年

詩曰  
有文無行古  
箴言  
害命淫人豈  
作元  
驚醒王司仍  
碎卷  
張生愧死自  
栽冤



## 因姦致命折祿減年

張安國。有文學而無行。嘗淫辱一鄰女。致女死於非命。及後應試。主司官奇其文。欲取錄為狀元。忽聞空中叱之曰。豈有淫人害人之敗類。而拔作榜首者耶。主司官忽撲地。迨後回甦。細視其卷。已為風吹落地。穢汙且裂爛矣。放榜之後。主試官呼安國來。告其情形。安國慚愧發狂而卒。

納婢  
作妾  
屈死  
折福

詩曰

明明納婢有何妨  
屈死無如正室強  
屢控冥司天榜削  
判官來告始知詳



## 納婢作妾屈死折福

江寧庠生郭亨。己卯入場。當未放榜時。有友楊生謂之曰。我近為陰府判官。知君該中五十七名。但因汝自養一婢。先姦後娶為妾。為汝正妻苛待。受屈氣而致死。她因屢來控告。終以此孽除君名。汝妻更受天之譴責也。郭初聞之不信。及領回卷出來。知本房已入呈薦列。郭乃大悔恨焉。郭亨本一生忠厚。只因此事不慎。竟要潦倒終身。妻卒盲目兩年而死。

屢犯  
淫行  
福壽  
折盡  
而死

詩曰

玉印躬膺始降生  
狀元宰輔享尊榮  
只緣淫案累累積  
壽祿清除莫問名



## 屢犯淫行福壽折盡而死

李登。年十八中了解元後。至五十歲仍不第。詣葉法師問原故。師轉叩文昌帝君。帝君命吏查籍以示曰。李登出生時。上帝賜玉印。十八發解元。十九作狀元。五十二位居右相。奈其得舉後。私窺鄰家女。事雖不諧。而繫其女父於獄。以此失德。改遲十年。降為二甲。繼又侵兄屋業。至形於訟。又再改遲十年。降為三甲。後於長安邸中。淫一良家婦女。又加改遲十年。今又盜鄰女王慶娘。其為惡不悛。祿籍殆削盡。今並死期將至矣。法師歸以盡告。登遂愧恨而死。

性淫壽夭

詩曰

讀書成誦目

才過

汨汨文思湧


若河

爲憶美人忘

寢食

聰明子弟中

風魔



## 性淫壽夭

南海。盧從翰。名家之子也。幼時讀書。過目成誦。為文如行雲流水。不用思索。一氣呵成。人以大器期之。一日往觀競渡。見一美女。歸而渴想。作詩云。苦憶常忘寐。愁思每廢餐。寸心無所好。只是愛紅顏。其師見案上詩。歎曰。好好一個聰明子弟。今不幸中了風魔。後竟因色慾過度而死。

談人  
閨闥  
潦倒  
終身

詩曰

藻思素仰

善良人

已酉闈文

妙入神

怪現三場

汗卷面

好談閨闥誤終身



## 談人閨閫潦倒終身


江南一書生。文有藻思。行亦無他。但素性好談人閨閫之事。己酉科入闈。至三場給燭時。忽見卷面上。刻有好談閨閫四字。生急以手擦之。不意一用微力。而卷面已擦破矣。後視硃卷七篇圍滿。擬中經魁。因無三場之卷。不能備錄。自是潦倒終身。噫。好談人閨閫。亦有此果報也。可不慎歟。

（按）：閨閫乃指男女之隱私事也。

造謔  
語受  
割舌  
報

詩曰

多才博學最工詩  
信口成章善謔時  
巧極令人彰醜惡  
引刀割舌病無醫



## 造謔語受割舌報

明季。有秦生者。博學多才。尤工於詩。但好作謔語誚世。或見人形貌不揚。見面而一詩立就。聞人作事好笑。入耳而一歌已成。凡事繪影繪聲。窮工極巧。一經妄測妄度。難以分明。因此困阨連年。終其身而不改也。一日。忽病瘧發狂。自啖其糞。並取刀強割其舌。自尋慘死。此所謂澆漓刻薄之報也。

造淫  
書目  
盲而  
死

詩曰

造書流毒誨

人淫

神責知非起

悔心

子歿家窮仍

付梓

目盲瘡惡指

連侵



## 造淫書目盲而死

維揚某生。不慕讀書之正途。而造一誨淫之書。書成之後。夜夢神責罵之。及睡醒。已深自悔。遂止而不問世。後因其子夭折。家計又窮。仍將淫書稿付梓。明知故犯。不畏天譴。未幾雙目失明。手生惡瘡。五指俱連而死。想淫書淫畫之遺毒。及天怒人怨而不知。今觀維揚生。當知自警矣。

造淫詞吐  
血死子孫  
不昌

詩曰

書成

水滸筆翻新

姦盜

描摹肖寫真

已墮

靈魂歸地獄

子孫

三世啞難伸



## 造淫詞吐血死子孫不昌

施耐菴。作第五才子水滸傳。膾炙人口。至累後世億兆之人。爭相購閱。陷入情網而不覺。其中姦盜之事。描寫如畫。殊不知誨盜誨淫。罪大惡極。終至吐血而身死。不特自己死入地獄。仍要子孫啞者三世。嗚呼。文字之獄。可謂慘矣。

堪嘆世上讀書文士。博學名流。不著忠孝善文勸世。以立奇功。偏造淫詞小說惑世。以招罪孽。其愚真不可及也。



以下犯淫改過仍獲福報圖說

改過  
戒淫  
病除  
得子

詩曰

犯淫得療已經年

誓改前非

善日遷

刊送經文

陰騭廣

連生三子疾俱痊



## 改過戒淫病除得子

華亭張某。少年多淫行。生二子二女。皆不能育。後得瘵疾。經年不愈。偶見丹桂籍註案中。淫報彰彰。不勝悔恨。遂在神前立誓。嗣後永戒邪淫。復刊陰騭文廣送。以補前愆。其疾漸尋愈。再過數年間。連生三子。可知皇天不罪悔過人也。但願世上之人。有味良心之事幹過者。急宜改惡從善。勉之。

改過  
戒淫  
勸善  
得子

詩曰

半生不育嗣維艱  
檢薄冥祠識犯姦  
悔過戒淫多勸化  
晚添二子倍怡顏



## 改過戒淫勸善得子

賈仁。有才學。五十仍無子。夜夢至一府第。題曰生育祠。仁因叩求子嗣。主者取簿視之。謂曰。汝曾姦一良家婦。欲求子不可得矣。仁哀告曰。小子無知。乞容贖罪。神曰。汝既悔過。能勸十人戒淫。方可贖罪。再能勸化多人。則有子矣。仁既夢醒。痛自改悔。因選著戒淫歌曲。廣勸世人。竟感化甚眾。後連生二子。如賈仁者。真是亡羊補牢。猶未晚也。

改過  
向善  
得回  
解元

詩曰

姪婢投河主母威  
訴冤改校浙秋闈  
若非聞夢堅爲善  
鍾子焉能中解歸



## 改過向善得回解元

辛卯。浙闈場前。有一人夢眾神祇。聚會考校。觀中式諸人。首名為鍾朗。另有一女子接口訴冤。中坐者答曰。是不可中也。因訪求補回此名者。旁答曰。盍以孺子代之。此人有孝行。且無邪淫事跡。迨某人醒。以夢告鍾。因細詢鍾之委曲。知其家有婢受汙。懷妊數月。為主母不容。遂赴水而死。鍾常以此不安於心。及聞此夢。驚駭殊甚。是科鍾果不中。而余恂得中元矣。所謂孺子者。乃恂之字也。未幾鍾妻病歿。鍾益憂懼。由是堅心向善。力行不怠。次科甲午。仍中解元。

改過  
向善  
得回  
原官

詩曰

命該政事合參知  
室女曾姦降運司  
得見綠衣開秩示  
復官增壽善堪期



## 改過向善得回原官

洪壽。一日暴卒。恍惚見綠衣人引至陰府。洪問其平生食祿。綠衣人檢出大帙示之。見己姓名下。但其字如蚊。不能盡閱。後註云。合參知政事。以某年某日姦室女某人。降運副使。洪悚然淚下。大悔曰。奈何。綠衣人曰。汝壽未終。既有悔心。但當力行善事。可以補過。俄而前至大溪。綠衣人推墮之。驚覺後。已死去三日矣。惟以其心煖口動。故未就殮。遂痛自悔過。力行善事。後如其官。得享上壽而終。

改過  
戒淫  
勸善  
得舉

詩曰

有才不中叩  
仙爲盜東家婢  
一愆自輯戒淫  
功過格終膺  
鄉薦得稱賢



## 改過戒淫勸善得舉

漢陽一諸生。素有才名。但屢試不第。一友爲其請仙。開乩叩問之。乩答以某生應有科名。因其少時。館於某家。淫一婢女。故奪去其科名耳。生悚然而驚懼。因以悔過。即輯戒淫功過格。廣採犯淫果報註案。募資刊送。以冀補過於將來。及至康熙年丙子科。仍得中式。人皆以爲改過之報云。

## 勸戒著作淫書淫畫且請翻板翻印良言

三代而下。世多邪說。而最害人心世道者。莫如淫畫。與小說淫詞。蓋聖賢經典。惟欲覺天下之愚迷。而小說春宮。實足喪斯民之廉恥。自小說作。而淫風熾。彈詞興。而女德衰。世不乏聰明子弟。閨閣淑賢。而偶覩淫畫邪書。不覺變爲禽獸之行。良可慨也。蓋邪淫書畫一出。鑿淫竇。熾淫心。因以亂人之倫。敗人之名。戮人之魂。殺人之身。折人之福。破人之家。損人之壽。絕人之嗣。其毒人也。如蜜餞砒霜。其陷人也。如雪山坑坎。此乃奸邪之首。罪惡之魁。是王法所必誅。天律所不赦者也。可不戒哉。

殺人放火。世人謂罪大惡極矣。吾謂造淫書淫畫者。其罪惡大於殺人放火百倍也。殺人放火。其害害在一時。淫書淫畫。其害害在萬世。

。殺人放火。害人有數。淫書淫畫。害人長久。實無數可計也。

顏光衷曰。刻淫書。繪淫畫。誘蕩子。迷婦女。殺人不見血。有聖人者出。急應收燬一切淫污書籍。及書板。並淫畫春宮。有翻刻者。處以死刑。比於忤逆。罪在不赦。庶幾乎。風俗醇。而士習可正也。

袁了凡曰。取淫書邪畫。及艷曲謗語而焚化者。得子孫忠孝節義報。好閱淫詞小說。將此等淫穢書。與聖賢書並貯者。得子孫淫佚報。翻印淫詞小說。暗自鼓吹淫畫。或販賣射利者。得子孫放蕩絕嗣報。

畢效良曰。淫書淫畫。實殺人之利刃。惟願青年子弟。閨秀婦女。一遇此等殺人毒物。立即毀之。偶遇若輩邪友。擯棄勿面。更宜互相警戒。勿蹈無形殺人之危機。

吾今奉勸各省書坊及石印家。不發兌淫詞小說書籍。免使天下識字之人。同趨孽網。世界幸甚。人類幸甚。

吾又奉勸全球男女畫家。不畫春宮。及各淫畫。免使天下不識字之人。同沉苦海。

吾又奉勸世間作艷情之著作家。及繪淫畫之美術家之前曰。椽筆謀生。何求不得。何苦自留污點。自累盛名。引社會於黑暗。陷青年於死亡。況所博者。亦不過蠅頭之微利。竟取罪戾於一己。流毒害於後世。可乎。陰鷲因果之說。淺學每謂渺茫。然聖經賢傳。二十四史。一一具載。且近賢見聞。記錄甚多。以故丁福保先生。約略輯錄。以爲世勸。蓋諸惡之中。淫爲第一。生前暗中折福減年。種種報應不爽。死後靈魂。仍復墮入極慘地獄。永受痛苦。凡事害人。終必害己。造淫書淫畫者。何愚之甚也。

吾又奉勸世間刻板家。及翻印家之前曰。誰無子弟。誰無妻女。而忍令入黑暗。踏死亡。斷宗祧。絕後嗣乎。倘發現良心。有板即毀之。有書即焚之。永不出板翻印。公同杜絕。互相勸勉。力除此弊。吾知其子弟妻女。必爲世上之大偉人。大巾幗者矣。

吾望當世名公。當道偉人。深思利害。反覆申明。嚴禁天下。永遠杜絕。著爲明令。此斬草除根法也。淫書淫畫。陷溺人心。大傷風化。顯與盛治相違。以致每年添出許多姦情命案。流毒天下。著此等書。售此等書。蓄此等書者。當服上刑。禁此等書。焚此等書。絕此等書者。應受上賞。庶幾此弊可除。流毒可免。

吾又望天下刻板店。書坊店。均議定行規。凡遇淫穢冊籍。概不受鐫。有私刻私印者。從嚴究罰。是則淫書淫畫。不絕而自絕。此斷來源之法。陰功浩大。無以過之。賺錢有限。造福無涯。

吾復望海內盛德長者富翁聯合同志。開會集議。妥籌掃除淫書淫畫方法。務使斷絕。並將戒色。覺世。敦品。勵恥。方便。行孝。各等因果良好善書。廣行流佈。多方獎勸。造福社會國家後世。實無限量。不禁馨香百叩以禱之。

## 孝淫果報錄跋

語云。百行孝爲先。萬惡淫爲首。由來尚矣。時至今日。人心風俗。競事澆漓。恒性淪亡。彝倫泯滅。緣其不信果報。不讀詩書。趨向新奇。遂至人類流於禽獸而不知恥。嗚呼痛哉。吾友趙君棟垣。抱憂時感世之懷。具拯溺救焚之念。留心十載。搜羅古籍。彙輯孝淫果報一卷。聊作暮鼓晨鐘。命予校正。每事撰詩一首。括其大略。提要鉤元。其有心世道也深矣。夫果報之說。或云創於釋氏。其實始於儒家。易言餘慶餘殃。書言降殃降祥。善惡報應之端。得諸見聞事跡者。鑿鑿有憑。證諸歷史記載者。斑斑可考。豈同烏有子虛之說哉。此書一出。俾閱者觸目警心。仇孝之念頓灰。自由之風漸息。禮門義路。同歸蕩蕩之途。愛物仁民。推本親親之地。協和之象。於變之基。將於是乎在。趙子之功。豈曰小補云爾哉。

時

中華民國十八年己巳歲重陽日

南海鄭善光樂三氏謹跋

## 讀孝淫果報錄書後

時至今日。禮教廢弛。誤解自由。男女放恣。忤逆成風。視父母若仇讎。禽獸成性。置廉恥於腦後。以道德爲腐敗。以淫蕩爲趨時。世界如斯。痛心曷極。推原其故。半由人心之陷溺。半由指導之無人。遂不知有孝悌忠信禮義廉恥之八德矣。趙君棟垣。心焉憂之。費數年苦心。編輯孝淫果報錄一書。用以勸世。此書鑒別最精。搜羅最廣。其所編輯之事實。皆最有趣味而能發人猛省者。又復選集歷朝名人詩歌論說。至爲美備。又將書內各段事蹟。繪成圖畫。共有一百五十餘幅。分勸孝戒淫上下兩卷。所謂善且美矣。自出版以來。計各善友社會。極表贊成。經翻印九次。送書數萬。流通幾及全國。其有益於世道人心。良非淺鮮。將來久遠。流傳世間。不獨通人名士所嘉獎。即使

不識字之婦孺。皆能心目了然。津津而樂道之。從此印入全國人人之腦筋。異常警惕。恍似雷霆霹靂。聞聲而心胆皆寒。須知日月鑒臨。盡道則吉星拱照。正是人倫標準。各循中正良途。莫云天道昏蒙。可以自由戀愛。所願賢人君子。愛親勝美玉精金。綠女紅男。守身若明珠寶璧。富者捐資多送。俾勸孝以懲奸。貧者竭力宣傳。乃建功而立德。誠如是也。則不負趙君殷殷編書勸世之心也。是書告成。見作序者有謝君寶書。熊君斌。陳君綉敏。潘君明心。繪圖者有馮君潤芝。校正並作圖詩者。有鄭君樂三。校對者。有潘君衍祥。料理送書者。有周君學能。鄭君銘良。趙君不黨。趙君文學。通力合作。成爲大觀。趙君猶命<sub>子</sub>當謄錄。<sub>子</sub>雖不敏。敢不効勞。以勤善舉。書法優劣不計也。敬讀之餘。謹書數語於後。以誌欽佩。

民國二十年辛未冬至前十日

廣東中山李潤宣謹識

戒淫聖訓

蓋聞業海茫茫。難斷無如色欲。塵寰擾擾。易犯惟有邪淫。拔山蓋世之雄。坐此亡身喪國。繡口錦心之士。因茲敗節墮名。今昔同揆。賢愚共轍。沉乃囂風日熾。古道淪亡。輕狂小子。固耽紅粉之場。慧業文人。亦效青衫之濕。言室欲而欲念愈滋。听戒淫而淫機倍旺。遇嬌姿於道左。目注千翻。逢麗色於閨簾。腸回百折。總是心爲形役。識被情牽。殘容俗嫗。偶然簪草簪花。隨作西施之想。陋質村鬟。設或帶香帶麝。頓忘東婦之形。豈知天地難容。神人震怒。或毀他節行。而妻女酬償。或汙彼聲名。而子孫受報。絕嗣之墳墓。無非輕薄狂徒。妓女之祖宗。盡是貪花浪子。當富則玉樓削籍。應貴則金榜除名。笞杖徒流大辟。生遭五等之誅。地獄餓鬼畜生。歿受三途之罪。從前恩愛。到此成空。昔日風流。而今何在。普勸青年烈士。黃卷名流。發覺悟之心。破色魔之障。芙蓉白面。須知帶肉骷髏。美貌紅粧。不過蒙衣漏廁。縱對如玉如花之貌。皆存若姊若妹之心。未犯淫邪者。宜防失足。曾行惡事者。務即回頭。更祈展轉流通。迭相化導。必使在在齊歸覺路。人人共出迷津。

## 附錄保富確言積德方法貳拾陸條

(一) 孝爲百行原。又爲百善首。孝可忽略乎哉。從來大豪傑。大英雄。未有不先孝於親。然後忠於國者。夫父生母鞠。何等劬勞。人若不孝。不如烏鳥。爲善先從孝弟造起者。是有根之善也。不先從孝弟造起者。是無根之善也。有根之善。發福速而大。無根之善。得福緩而小。行此善。而求長保富貴者。須將孝弟二字。先行體認深淳乃可。

(二) 淫行最損陰騭。最召奇禍。世人因淫喪命。因淫染瘋。因淫絕嗣。因淫出族。因淫痺痿。因淫妻妾淫人。因淫親朋割席。因淫玉樓削祿。因淫天府除名。曠觀古今。彰彰可證。戒淫果報。載籍甚詳。天道禍淫。報應最烈。既犯速改。未犯慎戒。有女淫奔。正色

拒絕。無慚衾影。感動太清。歷考福報速而大者。莫若淫奔不就。拾遺還人。慾火忍須臾。貪心戒平素。便食無疆福報。人其何樂不爲。

(三) 十室之邑。必有忠信。如貞孝節烈婦女。各處鄉落。未嘗無之。烏忍任其潛德幽光。湮沒不聞者。尤宜按鄉詳查。無遺無隱。會同廉正紳士。彙稟上官。仰邀旌表。務使泉臺光耀。鄉黨昭彰。慰既往而勵將來。風化有關。貞魂得慰。功德自然無量矣。

(四) 婢僕亦有父母所生。無奈迫於饑寒。悲切發賣。割恩斷愛。情最堪憐。待宜寬恕。切勿苛刻。苛刻損福。天理使然。歷觀福入慶門。莫不加以慈惠。時誠婦子。此即陰功。

(五) 富人以施爲德。夫石崇金谷。鄧通銅山。可謂富極。而其財用。祇供豪華奢麗。何嘗片惠及人。旋自敗亡。不及孫子。竇燕山濟。

人利物。五子祥甲連登。蘇眉山恤寡憐貧。諸孫官階疊晉。可知能積財者固難。而善用財者尤不易。以此財多作益人實用。厥後必昌。以此財專供家人奢華。厥後必敗。有等家稱素豐。鄙吝苛刻爲懷。無論利物濟人。一毫不拔。更且損人益己。計較錙銖。轉眼觀來。子蕩產而孫傾家。天之報應鄙吝苛刻。不可謂不速。

(六) 鰥寡孤獨。並殘疾不能覓食之人。若無富翁慈善家救濟之。則饑寒無告。困苦顛連。何堪設想。可按月施以錢米。俾資日給。籍延殘喘。此乃補天地之不足。彌生民之缺憾。功德浩大。福報無窮。

(七) 親隣戚友。家貧如洗。婚娶維艱。嗣續無由。情殊可憫。可即助以銀兩。俾成美舉。不特身受恩者感激靡涯。即彼祖宗。亦必泉臺頌德。濟人當急。陰騭匪輕。

(八) 天地生人。貧富不齊。貧難之家。有嫌兒女眾多。齒繁莫顧。而送諸嬰堂養育者。但嬰堂各鄉落極少。大都居城者多。承負嬰兒赴堂之人。心術仁忍各異。或因路途遠涉。或因風雨難行。不少忍心害理。直置嬰兒於林麓籬落間者。本來投生。那忍置死。耳聞目擊。無限哀憐。可於去城略遠。村落稠密之處。或獨捐資。或與同志共濟。倡建育嬰堂。庶使負嬰之人。易於送交。不致中道遺棄。何殊普渡慈航。

(九) 義學爲培育人才之本。尤關緊要。或獨捐資創興。或與同志倡舉。以俾貧家兒童。皆得入塾習讀。樹人種德。善士風規。不特培養貧兒日後之衣食。且可養成一方一邑之奇材。用財莫善于此舉。

(十) 貧苦親鄰戚友。不幸身體患病。醫資藥費籌劃無由。俯仰咨嗟。困等涸轍。可即施以銀兩。如自己無力。代勸有力者施之。俾得

延醫調劑。幸慶生還。如不幸身亡。無錢殯殮。則棺木葬費。更要周全。俗云。衛人衛到底者此也。則死鬼生人一同感戴。

(十一) 設局贈醫施藥。是乃仁術仁心。使患病者藥到回春。可比楊枝水灑。宜先捐資倡舉。力鼓同志簽題。勸助多方。共成美舉。規模遠大。廣惠一方。天地缺憾足彌。貧困甦生有賴。但延請醫師。切宜向素有經驗者選聘。切戒曲徇人情。隨意舉充。否則不惟無益。而又害之。

(十二) 家中時藏上品真料膏丹丸散。以便貧苦親鄰戚友。患病討取。鄉窮壤僻。醫藥維難。得此如得良醫。兼得良藥。可以立愈病苦。事關方便。尤貴力行。

(十三) 風雪交加。寒威凜烈。貧難無措。衣裳單薄。嚴冷侵人。節節澈骨。不無凍死。情實堪憐。可即多買棉衣。廣行施與。陰功最

大。如遇雨水連綿。多送雨帽。俾乞人得去覓食。免至濕身饑寒患病之虞。

(十四) 時當夏令。暑熱蒸人。口渴喉乾。勢難忍耐。可於往來要衝之處。日日施茶。雖非雀舌龍團。極渴之時。勝似醴泉甘露。費財不多。益人甚大。

(十五) 乞丐到門。饑寒苦況。情殊可憫。可即施以錢米。或有殘羹剩飯。多施與之。仍須嚴戒婦子婢僕。毋將斥逐。方成仁厚家風。尤勿存乞丐無種。懶惰變成之見。致阻恩施。若能對壯年乞人。曉以乞食之恥。使之覺悟。各務工藝。尤爲有益。

(十六) 年遇歲荒。饑者嗷嗷待哺。菜色鵠形。實堪憐憫。可先倡舉賑濟。餘力不遺。復鼓同志。或買米平沽。或煮粥分惠。或按丁派米。或派籌俾往店號取米。務須善法佈施。殘喘藉延。免填溝壑。

(十七) 日久橋路。欹側傾頽。有礙人行。兼之高低潺湲難行。均宜提倡修整。或自出錢修理。務使道路康莊。行者稱便爲快。

(十八) 狂風驟雨。酷暑嚴寒。路上行人。避無處所。有行路艱難之嘆。耳畔時聞。可於往來當中之處。或於渡頭舟泊之區。捐款創建涼亭。或與同志倡舉。以俾行人憩息。載道口碑。

(十九) 瓦石當途。或有蟻穴。最礙行人。老者步履維艱。偶觸無難致蹶。少者步趨或急。偶觸亦易致蹉。盲者一隙無明。更防仆跌危險。小則破頭流血。大則骨斷筋傷。除凸補缺。無限陰功。願勿因循。放過好事。

(二十) 善書格言。乃人間至寶。能令惡者遷善。善者益善。洵是迷津寶筏。覺世良箴。可倡建講堂。或在祖祠延聘高明先生宣講。以俾奸頑默化。共成良善中人。最好爲富翁者。擇印良好善書。歲送

萬本。或數萬本。永以爲例。或立閱書送書社。集眾廣益。更能可大可久。務使流通遐邇。善遍人寰。古聖賢有功于世。亦無非立德立言耳。勉之。

(廿一) 荒溝水面遺屍。山野骸骨暴露。想罹冷死饑死病死溺死等難。情最堪憐。可即施棺木。分別埋殮。義塚豐碑。泉臺鬼感。

(廿二) 戒殺放生。世人宜研究之。從來水火盜賊刀兵瘟疫災劫。半由人多嗜食。殺生太過而致。想人莫不愛命。物亦莫不愛命。奈何殺彼身軀。充我口腹。或尖刀刺心。或利刀剖腹。或剝皮刮鱗。或斷喉劈殼。或沸湯活煮。或塩酒生醢。可憐負痛莫伸。極苦難忍。設使我不幸而遭此灾。此時求生不能。求死不得。此情此景。其何能堪。凡有血氣者。豈有異耶。夫一羹而斃數命。一餐而傷眾生。易牙有味。過喉亦空。豈不思殺孽之積。禍患攸伏耶。更有耕牛貓

犬。此皆有功于世。有益于人。又何忍殺而食之。雖於至細至微之物。亦宜愛護。不可殺傷。天下含靈皆活命。無分大小也。最好提倡。邀集仁慈兄弟親戚朋友。立一放生月會。每月每份科銀一元或二元。有力者多認會份。或五份。或十份。多多益善。並設一放生箱。以便無力入會者。時時量力放散銀入內。集腋自可成裘。每月放生一次。或二次。或放水物。或放鳥獸。順其自然。永以爲例。庶幾此倡彼和。遠近人多效之。則每年可救活生靈性命。千萬億兆。無可限量。合乎上天好生之德。挽回大造之慈祥矣。

(廿三) 豪門大戶。氣燄赫然。子弟勢必驕人。婢僕從而傲物。時或相爭口角。輒即凌辱善良。此等損福行爲。可時諄諄告誡。務使和平忠厚。器成載福爲佳。

(廿四) 肩挑背負之人。沿街販賣魚菜雜物。生涯小作。升斗希圖。

養育父母妻兒。全繫於此。宜時告誡婦子婢僕。切勿固用重秤。謀佔便宜。更勿私用銅銀。欺彼無智。損人利己。家道不昌。

(廿五) 鄉鄰鬥狠。最爲不祥。必至焚掠殆盡。死亡枕藉而後已。到此時間。悔無及矣。然旁觀者醒。當局者迷。全憑鄰里親戚。竭力排解。痛陳弊害。弭患於未萌。歷有前車可鑒。豈可蹈其故轍。忍讓三分。大事可化無事。謙能受益。吃小虧是大便宜。和氣致祥。古今名訓。

(廿六) 殯葬父母。乃是慎終典禮。死者以入土爲安。亟宜早日安葬。勿久停柩。以免意外之虞。至於山墳一節。祇可出於自然。先年覓定。切勿稍事勉強。謀佔人家墳地。朱晦庵先生所謂此地若發無天理。此地不發無地理。即指強佔陰謀而言。夫風水人間不可無。全憑陰鷺兩相扶。欲圖佳城。先積陰德。古語心田福地。斷乎不差。

# 附錄先賢勸世格言聯璧

趙運善棟垣氏選輯

第一種可敬人忠臣孝子

第一種可憐人寡婦孤兒

佛祖無奇但作陰功莫作孽

神仙有法只生歡喜不生愁

孝弟忠信認得真乃希聖希賢地位

酒色財氣看得破即學仙學佛根基

言易招尤快意時少談幾句

書能益智會心處多讀數行

現在之福積自祖宗者不可不惜

將來之福貽於子孫者不可不培

座右多書名語格言其志趣可想

門內罕聞嬉笑怒罵其家範可知

盡孝莫辭勞轉眼便爲人父母

施恩勿望報回頭但看爾兒孫

世事讓三分天空海濶

心田留一點子種孫耕

處富貴之地要知貧賤的痛癢

居安樂之場當體患難的景況

君子當親不可曲爲附和

小人當遠不可顯爲冤仇

惟忍足以治心惟恕足以治事

做個好人身潤心安魂夢穩

惟公足以服眾惟德足以服人

行些善事天歡地喜鬼神欽

吃苦是良圖作苦工費苦心苦境終歸樂境

靜坐常思己過

偷閒非善策理閒事好閒蕩閒人便作廢人

閒談莫論人非

待有餘而後濟人必無濟人之日

倚勢欺人勢盡必爲人欺

待有暇而後讀書必無讀書之時

恃財侮人財散必受人侮

善報在兒孫惡報在兒孫勸君早種兒孫福

君子居易俟命

彼求爲父母此求爲父母問爾曾知父母恩

小人行險僥倖

安莫安於忍辱樂莫樂於好善神莫神於至誠

無欲之謂聖

吉莫吉於知足孤莫孤於自恃敗莫敗於多私

寡欲之謂賢

能媚我者必能害我須加意防之

炎涼之態富貴甚於貧賤

能規我者必能助我宜傾心聽之

嫉妬之心骨肉甚於外人

行善之人如春園之草不見其長日有所增

學問在乎知非

行惡之人如磨刀之石不見其損日有所虧

境遇在乎知足

得不義錢財在妻子前歡天喜地

兄弟爭財父遺不盡不止

折暗中福壽對祖宗面抱恨懷慙

妻妾爭寵夫命不死不休

處世要讓讓到無可讓地存存心從新再讓

勿奪人之所好

居家要忍忍至不能忍時耐性仍舊還忍

勿強人之所難

仁者不乘危以邀利

萬言萬當不如一默

不患年之不長

智者不僥倖以成功

百戰百勝不如一忍

特患名之不立

謂鬼神無知不應求福

以忠孝遺子孫者昌

寡言者寡過

謂鬼神有知不當爲非

以智術遺子孫者亡

爲善者爲寶

人間私語天聞若雷

苦心未必天終負

忍與和齊家上策

暗室虧心神目如電

辣手須防人不堪

勤而儉創業良圖

學一分退讓討一分便宜

有實學者必不誇學

得意淡然

去一分奢侈少一分罪過

有真才者必不矜才

失意泰然

事事培元氣其人必壽

勤儉興家之本

學問從五倫做起

念念存本心其後必昌

忠厚傳家之本

英雄自磨練中來

絕嗜禁欲所以身安

謙恭儉約所以自守

富以施人爲德

避嫌遠疑所以心慰

親仁友直所以扶傾

貴以下人爲德

冤仇莫結路逢窄處難迴避

謙卦六爻皆吉

積德者不傾

恩義廣施人生何處不相逢

恕字終身可行

擇交者不敗

人好剛我以柔勝之

閒中檢點平生事

勿謂善小而不做

人用術我以誠感之

靜裏思量日所爲

勿謂惡小而可行

小人行險終須險

利鎖名枷埋俊傑

短不可護護則終短

君子固窮未必窮

愛河慾海喪英雄

長不可矜矜則不長

經一番挫折長一番見識

念念持循天理

願天常生好人

容一番橫逆增一番器度

時時密察人情

願人常行好事

貧富本無常莫把眼前作準

涵容是待人第一法

勤補拙

窮通雖有數還從心上推移

謙退是保身第一方

靜生靈

爲善最樂

當仁不讓

群居守口

知足常樂

多放物命

修行便佳

見義勇爲

獨坐防心

能忍恒安

痛改前非

古今來許多世家無非積德

蓋世功勞當不得一個矜字

天地間第一人品還是讀書

彌天大罪最難得一個悔字

聰明用於正路愈聰明愈好

富貴家不肯從寬必遭橫禍

聰明用於邪路愈聰明愈驕

聰明人不肯學厚必天天年

君子未嘗無邪念也但隨起而隨滅則日月何虧

酒似穿腸毒藥

小人未嘗無正念也但明知而明悖則禽獸不遠

色如刮骨鋼刀

處世樹爲模根穩任從枝葉動

愛人者人恒愛之

調養怒中氣

立身錢作範內方還要外邊圓

敬人者人恒敬之

提防順口言

暗箭射人者。人不能防。借刀殺人者。己不費力。自謂巧矣。而造物尤巧焉。我善暗箭。而造物還之以明箭。而更不能防。我善借刀。造物還之以自刀。而更不費力。然則巧於射人殺人者。實巧於自射自殺耳。

貧賤時累心者少。宜學道。富貴時施與者易。宜濟人。若夫貧賤而存濟人之心。是高人一等。富貴而堅學道之志。則勝人一筹。先須改過。諸惡莫作。眾善奉行。自然萬善俱圓。過去之改。勿使再犯。現在之過。痛自改悔。未來之過。加意提防。則造物延年。自我操之。便可出離火坑。直上天堂矣。勉之。

☆ 附 錄 簡 便 經 驗 良 方 ☆

● 熱心者抄出印送廣傳功德無量 ●

凡人眼痛與牙痛。最關緊要之事。有因眼痛數日。或十餘日。不能出門者。甚有因眼痛失治。而致目盲者。又有因牙痛數日。或十餘日。不能食物者。甚有因脫痛牙。流血不止。而致喪命者。心甚憫之。嘗留心訪尋此兩方。經十餘年而不得。民國癸亥年。在香港陳友處。祇研究得一治本之方耳。特錄之于後。

# 預先制止眼痛治本良法

不論老幼男女。天熱天冷。每日晨早起身。宜用清水洗面爲佳。否則用微熱水勿用大熱水。大熱則傷眼。又於洗面時。必要用淡鹽水洗眼。每日洗一次。或隔日洗一次。則其人必少染眼痛之患。

## 有友附來發青光及發鷄盲眼方

山 地 三錢

金蒙花 三錢

生 花 三錢

兔絲餅 三錢

歸 身 三錢

川 芎 二錢

杞 子 三錢

白 芍 二錢

首 烏 三錢

雙蒸酒 四錢

細心蒸透各藥然後煎服

再用正馬蹄粉 一兩

胆 凡 三分

正川連末 二錢

三味共研細末。用口

水調糊搽眼。此乃光明眼藥。閒時埋便送人。功德無量云。

## 預先制止牙痛治本良法

不論老幼男女。每日食飯。兼食別物之後。必須用清水嗽口。去淨牙脚所藏之食品碎質。免至腐臭壞牙。又於早晨起身洗面時。用細生鹽或熟鹽。擦牙一次。或隔日擦一次。則其人必少染牙痛之患。

## 有友附來牙痛簡便良方

用丁香油。以棉花一球。濕點牙患處。即止痛神效。

## 牙血不止方

用竹茹煲醋。放凍舍之即止。神效。

## 牙疳方

用舊葫蘆瓜壳。有將壳晒干裝茶者。用至十餘年。或數十年更好。將之燒灰。去火氣。即加入麝香冰片些少。和勻擦之即愈。

## 鼻淵症方（又名腦漏）

霍香 一兩

蒼耳 五錢

蘇葉 五錢

薄荷 四錢

京子 五錢

甘草 三錢

川芎 二錢

共研爲末每朝服 三錢

清茶送下

△又方 舊葫蘆壳。新瓦煨成灰。加牛黃冰片末和勻擦神效

## 火燒傷滾水淥傷同方

青蒟和黃糖。搗爛敷之。日換數次。神效。

△又方 生羌磨爛。敷患處。即愈。

△又方 用熟煙浸酒。淋患處。即愈。

如夜間無藥。則用生油一半。清水一半。和勻。用筷子攪至數十下。或數百下。攪至成白膠爲度。敷之。亦可消腫止痛。天明乃取上列方藥治之。取其快愈可也。

### 火燒爛肉久不愈方

用水松樹皮煨灰。打過地氣。去火毒。研細加冰片些少。調油敷之。日換一二次。數天或十餘天即愈。

### 滾油淥傷方

用油糍干燒灰。用好茶油調搽。即愈。

# 跌打刀傷止血止痛良方

麻黃 乳香 末藥 車前子 各二兩或各四兩八兩一斤亦可

四味共研細末。用罇封密。久久取出晒之。免致潮濕。遇有患者。即敷傷口。用布扎住。自然止血止痛。而快愈矣。有心者。閒時埋散。以便濟人。價廉功大。

△止血又方 用大塊瘦猪肉。或軟皮蓋上。用布扎住。亦妙。如傷口大者。要用此方。

## 跌打藥酒方

川烏	大黃	續斷	甘草	防風	車前	細辛
八錢	二兩	二兩	五錢	一兩	八錢	八錢
歸尾		兩半	川芎	紅花	芥穗	骨碎補
			八錢	兩半	一兩	兩半

另生草藥三味晒干 透骨消兩半 韓信草二兩 千打槌兩半  
共浸雙料酒十斤。此乃趙秀錦由金山帶回良方。除治跌打之外  
。尚可治各種奇難雜症。屢效。

## 跌打擊血腫痛方

此方只可敷用。不能食。

生半夏末

麵粉

右二味。用熱酒調如糍醬。敷患處。以布扎住。日換數次。即消腫而愈。如傷重。則加倍藥散。日夜更換可也。

△又方 用生羌切開邊。煮生油。煮滾爲度。用筷子將生羌拊起。候片時。擦患處。立即消瘀止痛。神效。

## 毒蛇咬方

如鄰近有捉蛇人。請其醫治最好。否則即取不論竹木旱煙管內之煙屎。（多年者更妙）用冷水洗一二碗飲之。受毒重者。飲之必甜而不辣。是則以多飲爲佳。如傷口痛甚者。內有蛇牙。亦取煙屎水淋洗。以竹片刮之必出。此爲治蛇咬傷之簡便法也。

△又方 用半邊蓮。自己用口嚼爛敷之。神效。

△又方 用三葉黃搥爛敷之亦可。

### 蛇頭纏指單方

用信石紅黃二味。各些少研末。用鷄蛋祇用蛋白和藥攪勻。將患指插在藥蛋內。立刻見效。如見效。再製藥蛋插之。

△又方 山甲一錢 乳香一錢 羌虫一錢 末藥七分 蜈蚣二錢  
琉璜錢半 共研細末開猪胆和藥末將猪胆包入指內

## 蛇頭纏指或脚指痛方

用馬前磨醋頻頻搽之即愈。但馬前一物。只可用之外搽。忌入口。即裝過馬前之器皿。亦要小心。或丟之勿要爲是。

## 癩狗咬方

凡癩狗最毒，雖咬有微傷，亦要速醫，否則毒發，過了七日，則難救矣，切勿以輕傷而忽之。

黃皮葉

青苔

青蜓飯

（生在花台石脚身短小而青綠色

。牆脚潮濕處亦有之。）紅番薯葉

井邊蓮（生於井邊如蘭花

葉者是）右五味再加黃糖少許。馬前五六文。去淨毛。共爲搗爛

。敷傷口。拔清毒氣。即愈。（此方外敷。千祈勿食）

△又方 用萬年青。搗汁冲酒服之。瀉後即愈。

△又方 用荔枝肉搗黃糖敷之。日換數次即愈。如無新鮮荔枝肉用

荔枝干亦得。此症要用北杏係粥食。以消內毒方可。（家狗咬傷亦合）

### 誤食梔水方

此症須急醫，遲則爛腸矣，

食大紅浙醋即愈。如無大紅浙醋。食白醋亦可。（如買醋未回。速先多飲人乳以潤腸胃。免至爛腸難救也）

△又方 多用人乳飲飽。日飲數次亦可。多多益善。

### 誤食信石方

用防風一二兩煲水飲之。或用石蟹一二兩煲水飲之均效。

### 雞骨骿喉方

矮瓜樹根煲醋含之。及食些少自下。或吐出之。

## 夾色良方

（先以白礬試之。如食見甜。則是夾色無疑。）

石蓮子一味（熟藥店有賣）一二日用五錢。三四日用一兩。五六日用兩半或二兩。症久及重。則用二兩或三兩。或日服二次。煲淨水飲之。即愈。

## 忽然舌根腫大塞口方

用鑊底煤開醋。多搽舌根上下。即消。

## 脚氣症良方

用薇荳。蒜頭。通心草。紅棗。同煲。不落鹽油。忌食飯。

## 爛了哥門方

(即膝頭下正中骨處)

用沙菴末和冷飯舂爛敷之。後加竹虫粉摻之即愈。竹虫粉即舊竹被虫蝕爛。內藏有黃粉即是。

△又方 番薯葉 紅黃梅片 黃糖 舂爛敷之即愈

## 婦人生乳瘡初起

刺痛未成。即用生鯪魚肉琢爛敷患處立效。

△又方 初起見痛 即用新毛巾大熱水鋪患處多次立效

## 婦人小便不通

中西醫生

## 罔效經驗仙方

牛七五錢

三服全愈

# 婦人產後腹痛百藥不效方

用白鴿屎。取約一兩或二兩。白鑊炒至微黃。用水一碗煲之。格渣滓。剩一小碗飲之便得。是方經驗多人。勿嫌污穢而忽之。

# 霍亂抽筋疴嘔肚痛絞腸痧等症方

天竺黃一錢	烏藥一錢	薄荷葉一錢半	荊芥穗一錢	北柴胡錢半
茅蒼朮一錢	檀香一錢	川厚朴一錢半	白附子一錢	細辛一錢
北防風一錢	良薑一錢	蒙石一錢半	法半夏二錢	香白芷一錢
明天麻一錢	藿香二錢	紫蘇葉一錢半	粉甘草一錢	廣木香一錢
舊廣皮一錢	肥牙皂一錢	<small>去皮</small>		

右藥二十二味。須用太陽晒干。勿用火炕。共爲細末。老蜜爲丸。分作二十個。外加蠟壳。隨時可用。症輕者服一九。症重者服二九。用陰陽水調服。忌食米氣。服丸後小便仍見澁刺。宜再服後列方藥。

車前子一錢

腹皮三錢

白芍三錢

霍香八分

吳萸五錢

雲 蓮五錢

木瓜三錢

此七味因利水（孕婦勿服）

上症如緊急。不及製丸。則將前藥二十二味研細末。用陰陽水冲服亦可。每服末一錢。症重者二錢。上列陰陽水者。係用滾水一半。冷水一半。和勻即是。此丸須見有此症發現。即預早製便。以救人急難。勝造七級浮屠也。

## 心氣痛方

（此方由蘇州潘汝鳳先生傳來應驗如神雖數十年老症亦可醫愈）  
（孕婦忌服）

元胡索一錢 梅片分半 蒲黃一錢 莢朮 錢醋炒 降香一錢

沉香節一錢 木香一錢 桃仁一錢 珍珠五錢另研包 川朴一錢

鷄內金二錢 佛手一錢 朱砂二錢 琥珀五錢另研包 乳香五分去油

遇症以一丸磨酒。再用雙料熱酒冲服。如珠末沉於碗底。則以酒洗清飲盡爲佳（如本人不能飲酒。則以滾水將酒摳淡。隨量飲之可也。）

△又方 白芍 素馨花干 各三錢煎服即愈。每欲起時。早服爲好。  
。或閒時服之。免發也。

## 小腸氣痛方

用鷄蛋一個。將蛋頭開一孔。燒鴉片煙泡一粒。如白豆大研碎。

放入蛋內攪勻蒸熟。輕症食一只即愈。重症要食二三只方愈。但每次祇食一只。不能一次食二三只也。

△又方 荔枝核。橘核。青皮。小茴。爲細末。每服二錢。黃酒送下。早晚服之亦好。

### 無名腫毒方

（外敷不能食）

生川烏三錢

生草烏三錢

紅黃二錢

乳香二錢

末藥二錢

梅片三分

生南星三錢

生半夏三錢

共研細末。開蜜糖。醋攪成膏。搽之即愈。

### 治生橫丫腸症方

（不用割經驗）

用石菖蒲根煲猪橫利。多人食三四次即愈。

# 鯢魚骨方

威靈仙五錢

煲水一碗加白糖三錢服飲

## 治胃病良方

（此方由彌敦道七八四號貳樓李聖攝先生傳來）

松壳二錢 川朴三錢 陳皮三錢 蒼朮二錢 仙楂三錢 川蓮二錢

神耬二錢 砂仁二錢 草果二錢 扁豆二錢 黃岑二錢 麥芽二錢

檳榔三錢 甘草二錢 法下六錢 香付三錢

以上之藥共十六味炒赤研末

紫蘇三錢 薄荷二錢 沉香二錢 藿香三錢 木香二錢

此藥五味不可炒。連上十六味。共同研末。開水冲服。每日服二

次。每次服五錢。服至病愈爲止。或用正蜜糖將藥末爲丸。服之亦可。此方經驗如神。服過便知。

### 腎囊生瘡方

用紫蘇葉濕熱醋洗之。並將紫蘇葉多貼之。神效。如日久不埋口。則取白荳用口嚼爛。敷之即愈。

### 糞門側生瘡仔。繼而成漏。流水日久不愈方。

用紅靈丹開水荳腐敷之。即愈。

### 各症爛肉久不埋口方

用舊毛氈帽。以新瓦炕燒成灰。研細。打過地氣。用罇裝之。臨

用時加入梅片些少。撈勻搽患處。即易埋口矣。

## 天花痘症單方

用老柚樹寄生三錢 煎水服當茶飲立效

小兒頭上

## 生天泡瘡經驗良方

白泡即天泡也。生於頭部。初起一二粒。其濃水流至任何處。發至任何處。未幾。滿頭滿面皆是。

黃柏粉一兩 開水荳腐攪勻搽患處。立即見效。

## 小兒鎖喉散

三朝七日不飲乳者多是風痰塞口謂之鎖喉此散極能通利其關無不應驗

羌蠶一錢（炒）

甘草六分

全蝎稍六分（浸淡炒）

川烏尖六分（製）瞿麥一錢 蜈蚣二條（酒浸要金頭赤足者去頭足炒）共藥六味。爲極細末。先將些少吹入鼻內。但得鼻發嗽聲。雖極重猶可治也。後用薄荷七片煎湯。用藥末二分開服。即愈。凡小兒三五歲。患風痰者俱合。若大人中痰者。用散一錢。白礬五分。熱水冲服亦合。此方由東莞鄧老壽先生傳來。每年救活小兒。不計其數云。

### 小兒胎毒白痴爛頭方

用白皮白心番薯。去皮和黃糖搗爛敷之。一日換兩次。數日即愈。

### 治小兒

頭上生米  
老先白頭

### 或濕癩方

極妙

熟軍二錢 麻仁二錢 樟香二錢 康青二錢 三黃散二錢  
五焙二錢 川連一錢 宜茶二錢 紅丹二錢 山茨菇二錢  
枯凡錢半 生軍二錢 加大梅片五分

共研細末。用茶油開搽患處。預備家藏濟世。

### 小兒頭瘡方

用馬齒莧菜搗爛。敷三幾次即愈。

△又方 黑荳燒灰。用香油和敷亦效。

△又方 不論大人小兒。生大小頭瘡。但紅腫者。用口嚼爛白荳敷之。均效。

### 小兒爛頭瘍及胎毒方

用鹹蝦香爐灰和勻敷之。一日換一次。或數次。敷好爲止。

## 戒鴉片烟良方

黃糖八兩

薑汁一茶杯

食鹽二錢

洋煙一錢（後下）

先將糖鹽薑汁。微火煮溶。後落洋煙。再滾數滾。即成糖醬。如食煙一錢癮。即食糖醬一錢。餘照類推。

## 又戒鴉片煙方

用有水大椰一個。將頂上軟凹開一孔。燒煙泡三錢。開洋花乾十八朵。同放入椰水內。用沙紙糊蜜。約封浸三十天。即可飲矣。每日食煙幾次。即用酒杯飲椰水幾次。飲完再製。飲至斷癮爲止。每飲屢效。

## 又戒鴉片煙方

第一星期用白礬五分。烟灰五分。放凍滾水一斤。混合撈勻。每日分三次。早飯後服一次。晚飯後服一次。臨睡時服一次。每次服大半茶杯。服完再製續服。

第二星期白礬五分。烟灰四分。放凍滾水一斤。服法照前。以後逐一星期。將煙灰減少一分。服至不思吸煙。斷癮爲止。

此書將來仍有多次翻印。望諸善家有良方能救人者。請寫付來。以便加入。又望文學家多作序文。或跋付來。並備加入也。

通訊處：九龍大埔道第六號貳樓梁少伋喉科醫師收便得

# 孝淫果報錄

功德主名錄

委印文號：103417

六七、○○○元：迴向盡虛空遍法界眾生，早日覺悟，念佛求生西方極樂世界，共成佛道。

以上計新台幣：六七、○○○元，恭印一、○○○本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有怨枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印（購）經書及運費，為施主廣積陰德，歡迎十方大德善加利用。

同證無上道

行政院新聞局出版事業登記證局版臺業字第三八六九號

流水號 : 12610  
書號 : CH738-34

